

*[Faint, illegible handwritten text visible on the adjacent page.]*

Ma E

~~Cauch quidamud e pr~~  
~~ita quidamud. Am~~

Deus et misericor

misericors Deus


misericors

misericors


Truce to bye

more lucis

more








Il  
na

of

*Gloria in Excelsis Deo  
et in Terra hominibus bo-  
na voluntatis*

Biblioteka  
Ojców Kamedulów  
Bieniszewie



A



DE ARTE  
BENE  
MORIENDI

LIBRI DVO,

ROBERTI S.R.E. CARD.  
BELLARMINI.

è Societate Iesu.

*Ad Illustriss. et Reverendiss. D.*

FRANCISCVM S.R.E. CARD.

SFORTIAM

*Episcopum Albanensem.*



Coloniae Agrippinae  
*Apud Cornelium et Egmond.*  
Anno clb lxxvvi



DE ARTE

NOTITIA

DEL

ART

Biem. A. 1. 15(c)



Imprimatur, si videbitur Re-  
verendissimo Patri Magi-  
stro Sac. Pal. Apostolici.

*Cesar Fidelis Vicesg.*

Imprimatur.

*Fr. Hyacinthus Petronius Ord.  
Præd. Sacri Apostolici Pa-  
latii Magister.*



ROBERTVS BELLARMINVS POLITIANVS.  
S R E CARDINALIS TIT S. MARIE IN VIA,  
Archiep. Capuanus, Fidei Cath. R. propugnator  
acerrimus. *Erat. suæ annor 64. Annq 1604*

FRANCISCO

SFORTIÆ

S. R. E. CARDINALI

EPISCOPO ALBANENSI

ROBERTVS CARD.

BELLARMINVS

S. P. D.



CRIPSI ante paucos menses Opusculum de Arte bene moriendi, tum ut ipse me ad mortem, jam maturum, compararem; tum ut ea, quæ mihi utilia visa sunt ad negotium negotiorum omnium maximum, cum fratribus vel Dominis meis libenter, ut mihi solitum est, communicarem. Hoc autem Opusculum duabus de causis Tibi, FRANCISCE

A 3 SFOR-

SPORTIA, Cardinalis optime,  
dicandum esse censui. Prior  
mihi causa fuit, ut per Te me-  
moriam sancta GREGORII XIII.  
Pontificis Maximi æternitati  
commendetur. Tu enim so-  
lus jam superes ex tot lectis-  
simis Cardinalium creationi-  
bus, quibus Collegium hoc  
nostrum sapientissimus Pon-  
tifex illustravit, & Tu idem  
solus ex nobilitate Romana  
Familiam Boncompagnam,  
& ipsam quoque nobilem,  
affinitate contingis. Porro  
hic idem Gregorius, Religio-  
ni Societatis IESU, quæ mihi  
ab annis sexaginta pia mater  
est, non solum Dominus cle-  
mentissimus, sed etiam pater  
amantissimus semper fuit. Is  
enim Diplomata multa So-  
cietati attribuit, quibus ejus  
privilegia à superioribus  
Pontificibus concessa, vel  
expli-

explicavit, vel auxit. Idem ipse Collegium Romanum magno sumptu extruxit: nec minori liberalitate sumptus, quibus collegæ sustentarentur, attribuit. Idem ipse Sanctissimus Pontifex pro eo quo ardentissimè flagrabat desiderio propagandæ Catholicæ fidei, multis in locis Collegia extruxit, atque in primis Romæ Germanicum, & Hungaricum. cujus administrationem propriam Societatis IESV esse voluit. Huius igitur vigilantissimi Pontificis memoriam colit quidam Romæ Societas anniversariis sacrificiis ac laudationibus: sed visum mihi est, huic etiam Epistolæ adungere beneficia tanti Pontificis in Societatem IESV; ut ea quoque redundant in laudem decusque Illustrissimi Princi-

pis, cui Libros meos, ipsi dicatos, non ingratos esse desidero. Venio nunc ad alteram rationem, quæ me potissimum impulit, ut hos Libros Tibi præcipuè, Cardin. Amplissime, nuncuparem. Argumentum Operis mei non allicit ad legendum, sed absterret potius, præsertim viros magnos, sive principatu politico, sive sacro: non enim continet Liber hic meus artem Philosophicam, vel Oratoriam, vel Poëticam, quæ mentem doceat, vel linguam expoliat, vel aures delectet; sed hortatur ad meditationem mortis, & ad ea sæpè cogitanda, quæ viris magnis placere plerumque non solent: qualia sunt paupertas, humilitas, patientia, & aliæ Christianæ verissimæque virtutes. Elegi ergo Te, virum  
Princi-



Principem, principatu politico & sacro ; & fretus humanitate Tua singulari , dicavi Tibi Libros de Arte bene moriendi, libros exiguae eruditionis , sed magnæ utilitatis: & fretus benignitate Tua spem bonam concepi, & abs Te facile legendos libros non prolixos, & ad imitationem Tuam non defuturos, qui id ipsum agant. Erit id mihi res planè gratissima; nec me arbitrabor, Tibi munusculum obtulisse , sed abs Te munus amplissimum accepisse. Vale.

A J P R Æ-

## PRÆFATIO.



**C**OGITANTI mihi in solito meo recessu, in quo à negotiis publicis vacans, mihi ipse vaco, quæ causa sit, cur artem benè moriendi, quæ notissima omnibus esse deberet, paucissimi addiscere studeant; nihil occurrit aliud, nisi quod

*Ecclesi.* Sapiens ait, stultorum infinitum esse numerum. Quæ potest enim fingi vel cogitari stultitia major, quam artem illam negligere, ex qua bona summa & sempiterna dependent; & artes plurimas ac pænè innumera- biles magno labore perdiscere, & non minore studio exercere, quibus peritura bona vel conservantur vel augentur? Porro artem benè moriendi, artem esse artium omnium maximam, nemo negabit, qui attentè cogitare voluerit, in morte reddendam esse Deo rationem de omnibus, quæ toto vitæ

spatio

spatio egerimus, dixerimus, cogita-  
verimus, usque ad verbum unum <sup>Matth.</sup> <sub>12.</sub>  
otiosè prolatum, diabolo accusan-  
te, conscientia testificante, Deo judi-  
cante, pœna mortis æterna vel præ-  
mio sempiterno nos expectante. Vi-  
demus quotidie cùm judicium ex-  
pectatur de rebus etiam minimis,  
litigantes quietem nullam capere;  
sed nunc Advocatos adire, nunc  
Procuratores, nunc Judices, nunc  
istorum ipsorum amicos vel affines;  
& in obitu pendente causa coram  
summo Iudice, de vita vel morte  
sempiterna, sæpè reus imparatus, &  
morbo oppressus, vix sui compos,  
cogitur rationem reddere de iis re-  
bus, de quibus, dum benè valeret,  
fortasse numquam cogitavit. Hinc  
turmatim miseri mortales in gehen-  
nam ruunt: & ut loquitur sanctus  
Petrus, Si justus vix salvabitur, <sup>1. Pet.</sup> <sub>4.</sub>  
impius & peccator ubi pare-  
bunt? Ego igitur operæpretium  
esse duxi, ut me ipse primum, deinde  
fratres

fratres meos admoncam , ut artem  
benè moriendi magnificiamus ; &  
si qui sint , qui ab aliis doctioribus  
magistris hanc artem nondum didi-  
cerint , ea saltem , quæ nos de hac ar-  
te ex Libris sacris & scriptis vete-  
rum magistrorum colligere curavi-  
mus , non despiciant.

Sed antequam ad præcepta hu-  
jus artis veniamus , operæpretium  
esse duxi de natura mortis quære-  
re , utrùm mors in rebus bonis vel  
malis reponenda sit. Et quidem si  
mors absolutè consideretur , sine ul-  
la dubitatione , mala censenda est,  
quippe quæ vitæ opponitur , quam  
bonam esse negare non possumus.

*Sap. 1.* Accedit præterea , quòd Deus  
*& 2.* mortem non fecit , sed invidiâ  
diaboli mors introivit in or-  
bem terrarum , ut Sapiens do-  
*Rom. 5. c.* cet. cui subscribit Apostolus Pau-  
lus , cum ait : Per unum homi-  
nem peccatum in mundum  
intravit , & per peccatum  
mors,

mors , in quo omnes pecca-  
verunt. Certè si Deus mortem non  
fecit, mors bona non est; cùm omne  
quod Deus fecit, bonum sit, dicente  
Moysè: Vidit Deus cuncta quæ <sup>Gen. 1.</sup>  
fecerat, & erant valdè bona.

Quamvis autem mors in se bona  
non sit , tamen sapientia Dei sic  
mortem quasi condire novit , ut ex  
morte multa bona oriri possint.  
Hinc David canit : Pretiosa in <sup>ps. 115</sup>  
conspectu Domini mors  
Sanctorum ejus. & Ecclesia de  
Christo loquens, ait: Qui mortem  
nostram moriendo destru-  
xit, & vitam resurgendo re-  
paravit. Certè mors, quæ mortem  
destruxit, & vitam reparavit, nisi  
valdè bona esse non potuit: proinde  
si non omnis , aliqua saltem mors  
bona fuisse dicenda est. Itaque san-  
ctus Ambrosius librum De bono  
mortis inscribere non dubitavit, in  
quo libro satis apertè demonstrat,  
mortem, quamvis ex peccato natam,  
suam

*sus habere non exiguas utilitates.*

*Accedit denique ratio, quæ mortem, quamvis in se malam, ex gratia Dei multa bona producere posse demonstrat. Primum enim, magnum bonum ex morte colligimus, cum ea finem imponit miseriis plurimis & maximis hujus vitæ.*

*Iob sanctus disertis verbis queritur*  
*Job 14. de miseria vitæ præsentis. Homo,*

*inquit, natus de muliere, brevi vivens tempore, repletur multis miseriis. Ecclesiastes ait:*

*Ecl. 4. Laudavi magis mortuos, quàm viventes, & feliciorum utroque judicavi, qui necdum natus est, nec vidit mala quæ*

*Ecl. 40 sub sole fiunt. Ecclesiasticus autem addit, & dicit: Occupatio magna creata est omnibus hominibus, & jugum grave super filios Adam, à die exitus de ventre matris eorum, usque in diem sepulturæ in matrem omnium. Apostolus*

*quo-*



quoque de miseriis hujus vitæ con-  
queritur, & ait: Infelix ego ho-<sup>mo</sup> 7.  
mo, quis me liberabit de cor-  
pore mortis hujus?

His igitur testimoniis eloquio-  
rum Divinorum satis probatur,  
mortem id habere in se boni, quòd  
liberet hominem à miseriis plurimis  
hujus vitæ. Deinde, excellentius bo-  
num mors adfert, cùm janua effici-  
tur à carcere ad Regnum. Id sancto  
Ioanni Euangelistæ & Apostolo  
revelatum est à Domino, cùm pro-  
pter fidem exularet in insula Pat-  
mos: <sup>Apo. 14.</sup> Audivi, inquit, vocem de  
cælo dicentem mihi, Scribe,  
Beati mortui, qui in Domino  
moriuntur. Amodò jam dicit  
Spiritus, ut requiescant à la-  
boribus suis: opera enim illo-  
rum sequuntur illos. Beata pla-  
nè mors Sanctorum est, quæ jussu  
cælestis Regis ab ergastulo carnis  
animam educit, & ad Regnum cæ-  
leste perducit, ubi defunctæ labori-  
bus

bus animæ sanctæ dulciter requies-  
cunt, & pro mercede operum bo-  
norum, coronam Regni percipiunt.  
Sed & animabus, quæ ad Purga-  
torium deducuntur, non exiguum  
beneficium mors adfert; cum eas à  
timore gehennæ liberat, & certas  
de futura ac sempiterna felicitate  
constituit. Quid? quòd ipsis etiam  
reprobis hominibus mors adveniens  
aliquid utilitatis adferre videtur,  
dum eos à corpore separans, id ef-  
ficat, ut mensura pœnarum non am-  
plius crescat. Propter has egregias  
utilitates mors hominibus piis non  
ostendit faciem horrendam, sed  
blandam, non terribilem, sed ama-  
bilem. Hinc Apostolus Paulus se-  
*Phil. i.* curè clamat: Mihi vivere Chri-  
stus est, & mori lucrum, desi-  
derium habens dissolvi, & esse  
cum Christo. Et in Epistola  
*1. The.* priore ad Thessalonicenses, admo-  
*4.* net Christianos probos, ut non con-  
tristentur in mortibus charorum,  
neque

neque eos ut mortuos lugeant, sed  
ut dormientes aspiciant. Sed vixit  
etiam mulier quædam sancta avo-  
rum nostrorum memoria, nomine  
Catharina Adorna, Genuensis,  
quæ sic ardebat amore Christi, ut  
incredibili desiderio cuperet dissol-  
vi, & ad dilectum migrare: hinc  
quasi mortis amore capta, eam sæpè  
ut pulcherrimam & speciosissimam  
laudabat; id solum in ea reprehen-  
dens, quòd se quærentes fugeret,  
& se fugientes quæreret. Consulat  
Lector Vitam B. Catharinæ Ge-  
nuensis cap. VII.

. Ex his igitur, quæ dicta sunt,  
habemus, mortem ut prolem pec-  
cati, malam esse, sed ex gratia Chri-  
sti, qui mortem subire pro nobis  
dignatus est, factam esse multis mo-  
dis utilem & salutarem, amabilem  
& desiderabilem.

B


DE



D

L I

De p  
q



cepta  
ne val  
quibus  
so libe  
esse pr  
demus  
nent a  
nent a  
maxim  
lum, z  
omnib  
genera

# DE ARTE

## BENE MORIENDI.

### LIBER PRIMVS.

#### CAPVT I.

*De primo præcepto Artis bene moriendi:  
quod est, ut qui cupit bene mori,  
bene vivat.*



AGGREDIOR nunc præcepta artis bene moriendi. Distribuemus hanc artem in partes duas: in priore trademus præcepta, quibus utendum erit dum bene valeamus: in posteriore trademus ea, quibus opus erit cum morbo periculoso laboramus, ut credibile sit, mortem esse præforibus, ac in parte priore trademus primum præcepta quæ pertinent ad virtutes; deinde ea quæ pertinent ad Sacramenta: his enim duobus maximè iuvamur, tum ad bene vivendum, tum ad bene moriendum. Sed his omnibus præponendum esse videtur generale præceptum, ut bene vivat,

B 2 qui

## 2 DE ARTE BENE MOR.

qui benè mori desiderat : nam cùm nihil sit mors , nisi vitæ finis ; certè omnis qui usque in finem benè vivit , benè moritur , neque potest malè mori , qui numquam malè vixit : quemadmodum etiam , qui malè semper vixit , malè moritur ; nec potest non malè mori , qui numquam benè vixit. Id quod in omnibus similibus rebus cernimus : omnis enim qui rectam viam tenet , ad locum , ad quem tendit , sine errore per-tingit ; contrà verò qui à recta via aber- rat , numquam exitum viæ inveniet : & qui diligenter in studia scientiarum in- cumbit , brevis doctus , vel etiam & do-ctor erudit ; & qui scholas frequētat , sed ad percipiendas disciplinas animū non accommodat , oleum & operam perdit.

Sed objiciet fortasse aliquis boni latronis exemplum , qui semper malè vixit , & benè beateque vitam finivit. Non ita est , quin potius pius ille latro- pie sancteque vixit , & ea de causâ piè quoque sancteque mortem obivit : nam tamen si partem vitæ majorem in sceleri- bus consumpserit , tamen partem aliam vitæ usque adeò sanctè traduxit , ut pec- cata præterita facillè purgaverit , & ine-rita eximia comparaverit. Nam & cha-ritate in Deum flagrans , Christum ab impiorum calumniis palàm defendit ; & charitate in proximum pariter flagrans , sodalem suum blasphemantem admo-  
nuir,



LIBER PRIMVS. 3

mittit & corripuit, atque ad meliorem vitam revocare conatus est. vivebat enim vitam hanc mortalem, cum sodali suo diceret. *Neque tu times Deum, qui in Luc. 13 eadem damnatione est. Et nos qui tunc iuste, nam digna factus recipimus: hic vero nihil mali gessit.* neque mortuus erat, sed vivebat idem ipse latro, cum præclaram illam vocem emisit, Christum confitens & invocans: *Domine, memento mei, cum veneris in Regnum tuum.* Itaque videtur hic unus fuisse ex illis qui ultimi venerunt ad vineam, & ante primos accepere mercedem.

Vera igitur & generalis est sententia illa, Qui bene vivit, bene moritur: & illa etiam, Qui male vivit, male moritur. Neque tamen negandum est, rem esse periculis plenam, differre ad ultimum vitæ conversionem à peccatis ad justitiam; & longè feliciores esse qui jugum legis Dei portare incipiunt, ab *Thren. 3.* adolescentia sua, ut Ieremias loquitur: & *Apoc. 14.* omni ex parte felicissimos, qui *exopti* sunt ex hominibus primitia Deo, & Agni; qui non solum cum mulieribus non sunt coquinati, sed nec in ore eorum est inventum mendacium, & sine macula sunt ante thronum Dei. qualis fuit Ieremias Propheta, & plusquam Propheta Ioannes, & in primis mater Domini, & alii atque alii, quos Dei solius scientia novit. Maneat igitur primum pronuntia-

#### 4 DE ARTE BENE MOR.

tum, regulam benè moriendi pendere  
à regula benè vivendi.

#### CAP. II.

*De secundo praecepto Artis benè moriendi,  
quod est, mori mundo.*

**I**AM verò ut quis benè vivat, necesse  
in primis est ut moriatur mundo, au-  
tequam moriatur vitæ corporali. Om-  
nes enim qui mundo vivunt, mortui  
sunt Deo; neque fieri ullo modo po-  
test, ut quis incipiat vivere Deo, nisi  
priùs moriatur mundo. Hæc autem  
veritas in Scripturis sanctis tanta evi-  
dencia predicatur, ut nisi ab infideli-  
bus & incredulis in dubium revocari  
possit. Ac ut in ore duorum vel trium  
testium stet omne verbum, producam  
sanctos Apostolos, Ioannem, Iacobum,  
& Paulum, testes omni exceptione  
maiores, quippe in quibus Spiritus  
sanctus, qui Spiritus est veritatis, aper-  
tissime loquebatur. Sic igitur scribit  
Ioannes Apostolus & Evangelista,  
Christum ipsum loquentem inducens :  
*Veni princeps mundi huius, & in me non*  
*habet quicquam.* ubi mundi principem  
intelligit diabolum, qui princeps est  
omnium iniquorum; & per mundum,  
intelligit cæterum omnium peccato-  
rum, qui diligunt mundum, & dili-  
guntur

Ioan.  
14.

# LIBER PRIMVS. 5

guntur à mundo. Idem paulò pòst : *Si Ioan.*  
*mundus vos odit, scitote quia me prio-*<sup>15.</sup>  
*rem vobis odio habuit : si de mundo fuissetis,*  
*mundus quod suum erat diligeret ; quia*  
*vero de mundo non estis, sed ego elegi vos*  
*de mundo, propterea odit vos mundus. Et*<sup>Ioan.</sup>  
*alio loco : Ego non pro mundo rogo, sed*<sup>17.</sup>  
*pro his, quos dedisti mihi, ubi manifestè*  
*Christus pronuntiat, mundi nomine in-*  
*telligi eos, qui cum principe suo dia-*  
*bolo audient in Iudicio : Ite mal. dicti*  
*in ignem aeternum. Idem in Epistola sua*  
*addit : Nolite diligere mundum, neque ea*<sup>1. Ioan.</sup>  
*que in mundo sunt. Si quis diligit mundum,*<sup>2.</sup>  
*non est charitas Patris in eo : quoniam om-*  
*ne quod est in mundo, concupiscentia carnis*  
*est, & concupiscentia oculorum, & super-*  
*bia vita, quae non est ex Patre, sed ex mun-*  
*do est : & mundus transit, & concupi-*  
*scientia eius : qui autem faciit voluntatem*  
*Dei, manet in aeternum.*

Audiamus nunc Coapostolum ejus  
 Iacobum, qui in Epistola sua sic lo-  
 quitur : *Adulteri, nescitis quia amicitia*<sup>Iac. 4.</sup>  
*hujus mundi inimica est Dei : quicumque*  
*ergo voluerit amicus esse saeculi hujus, ini-*  
*micus Dei constituitur.*

Audiamus denique Coapostolum  
 utrinque Paulum, Vas electionis. hic  
 in Epistola priore ad Corinthios, scri-  
 bens fidelibus omnibus, dicit : *Debue-*<sup>1. Cor.</sup>  
*ratis de hoc mundo exuisse.* & in eadem<sup>5.</sup>  
 Epistola addit : *Dum judicamur, a Do-*<sup>1. Cor.</sup>  
*mino*<sup>11.</sup>

## 6 DE ARTE BÈNE MOR.

*mino corripimur, ut non cum hoc mundo  
daron. m. ubi manifestè pronuntiat,  
mundum totum in die novissimo esse  
damnandum. Proinde per mundum  
non intelligit cælum & terram, neque  
omnes homines qui sunt in mundo, sed  
eos tantum qui diligunt mundum. Iusti  
enim & pii mortales, in quibus chari-  
tas Dei, non carnis concupiscentia re-  
gnat, sunt quidem in mundo, sed non  
de mundo: iniusti autem & impii, non  
solum in mundo sunt, sed etiam de  
mundo, & per hoc, non charitas Dei re-  
gnat in cordibus eorum, sed concupiscentia  
carnis, hoc est, luxuria; & concupiscentia  
oculorum, hoc est, avaritia; & superbia vi-  
tæ, hoc est elatio mentis qua se efferunt  
super alios, & Luciferi arrogantiam &  
superbiam, non Christi IESU humilita-  
tem & mansuetudinem imitantur.*

*Quæ cum ita sint, si quis velit artem  
benè moriendi verè perdiscere, oportet  
cum serid, & non verbo & lingua, sed  
opere & veritate exire de mundo, imò  
etiam mori mundo, & cum Apostolo  
dicere, *Gal. 6.* *Miserandus crucifixus est, &  
ego mundo.* Est autem negotium hoc  
non ludus puerorum, sed res maxima  
& difficillima. Et ideo Dominus inter-  
rogatus an pauci sint qui salvantur, re-  
*Iac. 3.* *spondit: Contendite intrare per angustam  
portam. & apertiùs apud Matthæum:  
Mat. 7.* *Intrate per angustam portam; quia lata  
porta**

## LIBER PRIMVS. 7

porta & spatiosa via est qua ducit ad perditionem, & multi sunt qui intrant per eam. Quam angusta porta & arcta via est qua ducit ad vitam, & pauci sunt qui inveniunt eam!

In mundo vivere, & mundi bona contemnere, res est difficillima: videre res pulchras, & non amare; gustare dulcia, & non delectari; honores contemnere, labores appetere, novissimum locum libenter tenere, gradus altiores aliis omnibus cedere, denique in carne quasi sine carne vivere, Angelica potius quam humana vita dicenda esse videtur. Et tamen Apostolus scribens ad Ecclesiam Corinthiorum, in qua pænè omnes cum conjugibus suis vitam ducebant, ac per hoc non Clerici, non Monachi, non Anachoretæ; sed, ut nos nunc loquimur, sæculares erant; sic tamen eos alloquitur: *Hoc itaque dico, fratres: 1. Cor. Tempus breve est. Reliquum est, ut & qui habent uxores, tamquam non habentes sint; & qui flent, tamquam non flentes; & qui gaudent, tamquam non gaudentes; & qui emunt, tamquam non possidentes; & qui utuntur hoc mundo, tamquam non utantur: præterit enī figura huius mundi.* Quorum verborum hæc sententia est, ut hortetur Apostolus fideles, ut erecti ad spem cælestis felicitatis, rebus terrenis tam parū afficiantur, ac si ad eos non pertinerent: amēt uxores, sed amore tam moderato,

## § DE ARTE BENE MOR.

ac si eas non haberent : si flere necesse est ob amissionem filiorum vel fortunarum ; tam moderatè fleant , ac si non tristarentur neque flerent : si gaudium se offert ob lucrum vel honorem adeptum ; tam modicè gaudeant , ac si non gauderent , id est , ac si gaudium ad ipsos non pertineret : si domum vel agrum emunt ; ita modicè rebus illis afficiantur , ac si eas non possiderent. Denique jubet Apostolus , sic nos in mundo degere , ac si hospites & peregrini , non cives essemus. Quod etiam Apostolus Petrus adhuc apertius docet , cum ait : *Obsecro vos tamquam advenas & peregrinos abstinere vos a carnalibus desideriis , quæ militant adversus animam.* vult enim hic beatissimus Apostolorum Princeps , ut etiam in propria civitate & domo sic vivamus , ac si in aliena domo & regione viveremus ; parum omnino solliciti , si res in eo loco deficiant vel redundent. id verò idèd præcipit , ut sic abstineamus à carnalibus desideriis : *quæ militant adversus animam* : non enim carnalia desideria faciliè insurgunt , cum ea videmus quæ ad nos non pertinent. Hoc igitur est in mundo esse , & de mundo non esse ; quod ad eos pertinet qui mundo mortui , soli Deo vivunt ; ac per hoc mortem corporalem non timent , quæ ipsis non detrimentum sed lucrum apportat , jux-

1. Pet.  
2.

LIBER PRIMVS. 9

ta illud Apostoli Pauli, *Mihi vivere Phil. 1*  
*Christus est, & mors lucrum.*

At quot, quælo, nostris temporibus inveniemus sic mundo mortuos, ut jam didicerint etiam carni benè mori, ac per hoc salutem suam in tuto ponere? Ego certè non dubito, in Ecclesia Catholica non solum in Monasteriis & in Clero, sed etiam in sæculo non paucos inveniri homines sanctos, & mundo verè mortuos, qui artem benè moriendi didicerint. Sed illud etiam negari non posse video, plurimos inveniri, non solum non mortuos mundo, sed mundo supra modum addictos, & voluptatum, honorum & divitiarum avidissimos amatores, qui nisi mundo mori constituent, & re ipsa mundo moriantur, sine dubio mala morte peribunt, & cum ipso mundo, ut Aposto-<sup>1. Cor.</sup>  
<sup>11.</sup> lus loquitur, damnabuntur.

At, inquit fortasse amatores mundi, nimis difficile est, mundo mori dum in mundo sumus, & ea bona negligere quæ Deus hominibus ad fruendum creavit. His ego respondeo, non hoc Deum velle vel jubere, ut opes & honores atque alia mundi bona penitus negligantur vel abjiciantur: nam & Abraham amicus Dei in primis fuit, & divitias ingentes possedit. David quoque, & Ezechias, & Iosias, Reges divitissimi, & simul Deo amicissimi fuisse legun-

10 DE ARTE BENE MOR.

leguntur; quod idem de multis Christianis Regibus & Imperatoribus dicere possemus. Non igitur bona mundi hujus, opes, honores, voluptates Christianis hominibus penitus interduntur; sed amor immoderatus rerum mundi hujus, qui *concupiscentia carnis, concupiscentia oculorum, & superbia vite* à Ioanne Apostolo nominatur. Abraham certè dirissimus erat, sed non solum divitiis moderatè utebatur, sed etiam omnia statim ad nutum Dei profundere paratissimus erat. Qui enim filio unico, optimo, & amatissimo non pepercit, cum eum Deus ab ipso patre immolari mandavit; quantò facilius opes omnes ad nutum Domini profudisset? Itaq; Abraham dives opum erat, sed ditior fide & charitate; & ided non erat de hoc mundo, quin potiùs mundo mortuus erat. Quod idem dici potest de aliis sanctis viris, qui divitiis, potentia & gloria, Regnis etiam & Imperio præditi, pauperes spiritu fuerant, & mundo mortui, soli Deo viventes, artem benè moriendi accuratissimè didicerunt. Itaque non abundantia opum, neque celsitudo honoris, neque Regnum aut Imperium faciunt hominem esse de mundo, vel ut vivat in mundo, sed *concupiscentia carnis, concupiscentia oculorum, & superbia vite*, quæ uno verbo cupiditas dicitur, & divinx charitati opponitur. Proinde si quis



# LIBER PRIMVS. I 41

quis incipiat, Deo aspirante, ipsum Deum verè diligere propter se, & proximum propter Deum; is incipiet exire de mundo, & crescente charitate, minuetur cupiditas, & incipiet ille idem mori mundo: non enim potest charitas crescere, quin cupiditas minuat. Ita fiet, ut quod regnante cupiditate videbatur non posse fieri, ut videlicet homo in mundo vivens non esset de mundo; crescente charitate, & imminuta cupiditate, reddatur facillimum: quod enim cupiditati est onus importabile & durum, id charitati est jugum suave, & onus leve.

Quod ergo suprà diximus, exire de mundo & mori mundo non esse ludum puerorum, sed rem maximam & difficillimam; verissimè dictum est de iis, qui potentiam gratiæ Dei non novērunt, & charitatis dulcedinem non gustaverunt; & qui animales sunt, spiritum non habentes: gustato enim spiritu desipit omnis caro. Igitur omnis qui seriò cupit artem benè moriendi perdiscere, ex qua arte pendet salus aeterna, & omnis vera felicitas; non differat exire de mundo, & planè mori mundo; cum fieri nullo modo possit, ut quis mundo vivat & Deo, & terra fruatur & cælo.

CAP.

## CAP. III.

De tertio precepto Artis bene moriendi,  
quod est de tribus virtutibus  
Theologicis.

**D**Ocuimus in superiore Capite, non  
posse bene mori, qui non exit de  
mundo, & non moritur mundo: nunc  
addendum est, quid sit agendum ei qui  
mortuus est mundo, ut vivat Deo: non  
enim datur bene mori, nisi ei qui bene  
vixit, ut in primo Capite demonstravi-  
mus. Summa bene vivendi ponitur ab  
Apostolo in priorē ad Timotheum in  
illis verbis: *Finis precepti est caritas de*  
2. Tim.  
2.
*corde puro, & conscientia bona, & fide non*  
*ficta.* Non ignorabat Apostolus re-  
sponſionem Domini ad eum qui inter-  
rogaverat, *Quid faciendo vitam æternam*  
1. Cor.  
13.
*posidebo?* respon. it enim; *Si vis ad vi-*  
Matth.
*tam ingredi, serva mandata:* sed voluit  
19.  
 explicare paucissimis verbis finem præ-  
cepti primarii, ex quo tota Lex, & to-  
tius Legis intelligentia & adimpletio,  
& via ad vitam æternam dependet: &  
simul docere voluit quæ virtutes sint  
necessariæ ad perfectam justitiam, de  
quibus alibi dixerat. Nunc manent, *fides,*  
1. Cor.  
13.
*spes, caritas, & hæc;* major autem ho-  
minum est caritas. Alii igitur, *Finis præ-*  
*cepti est caritas,* hoc est, finis omnium  
 præ-

# LIBER PRIMVS. 13

præceptorum, quorum observatio ad  
benè vivendum est necessaria, in cha-  
ritate positus est; sic, ut qui charita-  
tem Dei habeat, omnia præcepta ad-  
impleat quæ ad primam tabulam perti-  
nent: & qui charitatem proximi ha-  
beat, omnia præcepta adimpleat quæ  
pertinent ad tabulam secundam. De-  
clarat hanc posteriorem partem, quæ  
obscurior videri poterat, idem Aposto-  
lus in Epistola ad Romanos, dicens:  
*Qui diligit proximum, legem implevit. nam, Rom.*  
*Non adulterabis, Non occides, Non furie-<sup>13.</sup>*  
*ris, Non falsum testimonium dices, Non*  
*concupisces, & si quod est aliud manda-*  
*tum, in hoc verbo instauratur: Diliges proxi-*  
*um tuum sicut teipsum. Dilectio proximi*  
*malum non operatur. plenitudo ergo legis est*  
*dilectio. Ex qua ratiocinatione unusquis-*  
*que per se potest intelligere, omnia*  
*præcepta quæ ad Deum colendum re-*  
*feruntur, in una charitate impleri. Nam*  
*quemadmodum charitas proximi erga*  
*proximum non operatur malum, sic*  
*etiam charitas Dei erga Deum operari*  
*non potest malum: proinde plenitudo*  
*Legis, tam erga Deum quàm erga pro-*  
*ximum, est dilectio.*

Quæ sit autem vera & perfecta cha-  
ritas tam erga Deum quàm erga pro-  
ximum, declarat idem Apostolus, di-  
cens: *Charitas ex corde puro, conscientia*  
*bona, & fide non ficta. In quibus verbis*  
*per*

## 24 DE ARTE BENE MOR.

per conscientiam bonam, intelligimus cum sancto Augustino Præfatione in Psalmum trigessimum primum, virtutem Spei, quæ est una ex tribus virtutibus Theologicis. Dicitur autem Spes conscientia bona, quia nascitur ex conscientia bona: quemadmodum desperatio ex conscientia mala. hinc est illud sancti Ioannis: *Charissimi, si cor nostrum non reprehenderit nos, fiduciam habemus ad Deum.* Sunt igitur tres virtutes, in quibus perfectio Legis Christianæ consistit; Charitas ex corde puro, Spes ex conscientia bona, & Fides non ficta. Sed quemadmodum ordine perfectionis prima est Charitas, sic ordine generationis prima est Fides, iuxta illud *1. Cor.* ejusdem Apostoli: *Nunc manent, fides, spes, charitas, tria hæc: major autem horum est charitas.*

Ordiamur à Fide, quæ prima omnium existit in corde hominis justificandi. Non sine causa beatus Apostolus ad Fidem addidit, *non ficta.* Fides enim incipit justificationem, modò sit vera & sincera, non falsa vel ficta. Fides hæreticorum non incipit justificationem, quia non est vera, sed falsa: fides malorum Catholicorum non incipit justificationem, quia non est sincera, sed ficta. Dicitur autem ficta duobus modis; quando vel reverà aliquis non credit, sed fingit se credere; vel credit quidem, sed non

vivit,

LIBER PRIMVS 15

vivit, ut credit esse vivendum. Vtroque modo videntur esse intelligenda verba illa B. Pauli in Epistola ad Titum: *Confitentur se nosse Deum, factis autem negant.* sic enim ea interpretantur sancti Patres, Hieronymus in Commentario, & Augustinus Serm. 31. De verbis Apostoli. Tit. 1.

Et ex hac prima virtute hominis iusti, facile potest intelligi, quanta sit multitudo eorum qui non bene vivunt, ac per hoc male etiam moriuntur. Pretermitto infideles, paganos, hæreticos, atheos, qui artem bene vivendi prorsus ignorant. Inter Catholicos quantus est eorum numerus, qui verbis confitentur se nosse Deum, factis autem negant? qui confitentur Christum esse iudicem vivorum & mortuorum, & tamen ita vivunt ac si iudicem nullum haberent? qui Matrem Domini virginem esse fatentur, & blasphemando meretricem appellare non timent? qui preces, jejunia, eleemosynas, opera cetera virtutum laudant, & vitia contraria sæpe exercent? Omitto cetera, quæ nota sunt omnibus. Non igitur Fides non fictam se habere jactent, qui vel non credunt quod se credere mentiuntur, vel non vivunt ut Fides Catholica præcipit esse vivendum; ac per hoc agnoscant, se nondum cœpisse bene vivere, nec sperent feliciter se morituros, nisi gratia

C Domi-

## 16 DE ARTE BENE MOR.

Domini aspirante, artem bene vivendi & bene moriendi perdiscant.

Altera virtus hominis verè justì Spes est, sive *conscientia bona*, ut eam hoc loco appellandam censuit Magister noster Paulus Apostolus. Hæc virtus ex fide nascitur; non enim sperare potest in Deo, qui vel Deum verum non novit, vel eum potentem & misericordem esse non credit. Sed ad Spem excitandam & roborandam, ut non solum spes, sed etiam fiducia dici possit, plurimum valet conscientia bona. Qua fronte enim Deum adibit, atque ab eo beneficia petet, qui sibi conscius est peccati in Deum admissi, & per veram poenitentiam nondum expiati? Quis enim ab inimico beneficia petit? quis ab eo confidit se adjuvandum, quem sibi iratum esse non dubitat? Audi Sapientem, quid de spe impiorum sentiat: *Spes impij*, inquit, *tamquam lango est quæ à vento tollitur, & tamquam fumus gracilis quæ à procella dispergitur, & tamquam fumus qui à vento diffusus est, & tamquam memoria hospitij unius diei præterientis.* hæc Sapiens; qui sapientissime admonet impios, spem illorum rem esse fragilem, non solidam; brevem, non diuturnam. possunt enim dum vivunt, aliquo modo sperare se aliquando poenitentiam acturos, & Deo reconciliandos; sed cum mors adven-

xit,

rit, nisi Deus eos misericordia speciali  
 præveniat, & pœnitentiam illis inspi-  
 rer, spes in desperationem commuta-  
 bitur, & cum aliis impiis dicent id  
 quod in eodem loco legitur: *Ergo erra-* Sap. 5.  
*vimus a via veritatis; & justitiæ lumen*  
*non luxit nobis, &c. Quid nobis profuit*  
*superbia? aut divitiarum jactantia quid*  
*contulit nobis? transferunt omnia illa tam-*  
*quam umbra.* hæc Sapiens, qui nos sa-  
 pienter admonuit, ut si volumus benè  
 vivere & feliciter mori, non audeamus  
 vel ad punctum horæ in peccatis hæ-  
 rere, inani fiducia decepti, multum ad-  
 hac nobis vitæ superesse, & tempore  
 suo pœnitentiam seriam nos acturos.  
 hæc enim inanis fiducia multos dece-  
 pit, & adhuc decipiet, nisi artem benè  
 moriendi, dum tempus adest, pruden-  
 ter addiscant.

Restat virtus tertia, quæ jure dicitur  
 Regina virtutum, videlicet Charitas,  
 cum qua nemo perit, sine qua nemo  
 vivit, neque in via, neque in patria.  
 Dicitur autem vera Charitas illa esse,  
 quæ nascitur *ex corde puro*; non quòd  
 puritas cordis Charitatem propriè gi-  
 gnat. *Charitas enim ex Deo est.* ut loqui- 1. Ioh.  
 rur sanctus Ioannes; & clariùs sanctus 4.  
 Paulus, cùm ait: *Charitas Deo diffusa est* Rom. 5.  
*in cordibus nostris per Spiritum sanctum, qui*  
*datus est nobis.* Dicitur igitur Charitas  
 esse ex corde puro, quia Charitas non

C 2 . . . accendi-

# 18 DE ARTE BENE MOR.

accenditur in corde impuro, sed purificato per fidem divinam ab erroribus juxta illud Apostoli Petri, *Fide purificentur corda eorum*: & per spem divinam purificato ab amore & cupiditate rerum terrenarum. Quemadmodum enim ignis non accenditur in lignis viridibus humore aqueo plenis, sed in lignis aridis; sic etiam ignis charitatis exigit corda purificata ab amore terreno, & ab inani fiducia in viribus propriis.

Ex his potest intelligi quæ sit vera Charitas, quæ verò falsa & fucata. Nam si quis fortè de Deo libenter loquatur, & in precibus usque ad lacrymas compungatur, & opera quædam bona faciat, elemosynas distribuens, & sæpè jejunans; sic tamen ut in corde retineat amorem obscenum, inanem gloriam, odium erga proximum, & alia id genus, quæ cor impurum & sordidum reddunt: iste non Charitatem divinam & veram, sed charitatis inanem speciem vel simulachrum gerit. Prudentissimè igitur sanctus Apostolus non simpliciter Fidem, Spem, & Charitatem nominavit, cum de vera & perfecta justitia loqueretur; sed ait: *Finis præcepti est charitas de corde puro, & conscientia bona, & fide non ficta*. Arque hæc est ars vera benè vivendi, & feliciter moriendi, si quis in hac vera & perfecta Charitate ad mortem usque perseveret.

CAP.



LIBER PRIMVS. 19

• CAP. IV.

*De quarto præcepto Artis bene moriendi,  
quod continet tria documenta  
Euangelica.*

**Q**Uamvis ea quæ dicta sunt de Fide,  
Spe, & Charitate, sufficere posse  
videantur ad bene vivendum & bene  
etiam moriendum; tamen ad hæc ipsa  
præstanda perfectius & facilius, tria  
documenta Christus ipse in Euangelio  
nobis dare dignatus est. sic enim ait  
apud Euangelistam Lucam: *Sunt lumbi Lucæ  
vestri præcincti, & lucerne ardentes in ma-  
nibus vestris; & vos similes hominibus ex-  
pectantibus dominum suum quando re-  
vertatur a nuptiis; ut cum venerit, & pul-  
saverit, confestim aperiant ei. Beati servi  
illi, quos cum venerit dominus, inveni-  
unt vigilantes. Hæc parabola duobus mo-  
dis potest intelligi; de præparatione  
ad adventum Domini in die novissimo,  
& ad adventum in die obitus uniuers-  
cuiusque nostrum. Arque hæc poste-  
rior explicatio, quæ est S. Gregorii in  
Homilia tertiadecima super hoc Evan-  
gelium, videtur magis ad rem nostram  
facere: nam expectatio diei novissimæ  
non pertinebit nisi ad illos, qui tunc  
in vivis reperientur; Dominus autem  
eam proposuit Apostolis, & nobis*

omnibus. Certè autem Apostoli, & Apostolorum successores per multa sæcula longissimè aberant à die novissima. Deinde diem novissimam multa  
*Eccl. 21* signa prævenient, quæ homines excitabunt, dicente Domino: *Erunt signa in sole & luna, & stellis, & in terris pressura gentium, ardentibus hominibus præ timore & ex cõtatione, quæ superuenient universo orbi.* Adventum verò Domini ad iudicium particulare in die obitus cuiusque nostrum nulla certa signa prævenient. & hunc adventum significant illa verba in sanctis Scripturis sæpissimè reperita, venturum Dominum ut furem, videlicet quando minus expectatur.

Exponamus igitur breviter hanc parabola, & intelligamus, præparationem ad mortem, rem esse omnibus nobis præ omnibus rebus maximè necessariam. Tria nobis omnibus Dominus præcipit; primum, ut simus præcincti lumbos; deinde, ut lucernas ardentes in manibus habeamus; postremò, ut vigilemus, expectantes adventum Domini, qui quando sit venturus, non minus ignoramus, quàm ignorent plerique omnes furis adventum. Explicemus verba illa, *Sint lumbi vestri præcincti.* Sententia litteralis horum verborum ea est, ut simus parati & expediti ad currendum obviam Domino, cum

cum nos per mortem vocaverit ad iudicium particulare. Similitudo præcinctorum lumborum sumpta est ex more Orientalium, qui longis vestibus utebantur, & cum celeriter ambulaturi erant, colligebant vestem, & lumbos præcingebant, ne vestis longitudo cursum impediret. Hinc de Angelo Raphaële, qui venerat comitaturus Tobiam juniorem, dicitur in libro Tobie: *Tunc egressus Tobias invenit juvenem silentem. 2. 5. didum, stantem præcinctum, & quasi paratum ad ambulandum.* & ex hac Orientalium consuetudine scripsit sanctus Petrus: *Propter quod succincti lumbos mentis. 1. 2. vestra, sobrii perfecti sperate, &c. & sanctus Paulus in Epistola ad Ephesios; State, inquit, succincti lumbos vestros in Ep. 6. veritate.*

Porrò habere succinctos lumbos, res duas significat; primò virtutem castitatis, secundò promptum linem ad occurrendum Christo venienti ad iudicium, sive particulare sive generale. Priorem expositionem explicant sancti Patres, Basilus in Explicatione capitis quinti-decimi Isaïæ Prophetæ, Augustinus in libro de Continentia, & Gregorius in Homilia tertia decima super Evangelia. Et verè concupiscentia carnis, præter omnes animi perturbationes, impedit velocem & expeditum cursum ad occurrendum Christo venienti; quemad-

## 22 DE ARTE BENE MOR.

modum e contrariò nihil magis expeditum hominem reddit ad Christum sequendum, quàm castitas virginalis. Nam & in Apocalypsi legimus, virgines Christum sequi *quocumque* <sup>Apoc.</sup> <sup>24.</sup> *erit*, & Apostolus hortatur, & dicit: *Qui sine uxore est, sollicitus est quæ Dominus sunt, quomodo placeat Deo: qui autem cum uxore est, sollicitus est quæ sunt mundi, quomodo placeat uxori, & divisus est.* <sup>1. Cor.</sup> <sup>7.</sup>

Sed altera expositio, quæ non restringit præcinctos lumbos ad solam continentiam, sed extendit ad expeditum obsequium Christi in omnibus rebus, est sancti Cypriani in libro de Exhortatione martyrii, capite octavo; & eam sequuntur, qui Commentaria scripserunt in Evangelium Lucæ. Sententia igitur hujus loci Evangelici est, ut negotia omnia hujus vitæ, etiam optima & necessaria, non ita occupent animos nostros, ut impendant cogitationem primariam occurrendi Christo, cum nos vocaverit per mortem ad reddendam rationem omnium operum nostrorum, imò etiam verborum & cogitationum, usque ad verba otiosa & cogitationes inutiles. Quil ergo facient cum mors advenerit improvisa, qui toti sunt in rebus temporalibus occupati, & de restanda Deo ratione de omnibus operibus, de omnibus verbis, de omnibus cogitationibus, de omnibus deside-

riis, de omnibus omissionibus, nullo  
 umquam tēpore cogitauerunt? num isti  
 praeincti lumbos currēt obviām Chri-  
 sto? an potiùs implicati & irretiti jace-  
 bunt in sordibus suis, obmutescētes &  
 desperantes? Quid enim respondebunt  
 Iudici dicenti, Cur non attendisti ad  
 verba mea, quibus vos admonui dicēs:  
*Primum querite Regnum Dei, & iustitiam* Mat.  
*ejus; & haec omnia adjicientur vobis & cui* 6.  
 non considerasti verba illa, quae saepe in  
 Ecclesia publicè vobis decantata sunt:  
*Martha, Martha sollicita es, & turbaris* Luc. 10  
*erga plurima: porro unum est necessarium.*  
*Maria optimam partem elegit, quae non*  
*auferetur ab ea?* Si reprehendi Marthae  
 sollicitudinem, quae mihi ipsi seruire  
 devotissimè cupiebat; an mihi placere  
 potuit sollicitudo tua congregandi di-  
 vitias si pervacaneas, aucupandi ho-  
 nores periculosos, explendi cupidita-  
 tes noxias; & interim oblivisci Re-  
 gnum Dei, & iustitiam ejus, quod est  
 prae omnibus maximè necessarium?

Sed veniamus ad alterum officium  
 servi diligentis & fidelis: *Et lucerna* Luc. 12  
*ardentes in manibus vestris.* Non satis est  
 servo fideli, succingi lumbos, ut libe-  
 rè & expeditè currat obviām domino;  
 sed requiritur lucerna ardens, quae  
 viam ostendat, cū nocturno tempore  
 Dominus à nuptiali convivio re-  
 diens expectetur. Lucerna hoc loco

24 DE ARTE BENE MOR.

legem Domini significat, quæ viam bonam ostendit: *Lucerna*, inquit David, *psalm. 118. pedibus meis verbum tuum.* & *Lex lux,* inquit Salomon in Proverbiis. Sed hæc lucerna non illuminat neque viam ostendit, si relinquatur in cubiculo vel in domo; itaque in manibus habenda est ut viam rectam demonstret. Multi sunt qui leges divinas & humanas novērunt; sed idē peccata multa committunt, vel opera bona & necessaria prætermittunt, quia non gerunt lucernam in manibus, id est, non applicant scientiam legis ad opera. Quam multi sunt viri doctissimi, quia peccata gravissima perpetrant, quia cū operantur, non consulant legem Domini, sed iram, aut libidinem, aut aliquam aliam ex perturbationibus animi: Si Rex David, cū Bethsabeam nullam aspexit, consulisset legem Domini, *Non concupisces uxorem proximi tui*, numquam in tam grande scelus incidisset: sed quia consuluit pervertitūdinem mulieris, oblitus divinæ legis, vir alioqui iustus & sanctus, adulterium perpetravit. Oportet igitur lucernam legis Domini non reconditam in cubiculo, sed in manibus semper habere, & Spiritus sancti vocibus obedire, qui jubet, ut *psalm. 118. in lege Domini meditemur die ac nocte.* & ut cum ipso Propheta dicamus: *Tu mandasti mandata tua custodiri nimis.*

Vii-

LIBER PRIMVS. 25

*Vinam diligantur via mea ad custodiendas  
justificationes tuas. Qui enim lucernam  
legis Domini semper ante oculos  
mentis habet, Domino suo venienti  
securus occurret.*

Restat officium tertium atque po-  
stremum servi fidelis, ut semper vigi-  
let, incertus quando dominus veniet.  
*Beati, inquit, sunt servi illi, quos cūm* Luc. 12

*ven-rit dominus, invenerit vigilantes.*  
Noluit Dominus noster id efficere, ut  
homines omnes certo tempore de vita  
discederent, ne toto præcedente tem-  
pore indulgerent crapulæ & ebrietati,  
ludis & jocis, aliisque operibus ma-  
lis, & paulò ante mortem converte-  
rentur ad Deum. Voluit igitur divina  
providentia ut nihil esset incertius ho-  
ra mortis, dum alii moriuntur in ute-  
ro matris, alii vix nati, alii in extremo  
senio, alii in flore juventutis: & rur-  
sum alii diu languent, alii repenti mori-  
untur, alii à morbo gravissimo ac pæ-  
nè incurabili convalescunt; alii levi-  
ter agrotant, & cūm videntur à mor-  
te securi, crescit morbi vis, & eos ex-  
tinguit. Ad hanc incertitudinem de-  
signandam Dominus noster in Euange-  
lio dicit: *Et si venerit in secunda vigilia, Luc. 12*  
*& si in tertia vigilia venerit, & ita in-*  
*venerit, beati sunt servi illi. Hoc autem*  
*scitote, quoniam si sciret paterfamilias qua*  
*hora fur veniret, vigilaret utique, & non*  
*fu-er-*

26 DE ARTE BENE MOR.

*fineret perfodi domum suam. Et vos estote parati; quia quia hora non putatis, Filius hominis venit.* Porro ut intelligeremus quanti momenti sit, nobis persuaderi incertitudinem temporis, in quo Dominus ad iudicandum veniet, siue in morte singulorum, siue in fine mundi, nihil sæpius Scriptura sancta repetit,

*Matt.*

*24. &*

*25.*

*Marc.*

*13.*

*Luc. 12*

*& 21.*

*Matth.*

*24.*

*Luc. 12*

*1. Theff*

*5.*

*2. Pet.*

*3.*

*Apoc.*

*3. &*

*16.*

quàm vocem illam, *Vigilate*, & similitudinem furis, qui venire solet quando minus creditur esse venturus. Verbum *Vigilate*, repetitur passim in Euangelio Matthæi, Marci, & Lucæ. & similitudo furis, non solum in Euangelis, sed etiam in Epistolis Apostolorum, & in Apocalypsi.

Ex his omnibus intelligi potest, quanta sit negligentia & ignorantia, ne dicam dementia & stulticia maximæ partis hominum, qui toties admoniti ab ipso Spiritu veritatis per Scriptores sanctos, qui mentiri non poterant, ut præparemur ad mortem, ut ad negotium maximum & difficillimum, & à quo pendet sempiterna & summa felicitas nostra, vel sempiternum summumque exitium: tamen pauci sunt qui ad voces, vel potius tonitrua sancti Spiritus excitentur.

Sed dicet aliquis, Quid consilii nobis suggeris ut vigilemus sicut oportet, & vigilando ad mortem feliciter obeundam præparemur? Nihil utilius mihi occur-

cur.



currit, quàm ut frequenter per serium  
 conscientiae examen ad mortem nos  
 praeparemus. Et quidem Catholici ho-  
 mines singulis annis ad confessionem  
 peccatorum accessuri non omittunt  
 conscientiae examen. Et rursum cum  
 agrotare incipiunt, ex decreto Pii  
 Quinti Pontificis Maximi prohibentur  
 Medici agrotos secundò invisere, nisi  
 per confessionem peccata, praemisso  
 conscientiae examine, expiaverint. De-  
 nique, nulli ferè sunt in Ecclesia Ca-  
 tholica, qui morte imminente, praemis-  
 so conscientiae examine, peccata sua  
 non confiteantur. Sed quid dicemus de  
 illis qui morte repentina abripiuntur?  
 quid de illis qui phrenesi laborant, vel  
 in delirium incidunt ante confessio-  
 nem? quid de illis qui morbi gravitate  
 oppressi, ne cogitare quidem possunt  
 quot & quae peccata commiserint?  
 quid de illis qui moriendo peccant, vel  
 peccando moriuntur, ut qui in bello  
 injusto, vel singulari certamine, vel  
 in adulterio deprehensi interficiuntur?

Ad hæc & similia prudenter & reli-  
 giosè vitanda, nihil utilius excogitari  
 potest, quàm ut qui salutem suam ater-  
 nam cordi habent, bis diebus singulis,  
 manè videlicet & vespere, conscientiam  
 suam diligenter discutiant, quid videli-  
 cet nocte vel die præcedente egerint, di-  
 xerint, cupiverint, cogitaverint, in quo

pec-

## 26 DE ARTE BENE MOR.

peccati labes intervenerit : & si quid ejusmodi repererint , præsertim quod lethale videri possit , non differant veræ contritionis remedium quærere , cum proposito primo quoque tempore ad Sacramentum pœnitentiæ accedendi. Itaque petant à Deo contritionis donum , recogitent gravitatem peccati , detestentur ex animo culpam suam , discutiant seriò quis quem offenderit , homunculus videlicet Deum omnipotentem , & servus inutilis Dominum cæli & terræ : non pareat oculis lacrymis , nec manus tusioni pectoris : denique propositum verum & efficax concipiant , Deum numquam amplius peccando irritandi , neque patrem optimum offendendi. Hoc examen si manè & vespere , aut saltem semel in die rite frequentetur ; vix fieri poterit ut quis moriendo peccet , vel peccando moriatur , vel ut delirio , vel amentia , vel casibus aliis præveniat. Atque ex hoc fiet , ut benè ad mortem comparatis nobis , neque incertitudo mortis officiat , neque vitæ perpetuæ felicitas desit.

CAP.

## CAP. V.

*De quinto præcepto Artis bonè moriendi,  
in quo detegitur error divitum luxus  
mundi.*

**A**D ea quæ suprà dicta sunt, addenda est refutatio cujusdam erroris, qui passim grassatur inter divites hujus sæculi, & multum impedit vitam bonam mortemque felicem. Error autem in eo positus est, quod existimant divites, opes quas possident, absolute & simpliciter esse suas, quando justo titulo eas possident; ac per hoc posse jure suo illas consumere, largiri, distrahere: neque posse illis dici, Cur ita facis? cur tam splendidè vestis? cur tam opiparè epularis? cur tam liberaliter in alendis canibus aut accipitribus, vel in ludis aleæ, vel in aliis oblectationibus pecunias perdis? Respondebunt enim, Quid ad te? de re mea non licet mihi facere quod volo? Hic verò error est sine dubio gravissimus & maximè perniciosus. Esto enim, divites hujus sæculi domini sint opum suarum, si comparentur ad alios homines: tamen si comparentur ad Deum, domini non sunt, sed administri, aut economi, aut villici. Id verò multis testimoniis possum ostende-

### 30 DE ARTE BENE MOR.

*Pf. 23.* re. Audi Prophetam regium : Domini, inquit, est terra & plenitudo ejus, orbis

*Pf. 49.* terrarum, & universi qui habitant in eo. & rursum alibi: Mea sunt omnes fere silvarum, jumenta in montibus, & boves. Si esurie. o. non dicam tibi; meus est enim orbis terre, & plenitudo ejus. & in libro primo Paralipomenon, cum in ædificationem Templi obtulisset David tria millia talentorum auri, & septem millia talentorum argenti probatissimi, & marmor Parium abundantissimè : & ad exemplum Regis, Principes tribuum obtulissent auri talenta quinque millia, argenti talenta decem millia, & æris talenta decem & octo millia, ferri quoque centum millia talentorum; dixit David ad Deum : Tua est Domine magni-

*1. Par. 92.* ficentia, & potentia, & gloria, atque victoria, & triumphus : cuncta enim quæ in celo sunt, & in terra, tuæ sunt. Tuum Domine Regnum, & tu es super omnes Principes : tua dextera, & tua est gloria : tu dominaris omnium, &c. Quis ego, & quis populus meus, ut possimus hæc tibi universa promittere? tua sunt omnia, & quæ de manus tuas acceptimus, dedimus tibi. His addi potest testimonium ipsius Dei, qui per Aggeum Prophetam dicit:

*Agg. 1.* Meum est argentum, & meum est aurum; quod ille Dominus dixit, ut populus intelligeret, ad novam Templi ædificationem nihil omnino defuturum,

LIBER PRIMVS. 31

rum, cum ipse Templum reedificari juberet, cujus est aurum & argentum quod in universo terrarum orbe reperitur.

Addam ex Testamento novo & verbis Christi duo alia testimonia. Parabola extat apud Lucam de villico iniquitatis. *Homo quidam*, inquit Dominus, *erat dives, qui habebat villicum*; *hic diffamatus est apud illum, quasi dissiparet bona ipsius, & vocavit illum, & ait illi: Quid hoc audio de te? redde rationem villicationis tue; jam enim non poteris villicare.* Nomine divitis non potest esse dubium quin intelligatur Deus, qui, ut paulò antè dicebamus, per Aggæum clamat: *Meum est argentum, & meum est aurum.* Nomine villici sive œconomi, ut legitur in codicibus Græcis, intelligi debet homo dives, ut exponunt sancti Patres, Ioannes Chrysostomus apud sanctum Thomam in Catena aurea, Augustinus in Quæstionibus Evangelicis, libro 2. q. 34. Ambrosius, Beda, Theophylactus & Euthymius, & alii in hunc locum sancti Evangelistæ Lucæ. Omnis igitur homo dives sæculi hujus, si Evangelio credit, fateri debet, opes quas possidet, sive titulo justo sive injusto, non esse suas: sed si justo titulo possidet, se villicum sive œconomum esse Dei; si injusto, esse furem & latronem.

Quodd autem homo dives in hoc mundo

D - non sit

32 DE ARTE BENE MOR.

non sit dominus opum quas possidet, ex eo potest intelligi, quod accusatum iniustitiæ apud Deum, Deus aut per mortem corporis, aut per egestatem illum amovet à villicatione. hoc enim significant illa verba : *Redde rationem villicationis tue* : jam enim non poteris villicare. Neque desunt Deo rationes multæ redigendi divites ad inopiam, & sic eos amovendi à villicatione : naufragia, latrocinia, grandines, crucæ, nimix pluvix, nimix siccitates, nimix procellæ, & alia id genus multa, voces Dei sunt quæ divitibus dicunt, Non poteris diutius villicare.

Quod autem in extrema parabola Luc. 16 Dominus dicit, *Facite vobis amicos de mammona iniquitatis*; ut, cum defeceritis, recipiant vos in æterna tabernacula; non significat eleemosynas esse faciendas de injustis divitiis, sed eleemosynas esse faciendas de divitiis quæ reverà non sunt divitiæ, sed umbræ divitiarum. Id aperte colligitur ex eodem loco Evangelii secundum Lucam, ubi Dominus dicit: *Si in iniquo mammona fideles non fuistis; quod verum est, quis credet vobis?* quorum verborum hæc est sententia : *Si in mammona iniquo, id est, si in divitiis fallis fideles non fuistis, ut eas liberaliter largiremini pauperibus; quis credet vobis divitias veras, divitias virtutum, quæ hominem verè divitem faciunt?* Sic intellexit &

lexit & explicavit hunc locum sanctus Cyprianus in Sermone De opere & eleemosynis. nec multò aliter exposuit sanctus Augustinus in libro secundo Quæstionum Evangelicarum, quæstione trigesima quarta, ubi mammonam iniquitatis esse dicit divitias, quas soli iniqui & stulti reputant pro divitiis; cum homines justi & sapientes nihili eas faciant, & sola dona spiritualia divitias veras esse contendunt.

Alter locus Evangelicus est in eodem capite 16 sancti Lucæ, qui potest haberi tamquam commentarius parabolæ de villico iniquitatis. *Homo quidam, inquit Dominus, erat dives, qui induebatur purpura & bysso, & epulabatur quotidie splendide. Et erat quidam mendicus, nomine Lazarus, qui jacebat ad januam ejus, ulceribus plenus, cupiens saturari de micis quæ cadebāt de mensa divitis, & nemo illi dabat: sed & canes veniebant, & lingebant ulcera ejus. Factum est autem ut moreretur mendicus, & portaretur ab Angelis in sinum Abrahe. Mortuus est autem & dives, & sepultus est in inferno. Hic certè dives epulo unus erat ex illis, qui existimant se dominos esse divitiarum suarum, & non villicos aut oeconomos Dei: idèd non existimabat se peccare in Deum, si induererur purpura & bysso, & epularetur quotidie splendide, & canes multos aleret, fortasse etià mimos & histriones.*

### 34 DE ARTE BENE MOR.

Dicebat enim intra se : Ego res meas continuo, nelli facio iniuriam, non violo leges Dei, non blasphemio, non pejero, obſervo Sabbatum, honoro parentes, non hominem occido, non adulterium perpetro, non furor, non falſum testimonium dico, non concupiſco uxorem aut rem alienam. At ſi res ita ſe habet, cur ſepultus eſt in inferno? cur cruciatur in igne gehennæ? Farendum igitur eſt, falli omnes qui arbitrantur ſe eſſe dominos abſolutos opum ſuarum. nam ſi dives Epulo habuiſſet alia peccata graviora, Scriptura ſancta aliquo modo eorum meminifſet. Sed cum nihil addiderit, videtur omnino intelligi voluiſſe, ſupervacaneum illum cultum corporis in veſtibus nimis pretioſis, & quotidianos magnosque ſumptus in conviviis, & multitudinem ſervorum & canum, cum nulla miſericordia erga pauperem ulceribus plenum, ſatis magnam cauſam fuiſſe, cur dives ille ſepultus ſit in inferno, æternis ardoribus cruciandus.

Sit igitur certa lex benè vivendi & benè etiam moriendi, ſapè cogitare, & ſeriò conſiderare ac mente revolvere, reddendam eſſe Deo rationem de ſupervacaneo luxu in palatiis, in hortis, in curribus, in multitudine ſervorum, in pretio veſtium, in conviviis, in coſervandis opibus, in aliis ſumptibus

non ne-

non n  
gna m  
rum,  
qui ſi  
mant.  
ſinent  
Epulo  
mand

De pr  
et

Q  
E

dio  
cepta  
iam b  
ſanctu  
b:oru  
lige  
dere  
rum  
benè  
Ex ſu  
de qui  
luu.  
na De  
tus, er  
O ſac  
ram  
ſim,  
calvar



non necessariis, ob quæ sit injuria magna multitudini pauperum & ægrotorum, quibus deest quod aliis superest; qui sine dubio & nunc ad Deum clamant, & in die Iudicii clamare non desinent, donec ipsi quoque cum divite Epulone flammis inextinguibilibus cremandi tradantur.

## CAP. VI.

*De præcepto sexto Artis bene moriendi, quo explicantur tres virtutes morales.*

Quamvis tres virtutes Theologicæ, Fides, Spes, Charitas, compendio quodam contineant omnia præcepta bene vivendi, ac per hoc etiam bene moriendi; tamen Spiritus sanctus auctor primarius omnium Librorum divinorum, ad majorem intelligentiam hujus artis saluberrimæ, addere voluit tres alias virtutes, quæ mirum in modum adjuvant homines ut bene vivant & bene etiam moriantur. Ex sunt, Sobrietas, Iustitia, & Pietas; de quibus sic loquitur Apostolus Paulus in Epistola ad Titum *Appariat gratia Dei Salvatoris nostri omnibus hominibus, erudiens nos, ut abnegantes impietatem & secularia desideria, sobrie, & juste, & pie vivamus in hoc sæculo, expectantes beatam spem, & adventum gloriæ magni Dei, & Salvatoris nostri Iesu Christi.* Erit ergo sex-

## 6 DE ARTE BENE MOR.

tum præceptum bene vivendi & bene moriendi, ut *abnegantes impietatem & secularia desideria, sobrie, & iuste, & pie vivamus in hoc sæculo.* habetur hic summa totius divinæ Legis ad unam sententiam incredibili brevitate contracta.

*Ps. 36* Declina à malo, & fac bonum, ait sanctus Propheta David. In malo duo sunt, aversio à Deo, & conversio ad creaturas, juxta illud Ieremiæ, *Duo mala fecit*

*Iere. 2.* *populus meus: me dereliquerunt fontem aquæ vivæ, & foderunt sibi cisternas, cisternas dissipatas, quæ continere non valent aquam.* Quid igitur faciet qui utrumque malum cupiet declinare? abnegabit *impietatem & secularia desideria.* Impietas enim avertit à Deo, & secularia desideria convertunt ad creaturas. Quod verò attinet ad faciendum bonum, tunc legem implemus, cum *sobrie, & iuste, & pie* vivimus, hoc est, cum sumus sobrii erga nos ipsos, iusti erga proximum, & pii erga Deum.

Sed placet hæc paulò copiosius explicare, ut saluberrimum brevissimumque præceptum facilius ad praxim redigi possit. Quid igitur est impietas? Vitium contrarium pietati. Quid pietas? Virtus sive donum Spiritus sancti, quo Deum respicimus, colimus, & veneramur ut patrem. Iubemur ergo sic abnegare impietatem, ut *pie vivamus in hoc sæculo:* vel quod in idem recidit, sic *pie*

vivere

vivere in hoc sæculo, ut omnem abnegemus impietatem. Sed cur duo ista posita sunt, cum alterum sufficeret? Nimirum placuit Spiritui sancto ita loqui, ut intelligamus, debere nos, si volumus Deo placere, sic pietatem colere, ut nullam admixtam habeat impietatem. Neque enim desunt inter Christianos, qui pietatem colunt, dum orant Deum, dum Sacrificio tremendo assistunt, dum Sacerdotem concionantem audiunt: sed interim vel blasphemant Deum in ludo, vel jurant per Deum sine causa, vel vota Deo facta non implent. Id verò quid aliud est, quam pie colere Deum, & impium esse in Deum? Oportet igitur eos, qui cupiunt benè vivere ut detur illis benè mori, ita pie Deum colere, ut abnegent omnem impietatem, imò etiam omnem umbram, quavis tenuissimam, impietatis. Parum enim prodest, quotidie Missam audire, & Christum in sacro Mysterio venerari; si interim impie Deum blasphememus, vel per Deum pejeres.

Est verò illud etiam diligenter attendendum, quòd non dixit Apostolus, *abnegantes impietatem*, sed *omnem impietatem*, id est, omne genus impietatis; & non solum atrocem, sed etiam levem impietatem. Quod adversus eos dicitur, qui non magnificiunt jurare sine necessitate, in locis sacris petulanti oculo,

38 DE ARTE BENE MOR.

quamvis non lascivo, feminas respicere, inter Sacra solemnia confabulari, & alia id genus peccata committere; quasi Deum praesentem esse, & omnia cernere, & peccata quantumvis levia notare non crederent. Deus noster, Deus

*Exo. 20* zelotes est, visitans iniquitatem patrum in filios, in tertiam & quartam generationem eorum qui oderunt eum; & faciens misericordiam in millia his qui diligunt eum, & custodiunt praecepta ejus. Hoc ipsum exemplo suo docuit Filius Dei, qui cum

*2. Pe. 2*  
*Joan. 2* mitis & humilis esset, & cum malediceretur, non maledicebat; cum pateretur, non comminabatur: tamen cum vidisset in templo vendentes columbas, & nummularios sedentes, zelo magno succensus, flagello facto ex funiculis eiecit vendentes & eementes, & mensas nummulariorum evertit; & dixit: Scriptum est, Quia domus mea domus orationis est, & vos fecistis illam speluncam latronum. atque hoc ipsum bis fecit, semel anno primopredicationis, teste S. Ioā. & semel anno postremo, testibus tribus aliis Evangelistis.

*Joan. 2*  
*Mat. 21*  
*Mar. 11*  
*Luc. 19* Pergamus ad secundam virtutem, quae dirigit actiones erga proximum. Secunda virtus est Iustitia, de qua dicit Apostolus: Abnegantes secularia desideria, iuste vivamus. Hic etiam locum habet illa sententia generalis, Declina à malo, *2. Th. 36* & fac bonum. non enim potest esse vera iustitia erga proximum, ubi non cessant

secularia

sæcularia desideria. Quid enim significant desideria sæcularia, nisi concupiscentiam carnis, concupiscentiam oculorum, & superbiam vitæ, quæ non sunt ex Deo, sed ex mundo sive sæculo? Itaque sicut iustitia iniusta esse non potest, sic etiam sæcularia desideria non possunt ullo modo cum iustitia vera coniungi. Poterit quidem filius huius sæculi verbo & lingua simulare iustitiam, sed opere & veritate eam præstare nullo modo poterit. Prudentissimè igitur sanctus Apostolus non dixit solum, *iuste vivamus*; sed præmisit, *abnegantes sæcularia desideria*; ut radicem infectam veneno concupiscentiæ prius evellendam esse significaret, quàm bona arbor iustitiæ plantari in corde bono & optimo possit.

Quid autem sit iuste vivere, non videtur in dubium revocari debere: notum enim omnibus est, iustitiam hoc iubere, ut detur unicuique suum. *Reddere*, Ro. 13. inquit Apostolus, *omnibus debita; cui tributum, tributum; cui v. et al, v. et al; cui timorem, timorem; cui honorem, honorem*. Principi debetur tributum, parentibus honor, dominis timor: sic enim loquitur Dominus per Malachiam, *Si pater Mal. 1* ego sum, ubi est honor meus? & si dominus ego sum, ubi est timor meus? Venditori debetur iustum pretium, operario iusta merces, & sic de aliis ad eundem modum. Nec minori ratione, sed multò

## 40 DE ARTE BENE MOR.

etiam majore, ii, ad quos pertinet distribuere bona communia, secundum justitiam distributivam ea conferre debent magis merentibus; non secundum acceptionem personarum magis conjunctis vel magis dilectis. Si quis igitur artem bene vivendi & bene moriendi discere velit, audiat Sapientem initio

*Sap. 1.*

*Iac. 5.*

libri sui clamantem: *Diligite justitiam, qui judicatis terram, audiat & S. Iacobum in Epistola sua lamentantem: Ecce merces operariorum, qui messuerunt regiones vestras, quæ fraudata est a vobis, clamat; & clamor eorum in aures Domini sabaoth introivit.*

Restat virtus tertia, quæ dicitur Sobrietas, cui non minus contraria sunt desideria sæcularia, quam Iustitiæ. Neque enim per Sobrietatem hoc loco intelligimus solum virtutem contrariam ebrietati, sed in universum virtutem temperantiæ sive moderationis, quæ facit ut homo secundum rationem, non secundum cupiditatem metiatur, quæ sunt necessaria ad corpus curandum vel conservandum. Porro virtus ista rarissimè apud homines invenitur, & sæcularia desideria videntur domos pænè omnium divitum replevisse. Sed qui sapiunt, non attendere debent ad id quod stulti faciunt, quantumvis plurimi ac pænè innumerabiles sint; sed ad id quod faciunt sapientes. Certè sapientissimus fuit Salomon, & tamen oravit Deum, dicens:

dicens: Duo rogavi te, ne deneges mihi an-  
 tequam moriar. Mendicitatem, & divitias Pro. 30  
 ne dederis mihi, tribue tantum victui meo  
 necessaria. Apostolus Paulus sapiens erat,  
 & dicebat: Habentes alimenta, & quibus 1. Ti. 6  
 tegamur, hic contenti sumus: nihil enim intui-  
 limus in hunc mundum; haud dubium quod  
 nec auferre qui libet possumus. quæ ratio sa-  
 pientissima est. Quorsum enim solliciti  
 esse debemus de supervacaneis divitiis,  
 cum eas nobiscum asportare ad locum,  
 ad quem per mortem pergimus, neque-  
 amus? Christus Dominus non solum  
 Salomone & Paulo sapientior, sed ipsa  
 divina Sapiencia erat, & tamen dicebat: Luc. 6.  
 Beati pauperes, & va vobis divitibus: &  
 de se ipse dixit: Vulpes foveas habent, & Luc. 9.  
 volucres cali indos: Filius autem hominis non  
 habet ubi caput reclinet. Si in ore duorum  
 vel trium testium stabit omne verbum, Deu. 19  
 quantò magis in ore trium horum sa-  
 pientissimorum virorum stare debet om-  
 ne verbum? Quid si addamus, quòd di-  
 vitiae quæ nobis supersunt, nostræ non  
 sunt, sed pauperum, ut communis sen-  
 tentia sanctorum Patrum & Scholasti-  
 corum Doctorum habet: nonne stulti sunt,  
 qui diligenter custodiunt id, unde ad ge-  
 hennam divino iudicio damnabuntur?  
 Si quis igitur cupiat artem benè vi-  
 vendi & feliciter moriendi omnino per-  
 discere, non sequatur turbam quæ non  
 credit vel non magnificat nisi quæ  
 videt,

## 42 DE ARTE BENE MOR.

videt, sed Christum & Apostolos ejus sequatur, qui verbo & opere docuerint negligenda esse præsentia, & expectandam esse beatam spem, & adventum gloriæ magni Dei, & Salvatoris IESU Christi. Verè enim tam magna res est, quam speramus in glorioso adventu Domini nostri IESU Christi de caelo ad iudicium, ut omnis gloria, & omnes divitiæ, & omnia gaudia præterita mundi hujus habenda sint quasi non fuerint, & stultissimi & infelicitissimi iudicandi sint, qui in re tanti momenti stultis potius quam sapientibus fidem habere voluerint.

### CAP. VII.

*De septimo præcepto Artis bene moriendi, quod est de Oratione.*

DVximus hætenus præcepta bene moriendi ex tribus virtutibus Theologicis, Fide, Spe, & Charitate; & rursum ex tribus moralibus, Sobrietate, Iustitia, & Pietate; de quibus omnibus beatus Apostolus Paulus nos admonuit. Addam nunc aliud præceptum ex tribus operibus virtutum, Oratione, Ieiunio, & Eleemosyna, quod ab Angelo Raphaële didicimus. sic enim legimus in libro Tobie Raphaëlem Angelum esse locutum, Bona est oratio cum ieiunio & eleemosyna, magis quam thesauri

Tob. 12

auri



auri recendere. Est autem hoc ternarium operam bonorum, fractus trium virtutum, Religionis, Misericordiae, & Temperantiae, quæ cum Pietate, Iustitia, & Sobrietate magnam habent similitudinem. Nam quemadmodum Pietas respicit Deum, Iustitia proximum, Sobrietas seipsum: sic etiam Oratio, quæ est actio Religionis, respicit Deum; Eleemosyna, quæ est actio Misericordiae, respicit proximum; Ieiunium, quod est actus Abstinentiæ, respicit seipsum. De Oratione multi multa scripserunt: nos pro ratione instituti nostri tria solum capita explicabimus; unum de necessitate Orationis, alterum de fructibus Orationis, tertium de modo fructuosè orandi.

Necessitas Orationis in Divinis literis adeò perspicua est, ut nihil ea clariùs vel præcipiatur, vel ostendatur. Quamvis enim sciat Deus quibus rebus indigeamus, ut Dominus ipse affirmat apud Matthæum: tamen vult ut ea pe- *Matth. 6.* tamus, & per Orationem, quasi per manus spirituales, vel instrumentum aliquod ad hanc rem accommodatum, ea capiamus. Audi Dominum apud Lucam: *Oportet semper orare, & non desicere. Luc. 18.* item, *Vigilate omni tempore, orantes. Luc. 21.* Audi Apostolum. *Sine intermissione orate. 1. Th. 5.* Audi Ecclesiasticum: *Non impediaris orare semper. Eccl. 18.* Quæ præcepta non hoc significant,

#### 44 DE ARTE BENE MOR.

ut nihil aliud agamus, sed ut hujus tam salubris exercitationis numquam obliviscamur, & ad eam identidem revertamur. Id quod nos Dominus & Apostolus ejus exemplo suo docuerunt. Christus enim & Apostolus non ita semper orabant, ut non etiam populos docerent, & signis ac prodigiis sermonem confirmarent; & tamen dici poterant semper orare, quia frequentissimè orabant. Quo modo intelliguntur illa,

*Pl. 24. Oculi mei semper ad Dominum. & : Semper Ps. 33. laus ejus in ore meo. & illud de Aposto- Luc. 24 lis: Erant semper in templo, laudantes & benedicentes Deum.*

Iam verò fructus Orationis præcipuè sunt tres, Meritum, Satisfactio, & Impetratio. De merito testimonium Christi habemus in Evangelio, *Cum oratis, non eritis sicut hypocritæ, qui amant in synagogis & in angulis platearum stantes orare, ut videantur ab hominibus. Amen dico vobis, receperunt mercedem suam. Tu autem cum oraveris, intra in cubiculum tuum, & clauso ostio ora Patrem tuum in abscondito, & Pater tuus qui videt in abscondito, reddet tibi.* Quibus verbis non prohibet Dominus orationem in loco publico fieri; nam & ipse publicè oravit, antea quàm Lazarum excitaret: sed prohibet orationem publicam, quando ea fit, ut qui orat à multis videatur; idque ob inanis gloriæ cupiditatem: alioqui

etiam

etiam in templo possumus orare, & ibidem invenire cubiculum cordis, & in eo orare Patrem *in abscondito*. Illud autem, *reddet tibi*, significat meritum: nam quemadmodum de Phariseo dixit, *recepit mercedem suam*, id est laudem humanam: sic de orante in cubiculo cordis, & solum Deum respiciente, intelligendum est, reddendam illi esse mercedem à Patre *qui videt in abscondito*. De satisfactione pro peccatis præteritis, notum est ex usu Ecclesiæ, in qua semper cum iungitur satisfactio, cum eleemosyna & jejunio adjungitur oratio: imò verò sæpè omittitur eleemosyna vel jejunium, sed oratio nunquam omittitur. Denique quòd sit impetratoria beneficiorum multorum, docet pulcherrimè sanctus Ioannes Chrysostomus in duobus libris de Oratione, ubi utitur similitudine manuum humanarum. Nam quemadmodum homo nascitur inermis & nudus, & egenus omnium rerum, & tamen queri non potest de Creatore, quia dedit illi manus, quæ sunt organum organorum, quibus potest homo sibi parare cibum, & vestes, & domum, & arma, & reliqua omnia: sic etiam homo spiritualis nihil potest sine ope divina, sed habet orationis virtutem, quasi organum organorum spiritualium, per quam facillè potest omnia sibi parare.

Præter

# 46 DE ARTE BENE MOR.

Præter hos tres primarios fructus, sunt alii permulti. Nam in primis Oratio mentem illustrat. Neque enim fieri potest, ut homo mentis oculos in Deum, qui lux est, intentè defigat, quin ab eo aliquantulum illustretur. *Accedite ad eum*, inquit David, & *illuminamini*. Deinde, Oratio spem & fiduciam alit. Quod enim aliquis cum alio frequentius loquitur, eò fidentiùs ad eum accedit. Tertiò, inflammat Oratio charitatem, & mentem ad maiora dona recipienda capaciores reddit, ut S. Augustinus affirmat. Quartò, auget humilitatem & timorem castum. Nam qui ad orationem accedit, intelligit se Dei esse mendicum, ac per hoc humiliter coram eo apparere solet; & diligentissimè cavet ne eum offendant, cuius ope in rebus omnibus eget. Quintò, gignit Oratio frequens in animo orantis contemptum rerum omnium temporalium. Neque enim fieri potest ut non vilescant & sordeant omnia terrena illi, qui cælestia atque æterna assiduè speculatur. vide sanctum Augustinum in libro nono Confessionum. Sextò, parit Oratio delectationem incredibilem, cum per eam fiat ut incipiat homo gustare quàm suavis sit Dominus. Quanta autem sit hæc suavisitas, vel ex eo potest intelligi, quod nonnullos non solum pernoctare, sed etiam dies integros cum

*Ps. 33.*

*Lib. 2.  
De ser.  
Domini in  
monte,  
cap. 7.*

*Lib. 9.  
c. 1.  
10.*

integri  
gere su  
nique  
tem aff  
que ho  
enim e  
norant  
& tam  
Majest  
nem C  
orand  
Rest  
quid d  
cipuè  
iam ars  
Domin  
mi qui  
Jacobu  
dum ci  
Petru  
le per  
Qui b  
ntique  
several  
morte  
tem, su  
mus ig  
oration  
vivere  
Prim  
Aposto  
non crea  
cobus

integris nobilibus in oratione conjungere sine labore potuisse novimus. Denique, præter utilitatem & voluptatem affert etiam Oratio dignitatem atque honorem non exiguum oranti. Ipsi enim etiam Angeli animam illam honorant, quam cernunt tam familiariter, & tam crebrò ad colloquium divinæ Majestatis admitti. Vide sanctum Ioannem Chrysostomum libro primo De orando Deum.

Restat ut de ratione benè orandi aliquid dicamus, in qua re posita est præcipuè ars benè vivendi, ac per hoc etiam ars benè moriendi. Nam quod ait Dominus, *Petite & dabitur vobis.* &, *Om- Luc. 11*  
*nis qui petit, accipit*; declaravit sanctus Iacobus in Epistola sua esse intelligendum cum conditione, si benè petamus. *Petitis, inquit, & non accipitis, eo quod male petatis.* Licebit ergo sic ratiocinari: Qui benè petit donum benè vivendi, utique accipiet; & qui benè petit perseverantiam benè vivendi usque ad mortem, & per hoc ipsam felicem mortem, sine dubitatione accipiet. Explicemus igitur breviter conditiones bonæ orationis, ut discamus benè orare, benè vivere, & benè mori.

Prima conditio est Fides, dicente Apostolo: *Quomodo invocabunt, in quem Ro. 10*  
*non crediderunt?* cui consonat sanctus Iacobus: *Postulet in fide nihil habens. Iac. 1.*

E

Sed

48 DE ARTE BENE MOR.

Sed hæc necessitas Fi lei non ita intelligenda est, ut necesse sit certò credere, Deum facturum esse quod petimus; sic enim fides non rarò falsa inveniretur, ac per hoc nihil omnino impetiremus. Credendum igitur est, Deum esse potentissimum, sapientissimum, optimum, fidelissimum; & proinde posse, & scire, & paratum esse facere quod petimus, si deceat illum dare, & nobis expediat accipere quod petivimus. Hanc fidem postulavit Christus ab illis duobus cæ-

2. Act. 9. *credidit quia hoc possum facere vobis: Eadem fide oravit*

David pro filio agrotante. nam non certò credidisse, Deum facturum, sed posse facere quod petebatur, demon-

2. Reg. 12. *strant illa verba: Quis scit si forte donet*

2. Cor. 12. *cum talis Dominus: simili fide orasse Apo-*

stolum Paulum, ut auferretur ab eo sti-

mulus carnis, dubitari non potest; quoniam oravit ex fide, & fides ejus falsa

fuisse, si certò credidisset Deum facturum fuisse quod eo tempore petiit; non

enim tunc quod petiit impetravit. Neque alia fide orat Ecclesia, ut omnes

hæretici, pagani, schismatici, denique mali Christiani convertantur ad poenitentiam; quos tamen certum est non

omnes converti. de qua re vide sanctum 1. Tim. 2. *gentium.*

Altera conditio bonæ orationis, eaque

que valdè necessaria, Spes siue fiducia est. Quamvis enim non oporteat per fidem, quæ est opus intelligentiæ, certò statuere, Deum facturum esse quod petimus; oportet tamen per spem & fiduciam, quæ est actio voluntatis, firmiter adhærere benignitati divinæ, & certò confidere, Deum facturum esse quod petimus. Hanc conditionem quæsit Dominus in paralytico, cui dixit: *Confide fili, remittuntur tibi peccata tua.* Eamdem requirit Apostolus ab omnibus, cum ait: *Adoramus cum fiducia ad thronum gratiæ ejus.* & multò antea Propheta Deum dicentem induxit: *Quoniam in me speravit, liberabo eum.* Quia verò fiducia nascitur ex perfecta fide, idèd cùm Scriptura requirit fidem in rebus magnis, adjungit aliquid pertinens ad fiduciam. hinc legimus apud Marcum: *Qui cumque dixerit huic monti, Tollere & mittere in mare, & non hesitaverit in corde suo, sed crediderit quia quodcumque dixerit, fiat, fiet ei,* de qua fide gignente fiduciam intelligitur illud Apostoli: *Si habuerit omnem fidem, ita ut montes transerant, &c.* Hinc scribit Ioannes Cassianus in collatione de Oratione, signum certum impetrationis esse, cùm quis in oratione certò confidit se accepturum quod petit; & nullo modo in ea petitione hesitat, & lætitia spiritali orando perfunditur.

50 DE ARTE BENE MOR.

Tertia conditio est Charitas, sive Iustitia, qua justificamur à peccatis: non enim certò impetrant beneficia Dei, nisi qui sunt ejus amici. sic enim loquitur  
*Ps. 33.* David in Psalmis: *Oculi Domini super justos, & aures ejus ad preces eorum.* & in  
*Ps. 65.* alio loco: *Iniquitatem si assexi in corde meo, non exaudiet Dominus.* & in Testa-  
*Jo. 15.* mento novo Dominus dicit: *Si manseritis in me, & verba mea, id est præcepta mea, in vobis manserint; quodcumque volueritis, petetis, & fiet vobis.* & Discipulus  
*1. Jo. 2.* dilectus: *Si cor nostrum non reprehenderit nos, fiduciam habemus apud Deum; & quidquid petierimus, accipimus ab eo, quoniam mandata ejus custodimus, & ea quæ sunt placita coram eo, facimus.* Neque huic  
*Luc. 18.* doctrinæ contrarium est, quòd Publicanus petens à Deo indulgentiam peccatorum, justificatus discesserit: nam peccator pœnitens non impetrat ut peccator, sed ut pœnitens: ut peccator enim inimicus est Dei; ut pœnitens, amicus Dei esse incipit. Nam is qui peccat, facit quod Deo non placet; sed is quem peccasse pœnitet, facit quod Deo maximè placet.

Quarta conditio est Humilitas, qua is qui orat, non in sua iustitia, sed in  
*Isa. 66.* Dei benignitate confidit. *Ad quem respiciam, inquit Deus, nisi ad pauperendum, & contritum spiritu, & trementem sermone?* & Ecclesiasticus addit: *Oratio humi-*

humili  
 vedet  
 Qui  
 facit u  
 ut pler  
 sollicit  
 orer.  
 viter e  
 hic, inc  
 honorat  
 Oritu  
 & non  
 Qui e  
 quant  
 nostra  
 vix fies  
 militat  
 ad ora  
 Plac  
 Patrur  
 Hiero  
 ferian  
 orarem  
 rem,  
 rem, m  
 mu rig  
 lerem  
 fletu pe  
 certè  
 quam  
 ro creb  
 ticus d  
 abduct



LIBER PRIMVS. 31

humiliantis se, nubes penetrabit; & non discedet, donec Altissimus aspiciat.

Quinta conditio, Devotio est, quæ facit ut qui orat, non negligenter oret, ut plerique facere solent; sed attentè, sollicitè, diligenter atque ardentè oret. Reprehendit enim Dominus graviter eos qui solis labiis orant. *Populus hic*, inquit Dominus per Isaiam, *labiis me* <sup>Isa. 29.</sup> <sup>Mat. 23.</sup> *honorat, cor autem eorum longe est à me.*

Oritur autem hæc virtus ex fide viva, & non in solo habitu, sed in actu posita. Qui enim attentè & firma fide cogitat, quanta sit majestas Dei, quanta vilitas nostra, quàm magna res quam petimus, vix fieri potest ut non cum summa humilitate, reverentia, devotione, ardore ad orandum accedat.

Placer hîc adjungere duo sanctorum Patrum egregia testimonia. Sanctus Hieronymus in Dialogo adversus Luciferianos, *Ad orationem*, inquit, *assistens non orarem, si non crederem, sed si vere crederem, illud cor, quo Deus videtur, munderem, manibus tunderem pectus, genas lacrymis rigarem, corpore inhorrescerem, ore palterem, jacerem ad Domini mei pedes, eoque sletu persunderem, crine tergerem, haberem certè truncum crucis, nec prius omitterem quàm misericordiam impetrarem, nunc vero creberrimè in oratione mea, aut per porticus deambulo, aut de favore computo, aut abductus turpi cogitatione, etiam ea quæ*

## 52 DE ARTE BENE MOR.

dictu erubescenda sunt, gero. Vbi est fides? sicem putamus orasse Ionam? sic tres pueros? sic Daniel in inter leones? sic certe latronem in cruce? Sanctus Bernardus in Sermone De quatuor modis orandi, Omnino, inquit, oportet nos orationis tempore curiam intrare caelestem, illam utique curiam, in qua Rex regum stellato sedet solio, circumdante innumerabili & ineffabili beatorum spirituum exercitu. Quanta ergo cum reverentia, quanto timore, quanta illuc humilitate accedere debet à palude sua procedens & repens ramuncula vilis? Quam tremebundus, quam supplex, quam denique humilis & sollicitus, & toto intentus animo, Majestati glorie in praesentia Angelorum, in concilio iustorum & congregatione apostolorum poterit miser homuncio? In cunctis igitur actionibus nostris multa est opus animi vigilantia, sed praecipue in oratione.

Sexta conditio, Perseverantia est, quam Dominus duabus parabolis propositis commendavit apud Evangelistam Lucam. Prior est de illo qui media nocte perrexit ad amicum, ut accommodaret ei tres panes; qui cum saepe rejiceretur quòd esset importunum tempus, tamen perseverans in petendo, obtinuit quod petebat. Posterior est de vidua, quæ interpellabat Iudicem ut eam vindicaret de adversario suo, qui Iudex quamvis esset valdè malus, & neque

Luc. 11

Luc. 18

neque  
reverer  
& imp  
illam d  
Domin  
dam n  
qui ju  
addit  
frente  
berali  
bus, &  
quòd  
in pet  
dices,  
dit sanc  
ultimi  
Benedi  
n. m me  
Si vale  
tuam  
miseri

De ell

Equ  
dine  
expon  
Tineol  
adferre  
ciant,

## LIBER PRIMVS. : 53

neque Deum timeret, neque hominem  
reuereretur; tamen victus perseverantia  
& importunitate mulieris, vindicavit  
illam de adversario suo. Ex his colligit  
Dominus, multò magis perseveran-  
dum nobis esse in oratione ad Deum,  
qui iustus & benignus est. Atque, ut  
addit sanctus Iacobus, *dat omnibus as- Iac. i.  
fluenter, & non improperat*; hoc est, *dat li-*  
*beraliter omnibus dona sua petenti-*  
*bus, & non improperat importunitatem,*  
quòd videlicet nimis sæpè molesti sint  
in petendo. Deus enim est sine mensura  
dives, & sine mensura misericors. Ad-  
dit sanctus Augustinus in Explicatione  
ultimi versic. Psalmi 65. ad illa verba,  
*Benedictus Deus, qui non amovit oratio-*  
*nem meam, & miseri ordinem suam a me;*  
*Si videris non esse amotam deprecationem*  
*tuam, securus es, quia non est amota a te*  
*misericordia ejus.*

### CAP. VIII.

*De octavo præcepto Artis benè moriendi,  
quod est de Ieiunio.*

**S**Equitur ut de Ieiunio, secundùm or-  
dinem ab Angelo positum, breviter  
exponamus. Ac omittis multis, quæ  
Theologi de jejunio disputant, ea solùm  
adferemus, quæ ad rem nostram faci-  
ciunt. Propositum nobis est artem

E 4      benè

## 54 DE ARTE BENE MOR.

benè vivendi exponere, quatenus ea ad artem benè moriendi viam sternit. Ad hanc artem tria illa sufficere videntur, quæ disputavimus de Oratione, necessitas, fructus, & modus. Necessitas jejunii pendet ex duplici lege, divina & humana: de lege divina testis est Ioël

- Ioël. 1.* Propheta, qui ex parte Dei dicit: *Convertimini ad me in toto corde vestro, in jejuniis, & fletu, & planctu.* Idem habetur *Ion. 3.* ex Iona Propheta, qui testatur, Ninivitas ad placandum Deum prædicavisse jejunium & saccum; & tamen nulla tunc erat lex positiva de jejuniis. Idem intelligi potest ex verbis Domini apud *Matth. 6.* sanctum Matthæum: *Tu autem cum jejunas, unge caput tuum, & faciem tuam lava, ne videaris hominibus jejunans, sed Patri tuo, qui est in abscondito; & Pater tuus, qui videt in abscondito, reddet tibi.*

Addamus unum vel alterum ex Patribus. Sanctus Augustinus sic loquitur *Epist. 86* in Epistola ad Calulanum: *Ego in Evangelicis & Apostolicis litteris, totiq; Instrumento, quod appellatur Testamentum novum, animo id revolvens, video præceptum esse jejunium: quibus autem diebus non oporteat jejunare, & quibus oporteat, præcepto Domini vel Apostolorum non invenio definitum.* Sanctus Leo in Sermonibus de jejuniis decimi mensis, illi, inquit, quæ rerum futurarum figuras gerebant,

bant, impletis qua significavere, finita sunt, jejuniorum vero utilitatem novi Testamenti gratia non removet, & continentiam corpori atque anime semper profuturam pia observatione suscepit. Quia sicut permagnet ad intelligentiam Christianam, Dominum Deum tuum adorabis, & illi soli servies, & cetera talia mandatorum; ita quod in eisdem libris de jejuniorum sanctificatione praeceptum est, nulla interpretatione vacuatur. hæc sanctus Leo. qui non voluit significare, illis iisdem temporibus jejunandum esse Christianis quibus jejunabant Iudæi: sed praeceptum jejunandi Hebræis traditum, observandum esse Christianis juxta determinationem eorum qui præfunt Ecclesiæ, quod ad tempus & modum attinet. Quæ autem illa determinatio sit, notius est omnibus quam ut sit à me necesse declarari. Atque hæc de necessitate Iejunii.

Porrò fructus & utilitates Iejunii facile demonstrabimus. Ac primum, utilissimum est jejunium ad animam præparandam ad orationem & rerum celestium contemplationem, ut Angelus Raphaël significavit, cum ait: *Bona est oratio cum jejunio.* Sic Moyses quadraginta dierum jejunio animam præparavit, antequam ad colloquium Dei auderet accedere: sic Elias quadraginta dies jejunavit, ut cum Deo in monte

Exo. 34

3. Reg

19.

## 56 DE ARTE BENE MOR.

Horeb, eo modo quo poterat, colloqui  
 24. 10. posset: sic Daniel jejuniis hebdomada-  
 rum trium præparatur ad revelationes  
 Dei recipiendas: sic Ecclesia in proiestis  
 magnarum celebratarum jejunia insti-  
 tuit, ut Christiani paratiores reddantur  
 ad vacandum rebus divinis. Ponder sancti  
 Patres hanc ipsam utilitatem jejunii  
 passim prædicant. Consulat Lector san-  
 ctum Athanasium in libro de Virgini-  
 tate; sanctum Basilium in Oratione pri-  
 ma & secunda de Iejunio; sanctum  
 Ambrosium in libro de Elia & jejunio;  
 sanctum Bernardum in Sermonibus de  
 Vigilia sancti Andreæ. Sed verba san-  
 cti Ioannis Chrysostomi ex Homilia  
 prima in Genesim, quæ pauca & illu-  
 stria sunt, non gravabor adducere. *Ieju-  
 nium, inquit Chrysostomus, anima nostra  
 alimentum est, leves ei pernas producit ut  
 in sublime feratur, & summa contemplan-  
 queat.*

Altera utilitas Iejunii est ad carnem  
 edomandam. & hoc nomine jejunium  
 valdè placet Deo, cui placet ut carnem  
 crucifigamus cum vitiis & concupis-  
 centiis ejus, ut docet Apostolus in Epi-  
 stola ad Galatas, qui etiam hac ipsa de  
 Cal. 5. causa dicebat, *Castigo corpus meum, & in*  
 1. Cor. *servitutem redigo, ne forte cum alius prædi-*  
 9. *cavero, ipse reprobus efficiar.* Nam de Ie-  
 junio hæc verba exponunt Chrysosto-  
 mus & Theophylactus in Commenta-  
 rio,

rio, &  
 ad Ecc  
 tatem  
 Cypria  
 filius  
 storus  
 Hieron  
 de Cui  
 libro p  
 simo p  
 ficiunt  
 sancti  
 potus ei  
 Tert  
 colendi  
 cu n ej  
 Aposto  
 manos  
 vestra  
 placent  
 Græcè  
 cultum  
 Lucas  
 disced  
 nus se  
 Nicæ  
 jejunia  
 Solemn  
 clesia  
 tur Te  
 ne car  
 seras &  
 Sermo

rio, & sanctus Ambrosius in Epistola ad Ecclesiam Vercellentem. Hanc utilitatem Ieiunii prædicant sancti Patres, Cyprianus in Sermone de Ieiunio, Basilii in oratione 1 de Ieiunio, Chrysostomus Homilia prima in Genesim, Hieronymus in Epistola ad Eustochium de Custodia virginitatis, & Augustinus libro primo Confessionum capite trigesimo primo, & Ecclesia uniuersa ad Officium Horæ Primæ canit ex Hymno sancti Ambrosii, *Carnis rerat superbiam potus cibiq; parcitas.*

Tertia Ieiunii utilitas est ad Deum colendum: honori enim sibi ducit Deus, cum ejus causa jejunamus. Sic enim Apostolus loquitur in Epistola ad Romanos: *Obsecro vos, ut exhibeatis corpora* Ro. 12  
*uestra hostiam viuentem, sanctam, Deo*  
*placentem, rationabile obsequium uestrum,*  
Græcè λογικὴ λατρεία, id est, *rationabilem*  
*cultum.* Et de hoc cultu loquitur sanctus  
Lucas, cum de Anna vidua dicit: *Non* Luc. 2.  
*discedebat de templo, jejuniis & obsecratio-*  
*nibus seruens nocte ac die.* Et ipsa magna  
Nicæna Synodus Canone quinto vocat  
ieiunium Quadragesimæ, mundum &  
solemne munus, quod offertur ab Ec-  
clesia Deo. quomodo etiam loqui-  
tur Tertullianus libro de Resurrectio-  
ne carnis, ubi sacrificia Deo grata vocat  
feras & aridas escas. Et sanctus Leo in  
Sermone secundo de Ieiunio decimi  
mensis,

## 58 DE ARTE BENE MOR.

mensis, *Pro consummata*, inquit, *perceptione omnium fructuum*, diuissime largitori eorum Deo contentia libamen offertur. Denique sanctus Gregorius in Homilia sextadecima scribit, per Quadragesimale jejunium offerri Deo decimas & primitias vitæ nostræ.

Quarta utilitas Ieiunii, est Satisfactio pro peccatis. Id primum ostendunt exempla Scripturarum. Ninivitæ jejunio Deum placaverunt, ut Ionas testatur. Idem Iudæi fecerunt, qui jejunantes cum Samuele Deum placaverunt, & victoriam de hostibus retulerunt. Achab Rex impius, jejunio & cilicio Deum ex parte placavit. Hebræi tempore Iudith & Esther non alio sacrificio, quam jejunio, fieri & planctu apud Deum misericordiam invenerunt. Hanc eandem doctrinam veteres Patres perpetuò docuerunt. Tertullianus in libro de Ieiunio, *Sicut*, inquit, *primum usus cibi perdidit, sic jejunium Deo satisfaciunt*. Sanctus Cyprianus in Sermone de Lapsis, *iram*, inquit, & *offensam Dei* jejunii & fletibus, sicut monet ipse, placemus. Sanctus Basilius Oratione prima de Ieiunio, *Penitentia*, inquit, *sine jejunio infructuosa & otiosa est*; per jejunium satisfacit Deo. Sanctus Ioannes Chrysostomus Homilia prima in Genesim, *Deus*, inquit, *veluti pater indulgens hanc nobis, quæ per jejunium fit, curationem invenit*. Sanctus

L  
Sanctus  
junio, I  
dum de  
Sanctus  
ad capu  
& jju  
peccator  
ne sexag  
quit, pro  
indulgen  
ne quar  
docer,  
S. Bern  
to in Ca  
neo, sed  
peccato,  
Quin  
quò est  
divina in  
uxor ele  
sterilis,  
interpre  
bro fecer  
Scriptu  
abra.  
silo me  
num tr  
scribitu  
gnis lo  
junii.  
autem  
ciem tua  
junans,



Sanctus Ambrosius in lib. de Elia & jejunio, *Iejunium*, inquit, *culpa mors, excidium delictorum, remedium salutis est.* Sanctus Hieronymus in Commentario ad caput tertium Ionæ, *Saccus*, inquit, *& jejunium arma sunt penitentiae, auxilia peccatorum.* Sanctus Augustinus Sermone sexagesimo de Tempore, *Nemo*, inquit, *pro laude humana, sed pro peccatorum indulgentia jejuset.* Sanctus Leo Sermone quarto de Iejunio septimi mensis docet, jejunii sacrificio Deum placari. S. Bernardus Sermone sexagesimo sexto in Cantica, *Ego*, inquit, *interdum abstineo, sed abstinentia mea satisfactio est pro peccato, non superstitio pro impietate.*

Quinta denique utilitas Iejunii est, quod est meritorium, & ad beneficia divina impetranda multum valet. Anna, *Reg* uxor Elcanæ per jejunium, cum esset sterilis, filium habere meruit. sic enim interpretatur sanctus Hieronymus libro secundo in Iovinianum illa verba Scripturæ, *Porro illa flebat, & non capiebat cibum.* Anna, inquit, *inane cibo ventrem filio meruit implere.* Sara item per jejunium tri duanum à dæmone liberatur, ut scribitur in libro Tobiae. Sed est insignis locus in Euangelio pro merito jejunii. sic enim Dominus loquitur: *Tu autem cum jejunas, unge caput tuum, & faciem tuam lava, ne videaris hominibus jejunans, sed Patri tuo qui est in abscondito;* & Pa-

## 60 DE ARTE BENE MOR.

& Pater tuus, qui vult in abscondito, red-  
 det tibi. Vbi verba illa, reddet tibi, signifi-  
 cant, reddet tibi mercedem: nam oppo-  
 nuntur illis, Exterminant facies suas ut  
 appareant hominibus jejunantes: Amen di-  
 co vobis, qui receperunt mercedem suam.  
 Itaque hypocritæ jejunantes recipiunt  
 mercedem suam, laudem humanam:  
 iusti jejunantes recipiunt mercedem  
 suam, præmium divinum. Neque de-  
 sunt clarissima sanctorum testimonia  
 Patrum. Sanctus Ioannes Evangelista  
 scripturus Euangelium, indixit solemne  
 jejunium, ut gratiam rectè scribendi  
 accipere mereretur, ut sanctus Hiero-  
 nymus tradit Præfatione Commenta-  
 riorum in Matthæum, & eum secutus  
 venerabilis Beda in primum caput  
 Ioannis. Tertullianus in libro de Ieju-  
 nio, Etiam, inquit, sacramentorum agnitio-  
 nem jejunia de Deo merentur. Sanctus  
 Ambrosius in Epistola ad Ecclesiam  
 Vercellensem, Qui sunt, inquit, hi præce-  
 ptores novi, qui meritum excludunt jejuni?  
 Sanctus Athanasius in libro de Virgini-  
 tate, Quisquis, inquit, ab immundo spiritu  
 vexatur, certum habere debet, jejunio spiri-  
 tus malos afflictos abscedere, vim jejunii me-  
 tuentes. Sanctus Basilius Oratione pri-  
 ma de Iejunio, Iejunium, inquit, ad ven-  
 tui sæculi mala fugienda, & ad assequenda  
 bona utile est. Sanctus Gregorius Na-  
 zianzenus in Oratione de Laudibus

sancti

sancti Cy-  
 quadam  
 repulerit  
 pharmaci  
 Chrysost  
 junio; Ie-  
 ut non pec-  
 non perca-  
 nymus i  
 proposit  
 Sanctus  
 mos secur  
 est, aut p  
 peccatoru  
 quæst. S.  
 Iejunio s  
 inquit, j  
 dicitur m  
 Habem  
 tum jeju  
 ut brevit  
 jejunand  
 utile ad  
 iam ad b  
 jejunant  
 constitui  
 tor tem  
 neque dei  
 Adventu  
 Natalis D  
 moriam  
 Sabbato  
 Sed attri

sancti Cypriani, explicans quibus armis  
quædam sancta Virgo diabolum à se  
repulerit; *Ieiunia*, inquit, & *humicubationis*  
*pharmacum* obicit. Sanctus Ioannes  
Chrysostomus Sermone primo de Ie-  
junio; *Ieiuna*, inquit, *quia peccasti*; *ieiuna*,  
*ut non pecces*; *ieiuna*, *ut accipias*; *ieiuna*, *ut*  
*non percant quæ accepisti*. Sanctus Hiero-  
nymus in libro adversus Iovinianum, ex  
proposito disputat de merito jejunii.  
Sanctus Augustinus Sermone sexagesi-  
mosecundo, *Ieiunium*, inquit, *remedium*  
*est*, *aut præmium*, *hoc est*, *aut indulgentiam*  
*peccatorum*, *aut præmium regni celestis ac-*  
*quirat*. Sanctus Leo Sermone primo de  
Ieiunio septimi mensis, *Per humilitatem*,  
inquit, *ieiunii contra omnes hostes nostros*  
*divinum meremur auxilium*.

Habemus igitur necessitatem & fru-  
ctum jejunii: reliquus est modus; id est,  
ut breviter explicemus, quo modo sit  
jejunandum, ut jejunium nobis verè sit  
utile ad benè vivendum, ac per hoc et-  
iam ad benè moriendum. Multi enim  
jejunant in diebus omnibus ab Ecclesia  
constitutis, videlicet in Vigiliis, in Qua-  
tuor temporibus, in Quadragesima:  
neque desunt qui sponte jejument in  
Adventu, ut pie se præparent ad diem  
Natalis Domini: vel in sexta feria ob me-  
moriam Passionis Dominicæ; vel in  
Sabbato ad honorem Virginis Deiparæ.  
Sed utrùm ita jejument ut verè fructus  
jeju-

jejunii consequantur, non sine causa quari potest. Finis primarius jejunii, est mortificatio carnis, ut spiritus fortior evadat. Ad hunc finem necesse esset, modica & vili esca nutriri. Et quidem Mater Ecclesia hoc indicat, cum jubet non bis in die, sed semel tantum refici corpus; & refici non carnibus aut lacticiis, sed herbis & leguminibus, & aliis levioribus escis. Duobus verbis id Tertullianus in libro de Resurrectione carnis expressit, cum cibum jejunantium esse dixit seras & aridas escas. Certè illi ista non observant, qui quæ die jejunant, non minus comedunt in uno prandio, quàm aliis diebus in prandio simul & cœna: & qui in prandio illo tam pretiosa fercula ex variis piscium generibus, aliisque cibis ad gulam irritandam aptissimis præparant, ut non prandium lugentium & poenitentium, sed cœnam nuptialem ad multam noctem perventuram parare videantur. Qui sic jejunant, fructus jejunii sine dubio non consequuntur.

Sed neque illi fructum jejunii consequuntur, qui quamvis minus lautè & magis sobriè comedant, tamè in diebus jejunii non magis sibi temperant à ludis & jocis, à rixis & contentionibus, à cantu lascivo & immoderata latitia; & quod gravius est, à flagitiis & facinoribus, quàm aliis diebus qui non sunt jeju-

jejunio consecrati. Audi quid Isaias  
 Propheta de hoc hominum genere di-  
 cat: *Ecce in die jejuni vestri invenitur* Isa. 58  
*voluntas vestra, & omnes debitores ve-*  
*stros repetitis.* Ecce ad lites & contentiones  
 jejunatis, & percutitis pugno impie. Nolite  
 jejunare, sicut usque ad hanc diem, ut au-  
 diatur in excelsis clamor vester. hæc Do-  
 minus in Hebræis reprehendit, quod  
 in diebus jejunii, qui sunt dies pœni-  
 tentiæ, voluntates suas, & non Domi-  
 ni voluntatem implere vellent: & quod  
 debitoribus suis non solum debita di-  
 mittere nollent, sicut sibi à Deo di-  
 mitti postulabant; sed neque vellent  
 dilationem aliquam debitoribus suis  
 concedere. Item quod tempus, quod  
 jejunantes in oratione ad Deum con-  
 sumere debuissent, in litibus profanis,  
 imò & in contentionibus consume-  
 bant. Denique quod non solum, ut par-  
 erat in diebus jejuniorum, non vaca-  
 bant spiritualibus studiis; sed peccata  
 peccatis addentes, proximos suos im-  
 piè percutiebant. Hæc & similia ca-  
 vere debent viri pii, si jejunia sua cu-  
 piunt esse Deo grata, & sibi utilia sic,  
 ut sperare possint deinceps vitam bo-  
 nam & mortem pretiosam. Restat  
 Eleemosyna ex tribus operibus, quæ  
 Angelus Raphaël apud Tobiam lauda-  
 vit, & nobis omnibus ad imitandum  
 proposuit.

## CAP. IX.

*De nono praecepto Artis bene moriendi,  
quod est de Eleemosyna.*

**D**E Eleemosyna tria breviter explicanda sunt, necessitas, fructus, modus. Et quidem quoddam aliquod sit praeceptum de eleemosyna facienda, nemo umquam in dubium revocavit. Nam etiam si nihil aliud haberemus, satis abunde sufficeret sententia Iudicis iustissimi & supremi, qui in extremo Iudicio iniquis dicit: *Discedite à me mei discitis in ignem aeternum, qui paratus est diabolo & angelis ejus. Esi vivis enim, & non dedistis mihi manducare: servi, & non dedistis mihi potum; hostes eram, & non collegistis me; nudus, & non cooperuistis me; infirmus, & in carcere, & non visitastis me.* Et paulò post addidit: *Quandiu non fecistis uni de minoribus his, nec mihi fecistis.* Ex quo loco possumus intelligere, ad eleemosynam faciendam non teneri nisi eos qui possunt eam facere. Nam ipse etiam Dominus non legitur ista opera fecisse, sed solum ex pecuniis sibi datis iussisse partem aliquam pauperibus donari; ut ex illo Evangelii loco potest intelligi, *ubi cum Dominus dixisset Iudæ, Quod facis, fac mihi, existimaverunt discipuli, imperasse Dominum Iudæ, ut ex loculis quos*

quos portabat, egenis aliquid daret. Theologi tamen hoc præceptum contineri volunt in illo præcepto Decalogi; *Honora parentes: alii in eo; Non occides.* Sed non est necesse hoc præceptum in Decalogo contineri, cum eleemosyna pertineat ad Charitatem; præcepta Decalogi sint præcepta Iustitiæ. Sed si omnia præcepta moralia revocari debeant ad Decalogum, probabilis est Alberti Magni sententia, qui præceptum de eleemosyna facienda revocat ad illud, *Non furaberis*; quoniam genus furtili esse videtur, non tribuere pauperibus quod debemus. Sed probabilior videtur sententia sancti Thomæ, qui hoc præceptum reducit ad primum secundę tabulæ, *Honora parentes.* Honor enim parentum non intelligitur eo loco sola reverentia; sed præcipue procuratio rerum necessariarum ad vitam, quæ est eleemosyna quædam, quam debemus principali proximo nostro, ut explicat S. Hieronymus in Commentario ad caput decimumquintum S. Matthæi. Ex quo intelligitur, deberi etiam eleemosynam aliis proximis nostris egentibus. Accedit, quod præceptum de eleemosyna non est negativum, sed affirmativum: inter præcepta autem secundę tabulæ nullum est affirmativum, nisi primum, quod est, *Honora parentes.* Sed de his fusiùs disputare non

# 66 DE ARTE BENE MOR.

est hujus loci. Atque hæc de necessitate eleemosynæ.

Iam verò fructus eleemosynæ copiosissimus est. Primum enim eleemosyna liberat à morte sempiterna, sive id fiat per modum satisfactionis, sive per modum dispositionis ad gratiam, sive aliquo alio modo. Id enim manifestè docent scripturæ divinæ. In libro

*Tob. 4.* Tobia sic legimus: *Eleemosyna ab omni peccato, & a morte liberat, & non patietur animam ire in tenebras. & in eodem libro Angelus Raphaël difertis verbis*

*Tob. 12* ait: *Eleemosyna à morte liberat, & ipsa est qua purgat peccata, & facit invenire misericordiam & vitam æternam. & Daniel ad Regem Nabuchodonosor ait:*

*Dan. 4* *Quamobrem, Rex, consilium meum placeat tibi, & peccata tua eleemosynis redime, & miserationes tuas misericordis pauperum.*

Deinde eleemosyna, si fiat ab homine iusto, & ex vera charitate, meritum habet æternæ vitæ; cujus veritatis testis erit Christus Index vivorum & mortuorum, cum in Iudicio dicet:

*Matth. 25.* *Venite benedicti Patris mei, possidete paratum vobis Regnum a constitutione mundi. Ego enim, & dedisti mihi manducare, &c. & in illa: Quamdiu fecisti uni ex his fratribus meis minimis, mihi fecisti.*

Tertio, eleemosyna vim habet cuiusdam baptismi, peccata videlicet quoad culpam & pœnam simul delenda,

di, d  
tem  
pecc  
ut ne  
hoc i  
pria  
Leo.  
de E  
que  
elem  
stima  
Sern  
inga  
litate  
mosyn  
qua si  
e. m  
am se  
cetura  
toti  
nes C  
Apost  
tam  
quod  
Leo Se  
mosyna  
perman  
quam  
prærop  
nes ad  
re. S  
mosyna  
de illa



di, dicente Ecclesiastico: *Ign. in arden- Eccl, 3.*  
*tem extinguit aqua, & eleemosyna resistit*  
*peccatis.* Aqua enim penitus extinguit,  
 ut nec fumus quidem superfit. atque  
 hoc ipsum sancti Patres docent, Cy-  
 prianus, Ambrosius, Chrysostomus,  
 Leo. Sanctus Cyprianus in Sermone  
 de Eleemosyna sic ait: *Sicut lacuero a-*  
*qua salutaris, gehenna ignis extinguitur, ita*  
*eleemosynis atque operibus iustis delictorum*  
*flamma sopitur.* Sanctus Ambrosius in  
 Sermone trigesimoprimo, *Eleemosyna,*  
*inquit, quodam modo animarum aliud est*  
*lacuorum, sicut ait Dominus: Date elee-*  
*mosynam, & omnia munda sunt vobis; nisi,*  
*quod salva fide dixerimus, indulgentior est*  
*eleemosyna quam lacuorum; lacuorum*  
*enim semel datur, & semel veniam polli-*  
*cetur: eleemosynam autem quoties fueris,*  
*toties veniam promereris.* Sanctus Ioan-  
 nes Chrysostomus Homilia 25. in Acta  
 Apostolorum, *Non est, inquit, pecca-*  
*tum, quod non possit purgare eleemosyna,*  
*quodve non possit extinguere.* Sanctus  
 Leo Sermone quinto de Collectis, *Elee-*  
*mosyna, inquit, peccata delenti mortem*  
*perimunt, & penam perpetui ignis extin-*  
*guunt.* Hæc sanè magna est eleemosynæ  
 prærogativa, & deberet omnes homi-  
 nes ad amorem eleemosynæ inflamma-  
 re. Sed hoc non de quacumque elee-  
 mosyna intelligendum esse videtur, sed  
 de illa dumtaxat, quæ ex magna con-

68 DE ARTE BENE MOR:

tritione & magno charitatis ardore procedit ; qualis fuit sanctæ Mariæ Magdalenæ, quæ lacrymis contritionis rigavit pedes Domini , & eleemosyna unguenti pretiosissimi pedes eosdem inunxit.

Quartò, Eleemosyna fiduciam auget apud Deum , & gaudium spirituale producit. Quamvis enim id commune sit eleemosynæ cum omni opere bono ; tamen præcipuè convenit eleemosynæ, cum per eam Deo simul & proximo gratum præstemus obsequium ; & sit opus, quod non obscure, sed apertissimè dignoscitur esse bonum. Hinc est illud

**Tob. 4.** Tobia: *Fiducia magna erit coram summo Deo eleemosyna omnibus facientibus eam.*

**Heb. 10** & illud Apostoli : *Vintis comparsi estis ; nolite itaque amittere confidentiam vestram.* Denique sanctus Cyprianus in Sermone de Eleemosyna, eleemosynam vocat solatium grande credentium.

Quintò, Eleemosyna conciliat benevolentiam multorum , qui pro benefactoribus Deum precantur , eisque vel gratiam conversionis , vel donum perseverantiæ, vel incrementum gratiæ & gloriæ impetrant. Nam his omnibus modis intelligi potest verbum illud

**Mat. 16** Domini , *Facite vobis amicos de mammona iniquitatis, ut, cum defeceritis, recipiant vos in aterna tabernacula.*

Sextò, Eleemosyna dispositio est ad gra-

LIBER PRIMVS. 69

gratiam iustificantem. De hoc fructu loquitur Salomon in Proverbiis, ubi dicit: *Eleemosynis & fide delicta purgan.* Prov. tur. Et Dominus audita liberalitate Zacchæi dicentis: *Ecce dimidium bonorum meorum do pauperibus,* & si quid aliquem defraudavi, reddo quadruplum; ait: *Hodie salus domui huic facta est.* Denique in Actis Apostolorum legitur dictum fuisse Cornelio nondum Christiano, qui erat eleemosynarum multarum largitor: *Eleemosyna tua ascenderunt in memoriam in conspectu Dei.* Ex<sup>10.</sup> quo loco probat sanctus Augustinus, Cornelium per eleemosynas impetrasse à Deo gratiam Fidei Christianæ, & perfectæ iustificationis. *Sar- ftoz. c.7.*

Septimò denique, Eleemosyna sæpè causa est ut crescant bona temporalia. Id quod affirmat Sapiens cum dicit: *Faneratur Domino qui miseretur pauperi.* Pro. 19 & rursus: *Qui dat pauperi, non imitabit.* Idem exemplo suo Dominus docuit, cum iussit discipulis, ut quinque panes & duos pisces quos solos habebant, distribuerent turbis; & effecit ut reciperent duodecim cophinos plenos fragmentorum panum & piscium, qui ad multos dies illis sufficere potuerunt. Tobias quoque qui bonâ suâ cum pauperibus liberaliter communicabat, ingentes divitias brevî cōsecutus est. Vidua quoque Sarephthana, quæ<sup>3. Reg. 17.</sup>

## 70 DE ARTE BENE MOR.

modicum farinae & olei Eliæ Prophetæ in eleemosynam tribuit, id ex beneficio Dei consecuta est, ut ad longum tempus farina & oleum ei non defuerit. Exempla præterea plurima & dignissima quæ legantur, extant apud Gregorium Turonicum libro quinto Historiæ Francorum, apud Leontium in Vita sancti Ioannis Eleemosynarii, apud Sophronium in Prato spirituali capite 185 & 201. Idem confirmat sanctus Cyprianus in Sermone de Eleemosyna, & sanctus Basilius in Oratione ad divites; ubi eleganti similitudine comparat divitias aquis puteorum, quæ si frequenter hauriantur, semper meliores & copiosiores scaturire solent; si verò immotæ conserventur, decrescunt atque putrescunt. Hæc avari divites non libenter audient, & vix credent; sed post hanc vitam intelligunt, & vera esse credent, quando intelligere vel credere nihil proderit.

Supereff ut de modo largiendi eleemosynas aliquid scribamus: id enim præ omnibus aliis rebus necessarium est, ut piè sancteque vivamus, & felicissimè moriamur. Primum igitur necesse est, ut eleemosynas faciamus intentione rectissima placendi Deo, non ad captandam auram popularem. Id enim Dominus noster disertis verbis docet, cum ait: *Cum facis eleemosynam,*

Matt.  
6.

noti

noli tuba canere. & nesciat sinistra tua  
quid faciat dextera tua. Explicat hunc lo-<sup>Trab.</sup>  
cum sanctus Augustinus in Explica-<sup>6.</sup>  
tione Epistolæ sancti Ioannis, ubi per  
sinistram, intelligit intentionem facien-  
di eleemosynam propter honorem  
temporalem, vel aliud quodcumque  
temporale lucrum: per dexteram, si-  
gnificari dicit intentionem faciendo  
eleemosynam propter vitam æternam,  
propter gloriam Dei, propter proximi  
charitatem.

Deinde, facienda est eleemosyna  
promptè, facilè, ut non videatur ex-  
torta precibus, nec differatur de die in  
diem, si statim fieri possit. *Ne dicas*, in-<sup>Pro. 3.</sup>  
quit Sapiens, *Vade, & revertere; cras*  
*dabo tibi: cum statim possis dare.* Abra-<sup>Gen. 18.</sup>  
ham amicus Dei rogat hospites ut ad  
se divertant, non expectat ut ab eis  
rogetur. Quod idem fecit nepos ejus  
justus Lot. Sic etiam Tobias non ex-<sup>19.</sup>  
pectabat pauperes ut ad se venirent,  
<sup>Tob. 2.</sup>  
sed ipse eos quærebat.

Tertiò requiritur, ut eleemosyna fiat  
hilariter, non cum tristitia. *in omni da-*  
*to*, inquit Ecclesiasticus, *hilarem fac vul-*  
*tum tuum.* Et Apostolus: *Non ex tristitia,*<sup>Ecclesi. 35.</sup>  
*aut ex necessitate: hilarem enim datorem*<sup>2. Cor. 9.</sup>  
*diligat Deus.*

Quartò, necesse est ut eleemosyna  
fiat humiliter, sic ut intelligat homo  
dives, se plus accipere quàm dare: de

72 DE ARTE BENE MOR.

*Sib. 21*  
*Moral.*  
*c. 1. 4.*

qua re sic loquitur sanctus Gregorius:  
*Multum ad edomandam dantis superbiam*  
*velit, si eum terrena tribuit, verba sollici-*  
*te Magistri calistis penset, qui ait: Facire*  
*vobis amicos de mammona iniquitatis, ut,*  
*cum discesseritis, recipiant vos in aeterna ta-*  
*bernacula. Si enim eorum amicitium aeterna*  
*tabernacula acquirimus, dantes proculdubio*  
*pensare debemus, quia patronis potius mu-*  
*nera offerimus, quam egenis dona largi-*  
*mur.*

*Tob. 4.*

Quintò, opus est ut eleemosyna  
abundanter tribuatur pro modo fa-  
cultatum. sic enim docet Tobias in-  
signis eleemosynarius: *Quo modo, in-*  
*quit, potueris, ita esto misericors: si mul-*  
*tum tibi fuerit, abundanter tribue: si exi-*  
*guum tibi fuerit, etiam exiguum libenter*

*2. Cor.*  
*2.*

*impertiri stude.* & Apostolus docet, e-  
leemosynam esse dan lam ut benedi-  
ctionem, non ut avaritiam. & sanctus  
Ioan. Chrysostomus addit: *Non dare,*  
*sed copiose dare, eleemosyna est.* Et in co-

*Serm.*  
*37. ad*  
*pop.*  
*An-*  
*tioc.*

dem Sermone addit, eos qui audiri  
volunt, cum Deo dicunt, *Miserere mei*  
*Deus secundum magnam misericordiam*  
*tuam;* debere etiam misereri pauperum  
secundum magnam eleemosynam suam.

Postremò, necesse est super omnia a-  
lia, ut qui vult saluus esse, ac per hoc  
bene mori, ut diligenter investiget, vel  
per se legendo & meditando, vel per  
homines verè doctos & pios, an divitię  
super-

supervacaneæ possunt absque peccato retineri, aut sint necessariò dandæ pauperibus: & rursum, quæ sint appellandæ divitiæ supervacaneæ, quæ necessariæ. Fieri enim potest, ut alicui mediocres opes supervacaneæ sint, alteri ingens copia divitiarum planè necessaria esse videatur. Et quoniam Opusculum hoc meum non requirit nec patitur Scholasticarum quæstionum prolixitatem, annotabo hic breviter loca Scripturarum sanctarum, & Doctorum, tum veterum tum recentiorum, & finem huic disputationi imponam.

Loca Scripturæ sunt, Matthæi sexto: *Non potestis Deo servire & mammonæ.* Lucæ tertio: *Qui habet duas tunicas, det non habenti; & qui habet escas, similiter faciat.* Lucæ duodecimo dicitur diviti habenti multa bona, ut vix sciret ubi ea reponeret: *Stulte, hac nocte animam tuam repetunt a te.* Quæ verba sic exponit sanctus Augustinus in libro 50 Homiliarum, Homilia septima, ut ille dives perierit in æternum, quia supervacaneas opes retinuerit.

Loca sanctorum Patrum præcipua hæc sunt. Sanctus Basilius in Oratione ad divites, *At tu, inquit, nonne soluator es, qui quæ dispensanda accepisti, propria reputas?* & paulò pòit, *Quæritur, inquit, tot pauperibus injuriam facis, quos dare*

## 74 DE ARTE BENE MOR.

dare valeret. Sanctus Ambrosius Ser-  
mone 81. *Quid*, inquit, *injustum est, si*  
*cum aliena non invadem, propria diligenter*  
*servem?* *O impudens dictum! proprii dux?*  
*quis?* *& initia: Non manus est criminis,*  
*quam habenti tollere, cum possis & abundes,*  
*indigentibus denegare.* Sanctus Hieronymus in Epistola ad Hedibiam  
quæst. prima, *Siphus*, inquit, *habes,*  
*quam tibi ad victum & vestitum necessa-*  
*rium est; illud ergo, & in illo debitori-*  
*cem esse te noveris.* Sanctus Ioannes  
Chrysostomus Homilia 34. ad popu-  
lum Antiochenum. Numquid, inquit,  
*tua possides? res pauperum tibi sunt cre-*  
*ditæ, sive ex laboribus justis. sive ex here-*  
*ditate paterna possideas.* Sanctus Angu-  
stinus Tractatu in Psalmum 147. Super-  
flua, inquit, diviti, *necessarii sunt pau-*  
*peri: res aliena possidentur, cum superflua*  
*possidentur.* Sanctus Ileo in Sermone  
quinto de Collectis, sic ait: *Terrena &*  
*corporea facultates ex Dei largitate prove-*  
*niant, ut merito rationem eo um quesitu-*  
*rus sit, qua non magis possidentia quam*  
*dispensanda commisit.* Sanctus Grego-  
rius in tertia Parte Pastoralis curæ, ad-  
monitione vigesima secunda, *Admonen-*  
*di sunt, inquit, qui nec aliena appetunt,*  
*nec sua larvantur, ut sciant sollicitè, quod*  
*ea, de qua sumus, cunctis hominibus terra*  
*communis est, & ideo quoque*  
*omnibus communiter profert; & incassum*  
se



*Si innocentes putant, qui commune Dei  
nomen sibi proprium veniant. Sanctus  
Bernardus in Epistola ad Henricum  
Archiepiscopum Senonensem sic ait:  
Nostrum est, pauperes alimant, quod  
effunditis: nobis crudeliter subtrahitur  
quod vos inaniter expenditis. Sanctus  
Thomas in secunda secundæ quæ-  
stione sexagesimasexta, articulo sep-  
timo, Res, inquit, quas aliqui su-  
perabundanter habent: ex naturali iure  
debentur pauperum sustentationi. & quæ-  
stione 87. art. 1. Dominus, inquit,  
non solum decimam partem, sed omnia  
superflua pauperibus jubet exhiberi. De-  
nique idem Auctor scribens in quar-  
tum librum Sententiarum ad quin-  
tamdecimam distinctionem, testatur  
hanc ipsam esse doctrinam conmu-  
nem omnium Theologorum. Addo  
hoc loco, quod si quis fore contendere velit,  
ex rigore Iuris non esse  
supervacanea danda pauperibus; ta-  
men negare non poterit, saltem ex  
charitate id esse faciendum. Parum  
autem refert utrum quis ex defectu  
iustitiæ, aut defectu charitatis in ge-  
hennam descendat.*

## CAP. X.

*De decimo præcepto Artis bene moriendi,  
quod est de Sacramento Baptismi.*

**E**Xplicatis virtutibus præcipuis quæ docent artem bene vivendi, addemus nunc pauca ex doctrina Sacramentorum, quæ non minùs adjuvant ad eandem artem bene vivendi feliciter adliscendam. Sacramenta à Christo Domino instituta, septem numerantur, Baptismus, Confirmatio, Eucharistia, Pœnitentia, Ordo, Matrimonium, Extrema unctio. Quæ sunt veluti instrumenta divina, quibus utitur Deus per ministerium servorum suorum ad gratiam divinam conferendam, vel augendam, vel restituendam; ut homines liberati à servitute diaboli, & translati ad honorem filiorum Dei, ad beatitudinem sempiternam cum Angelis sanctis aliquando perveniant. Ex his igitur sanctissimis Sacramētis propositum nobis est breviter demonstrare, quis in arte bene vivendi proficiat, quis deficiat; ut inde possit intelligi, quis ad felicem mortem aspirare possit; quis econtrariò mortem infelicem expectare debeat, nisi vitam moreſque commutet.

Ordiamur à primo Sacramento. Bapti-

ptismus primum est in Sacramentis, & jure dicitur janua Sacramentorum, quoniam nisi Baptismus præcedat, non est ullus homo idoneus ad Sacramenta cetera suscipienda. In Sacramento Baptismi hi ritus servantur. Primum omnium debet, qui baptizandus est, per se vel per alium confiteri Fidem Catholicam. Deinde, abrenuntiare debet diabolo, & pompis ejus, & operibus ejus. Tertio, baptizandus est in Christo, in quo Baptismo transfertur à servitute diaboli ad gratiam filiorum Dei; & peccatis omnibus deletis accipit dona cælestis gratiæ, per quæ filius Dei adoptivus, & heres Dei, & coheres Christi constituitur. Quarto, datur ei stola candida, & jubetur eam puram & nitidam conservare usque ad mortem. Quinto, datur quoq; candela accensa, quæ significat opera bona, quæ debet adjungere dum vivit ad innocentiam vitæ, quam significat stola candida paulò antè suscepta. Sic enim loquitur Dominus in Evangelio: *Sic luceat lux vestra coram hominibus, ut videant opera vestra bona, & glorificent patrem vestrum qui in caly est.*

Hi sunt præcipui ritus, quibus utitur Ecclesia in conferendo Baptismo. Omitto enim ceteros, qui ad rem nostram non pertinent. Ex his poterit unusquisque intelligere, an benè vixerit à susce-

78 DE ARTE BENE MOR.

suscepto Baptismo usque ad annum quem nunc agit. Ego vero vehementer suspicor, paucos esse inveniendos qui omnia impleverint, quæ vel se facturos promiserint, vel certè implere debuerint: *Multi enim sunt vocati, pauci vero electi; & angusta est via que ducit ad vitam, & pauci inveniunt eam.*

*Matth. 20.*  
*Matth. 7.*

Incipiamus à Symbolo Fidei; quod sunt homines rustici, vel mendici, vel opifices artium infimarum, qui Symbolum Fidei vel non tenent memoria, vel nunquam didicerunt, vel sciunt quidem verba sonare, sed sententiam non percipiunt? Et tamen in Baptismo, per patrinos, ad singulos articulos credere se responderunt. At si Christus per fidem habitare debet in cordibus nostris, ut Apostolus Paulus docet; quo modo habitabit in cordibus eorum, qui vix per linguam sonare possunt verba Symboli, & in corde nihil prorsus habent? & si Deus fide purificat corda nostra, ut Apostolus Petrus loquitur; quàm sordidum erit cor illorum, qui fidem Christi corde non perceperunt, quamvis Baptismum in carne perceperint? Loquor autem de adultis, non de infantibus. Infantes enim per habitum gratiæ, fidei, spæ & charitatis justificantur: sed cum adoleverint, Fidei Symbolum discere, & Fidem Christianam corde credere debent

*Ephes. 3.*

*Act. 15.*

*Rom. 20.*

deben  
tenen  
aperi  
mano  
Ven  
stiani  
num,  
bolo.  
respo  
ti sunt  
non a  
pauci  
boli n  
rur? E  
rideri  
cupit,  
diatur  
se ipse  
ter &  
jus de  
sunt p  
dictis  
vel co  
tur, ve  
tiam e  
In te  
nesci  
cum,  
totos  
nus i  
pro e  
benefi  
capiat

# LIBER PRIMVS. 79

debent ad iustitiam, & ore confiteri tenentur ad salutem; ut Apostolus apertissimè docet in Epistola ad Romanos.

Veniamus ad alterum ritum. Christiani omnes vel per se, vel per patrum, interrogati an abrenuntient diabolo, & pompis ejus, & operibus ejus; respondent, **Abrenuntio**. At quàm multi sunt qui verbo abrenuntiant, reipsa non abrenuntiant? quin potius, quàm pauci sunt, qui pompas & opera diaboli non toto corde diligant & sequantur? Et tamen Deus omnia videt, & irrideri non potest. Ergo qui benè vivere cupit, & benè mori desiderat, ingrediatur in cubiculum cordis sui, & non se ipse fallat, sed seriò & attentè cogitet & recogitet, an pompis mundi hujus delectetur, an operibus diaboli, quæ sunt peccata, in corde suo, & in factis dictisque suis locum dederit. Sic enim vel conscientia bona eum consolabitur, vel conscientia mala ad pœnitentiam eum adducet.

In tertio ritu manifestatur nobis beneficium Dei tam sublime, tam profundum, tam longè lateque patens, ut si totos dies & totas noctes consumeremus in ejus admiratione, & agendis pro eo gratiis Deo, nihil dignum tanto beneficio præstaremus, Deus bone! quis capiat, quis non obstupescat, quis non

G. totus

80 DE ARTE BENE MOR.

totus in pias lacrymas convertatur, si cogitet, hominem ad inferos jure damnatum, repente per Christi Baptismum transire de captivitate miserrima ad jus Regni felicissimi? Sed quantò est hoc beneficium majus, tantò est etiam plurimorum hominum ingratitude magis detestanda; cum pauci sint qui vix ad usum rationis pervenerunt, cum incipiunt Deo beneficium tam admirandum quasi renūtiare, & in servos se ipsos diabolo tradere. Quid enim est, in prima adolescentia concupiscentiam carnis, concupiscentiam oculorum & superbiam vitæ sectari, nisi cum diabolo amicitiam & fœdus contrahere, Christum Dominum re & factis abnegare? Rari sunt, qui auxilio Dei singulari præventi, gratiam Baptismi diligenter custodiunt, &, ut loquitur Ieremias, jugum Domini portare incipiunt ab adolescentia sua. Sed nisi vel gratiam Baptismi diligenter conservemus, vel per veram poenitentiam iterum diabolo renuntiemus, & ad Christi servitutem revertamur, & in ea ad mortem usque perseveremus; nec benè vivere, nec à mala morte liberari poterimus.

Quartus ritus in eo positus est, ut stolam candidam baptizatus accipiat, eamque ferre jubeatur quousque ad conspectum Domini veniat. Quo ritu significari diximus vitæ innocentiam, per

Baptismi

Thren.  
3.

Baptis  
genti  
morte  
sint in  
neris  
rat, q  
generi  
periu  
pecca  
David  
prom  
jor el  
dere,  
rona  
omnes  
deside  
rib is  
macal  
rum a  
Agni  
rimo  
rie. C  
tum i  
reipi  
gratia  
g. me  
& sup  
Pote  
tem ac  
re; id  
gnifica  
nocer  
sint au

## LIBER PRIMVS. 81

Baptismi gratiam comparatam, diligentissime conservandam esse usque ad mortem. Sed quis explicet, quantæ sint insidiæ diaboli, hostis perpetui generis humani, qui nihil magis procurat, quàm vestem illam maculis oris generis aspergere: Itaque paucissimi reperiuntur, qui si diutius vixerint, sordes peccatorum evadant. Certè sanctus <sup>Psalms.</sup> David beatos immaculatos in via esse <sup>118.</sup> pronuntiavit. Sed quò difficultas major est in via sordida sine maculis incedere, tantò gloriosior erit palma & corona innocentis vitæ. Debent igitur omnes, qui benè vivere & beatè mori desiderant, vestem innocentiae totis viribus candidam servare. Sed si fortè illi maculae aliquæ adhæserint, debent iterùm atque iterùm eam in Sanguine Agni dealbare; quod fit per veram contritionem, & per lacrymas poenitentiae. Certè sanctus David cum peccatum suum longo tempore deflevisset, respiravit in spem gratiae, & Domino gratias agens confidenter dixit: <sup>Pf. 50.</sup> *Asspice me lyllopo, & mundabor: lavabis me, & super nivem dealbabor.*

Postremus ritus est, cereum lucentem accipere, manibusque illum gestare; id quod, ut suprà diximus, nihil significat aliud nisi opera bona, quæ ad innocentiam vitæ adjungenda sunt. Quæ sint autem opera bona quæ facièda sunt

## 82 DE ARTE BENE MOR.

ab hominibus renatis per Baptismum in Christo, exemplo suo docet Aposto-  
 2. *Tim.* <sup>1</sup>us, cum dicit: *Bonum certamen certavi,*  
 4. *cursum consummavi, fidem servavi in re-*  
*liquo reposita est mihi corona justitiae, quam*  
*reddet mihi Dominus in illa die justus Ju-*  
*dex.* His paucis verbis brevissime nu-  
 merata sunt omnia bona opera, quae à  
 renatis per Baptismum in Christo fa-  
 cienda sunt. Oportet enim fortiter di-  
 micare adversus tentationes diaboli,  
 1. *Pet.* <sup>5</sup>qui tamquam leo rugiens circum, *quarens*  
 5. *quem devoret.* Oportet etiam cursum  
 bonorum operum consummare in ob-  
 servatione mandatorum Domini, jux-  
 2. *Pf.* <sup>112</sup>ta illud Psalmi; *Viam mandatorum tuo-*  
*rum cucurri, cum dilatasti cor meum.*  
 Oportet denique fidem Domino nostro  
 servare in multiplicandis talentis, vel  
 in colenda vinea, vel in villicatione  
 commissa, vel in praefectura familiae  
 nobis imposita, vel in aliis quibuscum-  
 que negotiis nobis à Domino commen-  
 datis. Voluit enim sapientissimus Do-  
 minus nos quidem, ut filios adoptivos,  
 ad hereditatem caelestem admittere; sed  
 ut id cum majore gloria sua & nostra  
 fieret, placuit divinae sapientiae suae, ut  
 bonis operibus ex gratia ipsius & libe-  
 ro arbitrio nostro factis, caelestem he-  
 reditatem, id est, sempiternam beati-  
 tudinem mereremur. Itaque opulentis-  
 sima & gloriosissima illa hereditas non  
 dabi-



dabitur dormientibus, vel otiantibus, vel ludentibus; sed vigilantibus, laborantibus, & ad finem usque vitæ in opere bono perseverantibus.

Discutiat ergo unusquisque opera sua, & vitam ac mores suos diligenter examinet, si vult benè vivere & feliciter mori: & si conscientia sua testimonium sibi reddit quoddam bonam certamen certaverit cum vitiis & concupiscentiis, & cum omnibus tentationibus serpentis antiqui; & quoddam cursum feliciter consummaverit in omnibus mandatis & justificationibus Domini sine querela; & quoddam fidem Domino servaverit in omnibus officiis vel præfectoris sibi commissis; securus exulteret, & cum Apostolo dicat: *Reposita est mihi corona justitiæ, quam reddet mihi Dominus in illa die justus iudex.* Quoddam si conscientia accuratè discussa testetur, in certamine cum hoste generis humani non leviter se vulneratam, & ignita jacula usque ad animam penetrasse, idque non semel, sed sæpius; & quoddam in cursu operum honorum sæpè defecerit, & non solum alacriter non cucurrerit, sed præ lassitudine in via sederit, vel jacuerit: & denique fidem Domino in negotiis sibi commissis non servaverit, sed partem lucris sibi abstulerit vel inanis gloria, vel acceptio personarum, vel aliquid hujusmodi; ad remedium poenitentiae,

## 84 DE ARTE BENE MOR.

tiae, atque ad ipsum Deum, ut medicum, sine interposita mora recurrat, & non differat hoc negotium negotiorum omnium maximum in aliud tempus; quia mortis neque diem scimus neque horam.

### CAP. XI.

*De praecepto undecimo Artis bene moriendi, quod est de Confirmatione.*

POst Sacramentum Baptismi sequitur Sacramentum Confirmationis, ex quo duci potest documentum ad bene vivendum non minus accommodatum, quam ex Baptismo: quamvis enim Baptismi Sacramentum sit magis necessarium quam Sacramentum Confirmationis; tamen Sacramentum Confirmationis nobilius est quam Sacramentum Baptismi. Id quod intelligi potest ex ministro, ex materia, & ex effectu. Minister ordinarius Baptismi est Presbyter, vel Diaconus; & in tempore necessitatis quilibet homo; minister Confirmationis ordinarius est Episcopus; & ex dispensatione Summi Pontificis solus Presbyter. Materia Baptismi est aqua naturalis; materia Confirmationis est oleum pretiosum mistum balsamo, & ab Episcopo consecratum. Effectus Baptismi est gratia & character, qualis requi-

LIBER PRIMVS. 85

requiritur ad procreandum infantem spiritualem, juxta illud S. Petri: *Sicut modo geniti infantes lac concupiscite. Effe-<sup>1. Pet.</sup> 2. Etus Confirmationis est gratia & character, qualis requiritur ad creandum militem Christianum ad pugnandum adversus hostes invisibiles, juxta illud sancti Pauli: *Non est nobis colluctatio ad-<sup>Eph. 6.</sup> versus carnem & sanguinem; sed adversus principes, & potestates, adversus mundi rectores tenebrarum harum, contra spiritalia nequitia in caelestibus.* Denique in Baptismo datur infantibus gustus salis; in Confirmatione infligitur alapa, ut discat miles Christianus pugnare non feriendo, sed patiando.*

Sed ut facilius intelligamus quod sit officium hominis Chrismate inuncti, hoc est, militis Christiani; videndum est quid acceperint Apostoli in sua confirmatione, quæ data est eis in die Pentecostes. Apostoli enim non fuerunt confirmati propriè per Sacramentum Chrismatis, sed acceperunt à Christo Principe Sacerdotum effectum Sacramenti sine Sacramento. Acceperunt autem tria dona, sapientiam, eloquentiam, & charitatem in altissimo gradu, & præterea donum miraculorum, utilissimum ad convertendos infideles ad fidem. Atque hæc dona significaverunt ignea linguæ, quæ in die Pentecostes apparuerunt, & tonitus vehemens qui

simul auditus est: siquidem lumen ignis  
 sapientiam, calor ejusdem ignis chari-  
 tatem, figura linguæ eloquentiam, &  
 sonitus vehemens donum miraculorum  
 significabant. Sacramentum nostræ Cō-  
 firmationis non adfert secum donum  
 variarum linguarum, neque donum mi-  
 raculorum; quoniam hæc necessaria e-  
 rant non pro ipsorum Apostolorum u-  
 tilitate & perfectione, sed pro conver-  
 sione infidelium: sed adfert donum sa-  
 pientiae spiritualis, & donum charita-  
 2. Cor. tis, quæ *benigna & patiens est*; & in si-  
 13. gnum hujus patientiæ, quæ est virtus  
 rarissima & pretiosissima, alapam dat  
 Episcopus publicè homini confirmato;  
 nimirum, ut intelligat se militem Chri-  
 sti esse creatum, non ad percutiendum,  
 sed ad patiendum; non ad injurias in-  
 ferendas, sed ad tolerandas. Sic enim  
 pugnatur in Christiana militia non ad-  
 versus homines quos videmus, sed ad-  
 versus demones quos non videmus. Sic  
 enim pugnavit & vicit Imperator no-  
 ster Christus, qui cruci affixus debella-  
 vit aëreas potestates; & sic pugnabant  
 Apostoli recens confirmati, qui flagellis  
 graviter cæsi in concilio Indæorum,  
 28. s. ibant gaudentes à conspectu concilii, quoniam  
 digni habuerant pro nomine Iesu contume-  
 liam pati. Hæc videlicet est gratia Sa-  
 cramenti Confirmationis, id efficere, ut  
 homo casus injustè, non cogitet de

## LIBER PRIMVS. 87

vindicta, sed gaudeat se propter justitiam injuriam pati.

Ingrediatur nunc homo confirmatus in cōsuetudinem, & diligenter attendat an dona Spiritus sancti, ac præcipuè sapientiam & fortitudinem, in corde suo inveniat. Attendat, inquam, an acceperit sapientiam Sanctorum, quæ magni facit bona aterna, & contemnit temporalia; & fortitudinem militum Christi, qui injurias accipiunt libentiùs quàm faciunt. Ac ne fortè decipiatur, descendat ad praxim, examinet conscientiam suam. Nam si verè inveniat se promptum ad elemosynas faciendas, non ad opes cumulandas: & si passus injuriam de ultione non cogitavit, sed facillimè & libentissimè injuriam cōdonavit; jure poterit in spiritu exultare, ut qui pignus in corde suo habeat spiritus adoptionis filiorum Dei. Sed si post acceptum Confirmationis Sacramentum, non minùs cupidum, non minùs avarum, non minùs iracundum, non minùs impatientem esse se videat; & re ipsa difficulter patiatursibi nummam aureum vel argenteum exire de marsupio ad pauperem reficiendum; & contrà, si prònum se cernat esse ad omnes captandas lucri occasiones: & rursus, si facilem se cognoscat ad iram, prònum ad ultionem, & etiam ab amicis rogatus ut offensionem remittat, exo-

G f      rari

## 89 DE ARTE BENE MOR.

rari se non patiat: quid hinc colligere poterit nisi se Sacramentum accepisse, gratiam Sacramenti non accepisse?

Hæc dixerim pro iis qui majores natu sunt, cum ad hoc Sacramentum suscipiendum accedunt: nam qui in prima ætate vix doli capaces ad Confirmationem accedunt, iis dona & virtutes infundi credendum est, cum nihil sit quod impediatur. Sed timendum est illis, ne supervenientibus criminibus, & pœnitentia in longum tempus dilata, spiritum in Confirmatione susceptum extinguant, id est, Spiritus sancti gratiam amittant. Sic enim intelligitur

1. Thess. 5. quod monet Apostolus, *Spiritum nolite extinguere*. Ille enim, quod ad se attinet, spiritum sanctum extinguit, qui gratiam Dei in se extinguit.

Qui ergo cupit semper benè vivere, ut ei contingat semel benè mori; Sacramentorum gratiam magnificat, quæ sunt vasa celestium thesaurorum; ac præsertim Sacramenta illa magnificat, quæ semel amissa inveniri nullo modo queunt, quale est Sacramentum Confirmationis, in quo thesaurus incomparabilis bonorum accipitur. Quamvis enim character Sacramentorum deleri non possit; tamen character sine gratiæ donis, non solatium aliquod adferet, sed pœnam confusio- nis augebit.

CAP.

## CAP. XII.

*De duodecimo precepto Artis benè moriendi, quod est de Eucharistia.*

SACROSANCTA Eucharistia Sacramentum est omnium maximum, in quo non sola gratia copiosissimè, sed ipse auctor gratiæ continetur. Vt autem homo Christianus, quòd attinet ad hoc Sacramentum, benè vivat, & suo tempore benè moriatur; duo necessaria sunt. Vnum, ut aliquando hoc sacrosanctum alimentum sumat, dicente Domino: *Nisi manducaveritis carnem Filii hominis, non habebitis vitam in vobis.* Ioan. 6. Alterum, ut dignè cibum tam eximium manducet, dicente Apostolo in Epistola ad Corinthios: *Qui manducat & bibit indignè, iudicium sibi manducat & bibit, non dijudicans corpus Domini.* 1. Cor. 11. Est autem quæstio, quàm frequenter expediat hunc cibum sumere: & rursus, quæ am sit habenda sufficiens præparatio, ut dignè, aut certè non indignè ad hoc cæleste convivium accedamus.

De priore quæstione habemus, plures ac diversas fuisse in Ecclesia Catholica consuetudines. In Ecclesia primorum temporum frequentissimè fideles communicabant Corpori Dominico. Nam ided S. Cyprianus in Sermone

de

90 DE ARTE BENEMOR.

de Oratione Dominica, qui est sextus in ordine, explicat de sacra Eucharistia verba illa, *Panem nostrum quotidianum da nobis hodie*; ac docet, quotidie sumendam esse Eucharistiam, nisi quis legitimo impedimento prohibeatur. Postea tamen charitate refrigescente, ad annos integros non pauci sacram Communionem differebant. Hinc Innocentius Pontifex Tertius decretum illud edidit, ut saltem annis singulis in Fetiis Paschalibus omnes tam mares quàm feminæ sacram Eucharistiam percipere tenerentur. Videtur autem communior Doctorum sententia, valdè pium & laudabile esse, ut qui Sacerdotes nō sunt, singulis Dominicis diebus, & Festis adhuc celebrioribus ad sacrosanctam Eucharistiam accedere non graventur. Celebris est apud Scriptores sententia illa, quasi à sancto Augustino prolata: *Quotidie Eucharistiam accipere nec laudo nec reprehendo. omnibus tamen diebus Dominicus communicandum suadeo, & hortor.* Quamvis autem liber de Ecclesiasticis dogmatibus, unde hæc sententia petita est, non videatur esse sancti Augustini, tamen vetusti Auctoris est, neque contraria doctrinæ sancti Augustini, qui in Epistola ad Iannarium apertissimè docet, neque illos errare qui quotidie ardentur esse communicandū; neque illos qui non quotidie, sed rariùs

Cap.  
Om-  
nis, de  
penit.  
& re-  
miss.

Epist.  
118.

COM-



# LIBER PRIMVS. 91

communicandum esse censent. Certè qui hoc docet, nullo modo reprehenderet eos qui mediam sententiam eligerent, ut saltem singulis diebus Dominicis ad hoc Sacramentum accederent. Eandem sententiam placuisse sancto Hieronymo, intelligi potest ex Commentario ejus in Epistolam ad Galatas; ubi exponens caput quartum, ita loquitur: *Sicut nobis licet vel jejunare semper, vel semper orare, & de m Dominicam accepto corpore Domini indefinenter celebrare gaudentes; non ita fas est Judæis immolare agnum, &c.* Eadem sententia placuit sancto Thomæ in tertia parte Summæ Theologicæ, quæstione 80. art. 10. extremo.

Quod attinet ad alterum caput de præparatione ad tam magnum Sacramentum percipiendum, ut in salutem, non judicium & condemnationem suscipiatur; primum omnium requiritur, ut anima sit vivens vita gratiæ, non mortua morte peccati lethalis. Nam ea de causa dicitur cibus, & in specie panis datur; quia cibus non est mortuorum, sed viventium. *Qui manducat Ioan. 6 hunc panem, Dominus ait apud Ioan- nem, vivet in æternum. & in eodem loco, Caro mea verè est cibus.* Addidit au- <sup>Syn.</sup> <sup>Trid.</sup> tem Synodus Tridentina, non satis esse ad condignam præparationem ad <sup>sess. 13</sup> <sup>cap. 11</sup> hunc caelestem cibum ritè percipiendum, ut qui

## DE ARTE BENE MOR.

ut qui lethali peccato est inquinatus, sola contritione contentus sit; sed etiam per Sacramentum poenitentiae peccata sua expiare satagat, modò Confessarii copiam habere queat. Deinde, quia hoc Sacramentum non solum est panis, sed etiam medicina, & medicina optima & saluberrima adversus omnes morbos vitiorum; idè requiritur secundo loco, ut homo ægrotus desideret bonam valetudinem, & curari cupiat ab omnibus morbis vitiorum ac præcipuè à principalibus, quæ sunt, luxuria, avaritia, superbia. Quòd autem Eucharistia sit medicina, docet sanctus Ambrosius libro quinto de Sacramentis, capite quarto. *Qui vultus, inquit, habet, medicinam requirit: vultus est, qui sub peccato sumus: medicina est, celeste ac venerabile Sacramentum.* & sanctus Bonaventura in libro secundo de Profectu Religiosorum, capite 78. *Qui se, inquit, indignum reputat, cogitet quod tanto magis eget & necesse habet requirere Medicum, quanto magis senserit se ægrotum.* & sanctus Bernardus in Sermone de Cœna Domini, admonet fratres suos, ut sanctissimo Sacramento tribuant, cum experiuntur in se minui malas propensiones, & alias animi ægritudines.

Postremò, sacrosanctum Sacramentum non solum est cibus viatorum & medici-

medicina agrotorum, sed etiā Medicus doctissimus & amantissimus; & ideo recipiendus cum ingenti exultatione & reverentia; & ornanda est domus animæ omni genere virtutum, ac præcipuè fidei, spei, charitatis, devotionis, pietatis, & fructibus bonorum operū, orationis, jejunii, & eleemosynæ. Hæc enim ornamenta requirit dulcis hospes animæ nostræ, qui bonorum nostrorum non indiget. Adde, quod iste Medicus qui nos visitat, est etiam Rex & Deus, cujus infinita est puritas, & purissimum requirit habitaculum. Audi sanctum Ioan. Chrysostomum in Sermone sexagesimo ad populum Antiochenum. *Quo, inquit, non oportet esse puriorem tali fruente sacrificio? quo solari radio non splendidiorem manum, carnem hanc dividentem? os quod igne spiritali repletur?*

Ingrediatur nunc, quicumque benè vivere & benè mori desiderat, in cubiculum animæ suæ; & clauso ostio solus cum solo corde suo, coram Deo qui scrutatur renes & corda, attentè consideret, quàm læpè & cum qua præparatione communicet Sacramento Dominici corporis. Et si quidem inueniat, se per Dei gratiam frequenter & salubriter communicare, & inde benè nutrirī, & à morbis vitiorum paulatim curari, sequē in virtutibus & operibus

## 94 DE ARTE BENEMOR.

ribus bonis quotidie magis ac magis proficere exultet cum tremore, & pergat servire Domino in timore, non tam fervili quàm casto & filiali. Quòd si unus sit ex illis, qui contenti annua Cōmunionē, de saluberrimo Sacramento non ampliùs cogitant; & oblitī manducare panem vivificum, quantò magis corpore pinguescunt & dilantur, tantò magis animæ eorum debilitantur & arescunt: intelligat se multum desipere, & longè abesse à Regno Dei. Annua enim Communio decreta est à sacro universali Concilio, non ut non fiat nisi semel per annum, sed ut fiat saltem semel per annum, nisi velint ab Ecclesia exturbari & tradi satanæ. Itaque isti ut plurimum non amore filiali, sed timore fervili Dominum suum in Sacramento recipiunt, & paulò pòst redeunt ad filiquas porcorum, ad mundi delicias, ad lucra temporalia, ad ambiendos fugaces honores; ut in morte audiant cum divite Epulone,

*Lut. 16* Memento fili, quia recepisti bona in vita tua. Quòd si quis inveniat, qui Sacramenti sacrosancti frequentet mysteria vel omnibus diebus Dominicis, vel etiam quotidie, si fortè Sacerdotio fungatur; & tamen neque à peccatis lethalibus sibi caveat, neque in bonis operibus seriò se exercent, neque de mundo verè exierit, sed ut alii qui de mun-

mundo sunt, lucris pecuniarum inhiet, carnis illecebris delectetur, ad gradus honorum & dignitatum suspiret; iste certè carnem Dominicam ad iudicium sibi manducat; & quò sapius mysteria sacrosancta indignus attrectat, eò magis Iudam proditorem imitatur, de quo Dominus ait: *Melius erat, nisi natus non fuisset homo ille.* Sed nemini desperandum est de salute, dum vivit. Proinde, qui in cubiculo cordis recogitat annos suos & opera sua, & se extra viam salutis hucusque cucurrisse cognoscit; sciat adhuc resipiscendi tempus adesse, modò seridè velit poenitentiam agere, & ad viam veritatis reverti.

Adjungere libet ad finem hujus capituli, quid sanctus Bonaventura scribat in Vita sancti Patris Francisci, de admirabili pietate & amore hujus sanctissimi viri erga sacrosanctam Eucharistiam, ut ex ejus ardore nostra tepiditas vel frigiditas incaleseat. *Florabat*, inquit, *erga Sacramentum Domini corporis servore omnium medullarum; stupore admirans, permaximo illam charissimam dignationem, & dignatissimam charitatem. Saepe communicabat, & tam devote, ut alios devotos efficeret, cum ad Agni immaculati degustationem suam, quasi spiritu ebrius, in mentis ut plurimum rapiebatur excessum. hæc ille.* A quo longissimè absunt non solum laici multi communicantes, sed etiam

Sacerdotes plurimi celebrantes, qui incredibili festinatione rem tam sacram peragunt, ut neque ipsi scire videantur quid agant, neque alios rem tantam paulo attentius considerare permittant.

## CAP. XIII.

*De praecepto tertio decimo Artis bene moriendi, quod est de Pœnitentia.*

**S**equitur Sacramentum Pœnitentiæ, quod in tribus præcipuè virtutibus positum est, quod attinet ad eum qui recipit Sacramentum Pœnitentiæ; contritione cordis, confessione oris, & satisfactione operis. Nam qui hæc tria ritè præstant, sine dubitatione ulla peccatorum suorum veniam assequuntur. Sed videndum est, & attentissimè considerandum, an sit vera contritio, an integra confessio, an plena satisfactio.

Incipiamus à Contritione. Ioël Propheta clamat : *Scindite corda vestra & non vestimenta vestra* : Hebraei cum signum doloris ostendere vellent, scindebant vestimenta sua. Monet autem Propheta sanctus, ut si velimus dolorem verum & intimum de peccato commissio & coram Deo demonstrare, scindamus corda nostra. Et Propheta David addit, ut non solum scindamus, sed etiam conteramus, & quasi in pulverem redi-

redigamus. *Cor contritum*, inquit, & *hu-* Ps. 50.  
*milium Deus non despons.* Quæ simili-  
 tudines apertè designant, ad placan-  
 dum per pœnitentiam Deum, non satis  
 esse, verbo dicere, Pœnitet me peccas-  
 se; sed opus esse dolore cordis intimo  
 & gravi, qui sine singultibus & lacry-  
 mis ac suspiriis inveniri vix potest. San-  
 cti quoque Patres mirum est quàm se-  
 verè de vera contritione loquantur.  
 Sanctus Cyprianus in Sermone de  
 Lapsis, *Quam magna*, inquit, *deliquimus,*  
*ram granditer descamus*: alto vulnere dili-  
 gens & longa medicina non desit: pœni-  
 tentia crimine minor non sit. Orare im-  
 pensus oportet & rogare, diem luctu trans-  
 igere, vigiliis noctes ac fletibus ducere,  
 tempus omne lacrymis & lamentationibus  
 occupare, stratos solo adherere cineri, in ci-  
 licio volutari & sordibus. Clemens Ale-  
 xandrinus apud Eusebium in Histo- Lib. 3.  
 ria, pœnitentiam appellat *baptismum la-* c. 17.  
*crymarum.* Sanctus Gregorius Nazian-  
 zenus in Oratione secunda de Baptis-  
 mo, *Recipio*, inquit, *pœnitentes*, si lacry-  
 mis rigatos vulgo. Theodoretus in Epi-  
 tome Divinorum decretorum, capite  
 De Pœnitentia, scribit, *vulnera quæ*  
*post Baptismum accipiuntur*, curabilia  
 quidem esse; sed non ut olim facili ne-  
 gotio per lavacrum regenerationis,  
 sed per multas lacrymas & opera la-  
 boriosa.

Hæc & similia omnes Patres sancti scripta reliquerunt de veritate contritionis. Hoc tempore accedunt plerique ad confessionem, qui contritionem aut modicam aut nullam ostendunt. Sed qui volunt verè cum Deo reconciliari, & rectè vivere, ut postea securi moriantur, debent intrare in cor suum, & clauso ostio negotiis aliis, hæc aut similia attentissime apud se volvere: Hei mihi! quid mihi egi, cum tale & tale flagitium perpetravi? Primum, Patrem illum dulcissimum, auctorem omnis boni, & mei amantissimum offendi, qui me undique beneficiis suis vallavit, cuius tot signa charitatis video, quot bona in me vel in aliis video. Sed quid de Christo meo dicam, qui dilexit me inimicum & indignum, & tradidit semetipsum pro me *oblationem & hostiam Deo in odorem suavitatis?* & ego ingratus & auster ab offensione ejus non cesso. Quæ tanta est mea crudelitas? Dominus meus virgis fuit cæsus, spinis coronatus, clavis in cruce suffixus, ut veteribus meis peccatis & sceleribus medicinam faceret; & ego non cesso nova semper addere: ille nudus in cruce salutem meam sitire se clamat, & ego semper pergo acetum ei & fel amarissimum propinare. Quis mihi præterea explicabit, de quanta gloria exciderim, cum peccatum hoc aut illud lethale commisi?

Heres

Heres  
felicis  
certè  
maximè  
mam v  
in hom  
blasphem  
boni. E  
fortem  
hostis  
frange  
ris me  
minat  
melio  
Hec m  
hæc no  
habitare  
nia cor  
gratitud  
in patre  
& opti  
benefic  
lum pe  
Hæc  
meris n  
cumque  
legere;  
donum  
traturus  
David  
adulteri  
tritione  
saum ti



Heres eram Regni cælestis, vitæ æternæ felicissimæ : ab hac tanta felicitate, & certè tam præclara & omnibus modis maxima excidi miser, per illam brevissimam voluptatem, & per illa verba, vel in homines contumeliosa, vel in Deum blasphemata, quæ nihil mihi attulerunt boni. Et ab illa tanta felicitate ad quam sortem deveni ad captivitatem diaboli, hostis mei crudelissimi : & quàm citò frangetur maceries ista putrida corporis mei, quæ momentis singulis ruinam minatur ; tam citò & ego sine ullo remedio in ignem æternum descendam. Heu me miserum ! fortasse cras, fortasse hac nocte in illis sempiternis ardoribus habitare incipiam. Sed super hæc omnia cor meum torquet & lancinat ingratitude mea, filii & servi deterrimi, in patrem & Dominum amantissimum & optimum : nam quò magis ille me beneficiis cumulavit, hoc ego magis illum peccatis meis offendi.

Hæc & similia si attentè cogitare volueris in cubiculo cordis clausus, quicumque es qui hunc Libellum dignaris legere ; spero omnino te contritionis donum à bono Domino nostro impetraturum. Intravit aliquando pœnitens David in solitudinem cordis sui post adulterium perpetratum ; & mox contritione adepta cœpit lacrymis stratum suum rigare. Intravit pœnitens Petrus

100 DE ARTE BENE MOR.

in cor suum nost Christi negationem,  
*Matth. 26.* & continuò *fi vit amare.* Intravit po-  
*Luc. 7.* nitens illa peccatrix in cor suum, &  
 statim *lacrims capiti rigare pedes* *Et sv,*  
*capillis suis tergere.* Hi sunt ergo fructus  
 sanctæ contritionis, qui non nascuntur  
 nisi in solitudine cordis.

Iam de Confessione pauca dicamus.  
 Video multos homines sine ullo fru-  
 ctu, aut certè valdè modico, ad hoc sa-  
 luberrimum Sacramentum accedere;  
 nec aliam ob causam, nisi quia in cor  
 suum non ingrediuntur, cum se ad con-  
 fessionem faciendam parant. Aliqui  
 sunt qui ita negligenter ad hoc opus  
 accedunt, ut solum generatim & con-  
 fusò quodam modo dicere possint, se  
 omnia præcepta violasse, vel omnia  
 peccata mortalia perpetrasse: quibus  
 non alia quàm generalis & confusa ab-  
 solutio conveniret, imò verò neque tali  
 absolutione digni sunt: confitentur  
 enim quod fortasse non fecerunt; &  
 quod verè fecerunt, non confitentur.  
 Alii sunt, qui peccata quidem sua sigil-  
 latim referre & ordine didicerunt, ve-  
 rùm nullam rationem habent de quali-  
 tate personæ, de loco, de tempore, de  
 numero, de quæ aliis quæ circumstantiæ  
 dici solent: quæ insignis & periculosa  
 negligentia est. Aliud enim est percutere  
 Clericum, aliud percutere laicum;  
 cum priori percussioni excommunicatio  
 adjun-

adjunct  
 que est  
 monial  
 cum in  
 aliud se  
 tum in  
 pius re  
 est, sed  
 quod n  
 ta inter  
 adulter  
 non est  
 tur: in  
 cos, ne  
 merem  
 verbis  
 lerem  
 chatu  
 tur, ut  
 velit, &  
 nem fa  
 Arte r  
 aut ce  
 consil  
 t, &  
 ritè &  
 tiar, &  
 ria, ver  
 exami  
 marum  
 ab eo h  
 ratus p  
 Confes

adjuncta sit, non posteriori. Aliud quoque est cum virgine, aliud cum sanctimoniali, aliud cum conjugata, aliud cum meretrice flagitiū perpetrare: aliud semel, aliud decies in idem peccatum incidisse. Idem enim peccatum sæpius reperitum, non unum peccatum est, sed multiplex. Denique non desunt, quod magis est admirandum, qui peccata interna, ut desideria fornicationis, adulterii, homicidii, furti, arbitrentur non esse peccata, nisi opere compleantur: imò verò neque aspectus impudicos, neque verba lasciva in peccatis numerent. Et tamen Dominus ipse disertis verbis loquitur, cum ait. *Qui vidit mulierem ad concupiscendum eam, jam mo-<sup>Matth.</sup> chatus est eam in corde suo.* Oportet igitur, ut si quis conscientia suæ consulere velit, & utilem ac salutarem confessionem facere; primùm libellū aliquem de Arte rectè confitendi peccata inveniat, aut certè Confessariū pium & doctum consulat: deinde, in cor suum ingrediat, & non cursim & breviter, sed accuratè & seriò conscientiam suam discutiatur, & diligenter cogitationes, desideria, verba & facta, necnon omissiones examinet, & pio ac perito medico animarum conscientiam suam aperiat, atq; ab eo humiliter absolutionem petat, paratus pœnitentiam implere, quam ipse Confessarius injungendā esse censuerit.

Restat Satisfactio, cuius maiores nostri, viri sapientissimi, multò maiorem rationem habebant, quàm muli ex nobis habere videantur. Illi enim cùm ferriò considerarent, multò faciliùs hñc in terris quàm in locis purgatoriis Deo satisfieri posse, multas imponebant gravissimas atque longissimas. Et quidem quod ad tempus attinet, pœnitentias injungebant annorum septem, vel quindècim, vel triginta, interdum etiam totius vitæ. Quod verò attinet ad qualitatem, injungebant jejunia frequentissima, orationes adhuc frequentiores; præterea, ut non uterentur balneis, non equis, non curribus, non vestibus pretiosis; ut abstinerent à ludis, jocos, theatris; denique, omnis eorum vita in luctu & mœnore pœnitentibus congruente, ferè consumebarur. Adferam unum exemplum.

In Concilio Toletano decimo legimus, Episcopum Bracharensensem, Potamium nomine, qui semel ractu femineo forluerat (sic enim Concilium loquitur) ipsum se, nullo cogente, in ergastulo quodam inclusisse, & novem mensium pœnitentiam egisse; ac deinde propriis litteris hoc suum peccatum & pœnitentiam sponte susceptam Concilio Episcoporum significavisse: Concilium autem decrevisse, ut toto vitæ suæ tempore in agenda pœnitentia perseveraret;

ret; cum affirmaret nihilominus Concilium, humanius & misericordius cum illo actum esse, quam antiquorum regulæ & severitas paterentur. Hæc erat antiqua severitas. Nunc verò sic imbelles & delicati sumus, ut multa imposita jejunii in pane & aqua ad paucos dies, cum Septem Psalmis & Litanis totidem diebus recitandis, & elemosyna paucorum nummorum pauperibus eroganda, satis videatur severa esse, etiam si pro multis flagitiis & sceleribus eluendis imponatur. Sed quod hîc nobis ipsi indulgemus, in purgatoriis locis, justitia Dei sic exigente, graviter luemus; nisi tanta sit vis veræ contritionis ex ardenti charitate prodiens, ut à misericordia Dei remissionem totius culpæ & pœnæ valeat impetrare. Verè enim miro modo commovet viscera Patris nostri Dei cor verè contritum & humiliatum. non enim potest dulcedo & bonitas patris se continere, quin ad si ium prodigum, sed verè pœnitentem, *2nc. 18* accurrat, complectatur, osculetur, annulum pacis donet, & absterget lacrymas doloris, & lacrymis lætitiæ repleat omni favo mellis dulcioribus.

## CAP. XIV.

*De præcepto quartodecimo Artis bene moriendi, quod est de Sacramento Ordinis.*

**D**VO Sacramenta, quæ sequuntur breviter consideranda, non ad omnes Christianos pertinent; sed unum ad Clericos, Sacramentum videlicet Ordinis; alterum ad laicos, Sacramentum Matrimonii. Dicamus breviter de primo, non omnia quæ ad hoc Sacramentum pertinent, sed ea solum quæ necessaria sunt ad artem bene vivendi & feliciter moriendi.

Ordines numerantur septem, quatuor minores, & tres majores; quorum supremus, qui dicitur Sacerdotium, in duos dividitur: sunt enim Sacerdotes majores, qui dicuntur Episcopi; & minores, qui dicuntur Presbyteri. His omnibus Ordinibus præmittitur prima tonsura, quæ est quasi janua ad omnes Ordines, & ea Clericos propriè facit. Et quoniam ea quæ requiruntur à Clericis, quod attinet ad piè & religiosè vivendum, majori ratione requiruntur ab iis qui sunt constituti in Ordinibus minoribus vel majoribus, & potissimum à Presbyteris vel Episcopis; ideo contentus ero breviter ea considerare & explicare, quæ ad Clericos pertinent.

Duo

Duo sunt quæ de Clericis explicanda esse videntur; primum ipse ritus quo Clerici fiunt, deinde Officium quo in Ecclesia fungi debent. Ritus quo fiunt Clerici, ut ex libro Pontificali potest intelligi, hic est, ut primum tondeantur capilli capitis; quo ritu significatur depolitio cogitationum & cupiditatum supervacanearum, quales sunt cogitationes & cupiditates rerum temporalium, opum, honorum deliciarum, & aliarum id genus rerum: & simul jubentur, qui tondentur, dicere versiculum illum Psalmi quintidecimi, *Dominus pars hereditatis meæ, & calicis mei, tu es qui restitues hereditatem meam mihi.* Deinde jubet Episcopus adferri superpelli-  
 ceum candidum, eoquæ induit novum Clericum, dicens illud ex Apostolo ad Ephesios: *Induat te Dominus novum ho-* Eph. 4.  
*minem, qui secundum Deum creatus est in justitia & sanctitate veritatis.* Porro officium novo Clerico nullum propriè assignatur, sed ex consuetudine munus ipsius est ministrare Sacerdoti rem sacram facienti, quando privatim id agit.

Consideremus nunc, quanta perfectionis eminentia requiratur in Clerico; & si tanta in Clerico, quanta in Acolytho, in Subdiacono, in Diacono, in Presbytero, in Episcopo? Horret profectò mens mea id cogitare, cum vix inveniantur in multis Presbyteris, quæ jure

exiguntur in simplici Clerico. Iubetur Clericus abjicere supervacaneas cogitationes & cupiditates, quæ propriæ sunt hominum sæcularium, id est, hominum qui ad hoc sæculum pertinent, qui sunt de hoc mundo, qui quæ mundi sunt assidue cogitant & concupiscunt. Iubetur bonus Clericus non aliam partem vel hereditatem quærere nisi Deum, ut sit Deus solus pars & hereditas ejus; & ipse solius Dei pars & hereditas verè dicatur, & sit. O altitudo clericalis perfectionis! quæ toti mundo renuntiat ut solum Deum verè possideat, & ipse vicissim à solo Deo possideatur. Hoc significant illa verba Psalmi, *Dominus pars hereditatis meæ, & calicis mei. Pars hereditatis* dicitur illa portio, quæ ex divisione hereditatis in multos fratres, unicuique illorum contingit. Itaque non est sensus illorum verborum, quòd Clericus velit partem hereditatis suæ esse Deum, alteram partem esse opes terrenas; sed quòd ex corde cupiat, totam partem suam, id est, quidquid ad eum pertinere posset ex hoc mundo, id totum transferre per affectum bonum in Deum. Inter calicem autem & hereditatem hoc interesse videtur, quòd calix ad voluptatem & delicias, hereditas ad opes & honores pertineat. Itaque integer sensus erit, Domine Deus meus, ex hoc tempore quid-

• quid



quid in mundo sperare poteram vel divitiarum, vel deliciarum, vel aliorum temporalium bonorum, id totum in te solo habere desidero; tu unus pro rebus omnibus abundè sufficis. Et quoniam abundantia cælestium bonorum hîc in terris haberi non potest, ideò pergit orando, & dicit bonus Clericus: *Tu es qui restitues hereditatem meam mihi.* Quæ enim propter te contempsi & abjeci, vel pauperibus tuis donans, vel diripientibus propter te condonans; tu mihi fideliter conservas, & tempore suo restitues, non in specie corruptibili, sed in te ipso, qui es fons inexhaustus omnium bonorum.

Sed ne quis hanc nostram explicationem in controversiam revocare velit, addemus duos testes omni exceptione majores; sanctum videlicet Hieronymum, & sanctum Bernardum. Sanctus Hieronymus in Epistola ad Nepotianum, de Vita Clericorum, *Tgitur*, inquit, *Clericus, qui Christi servit Ecclesie, interpretetur primo vocabulum suum; & nominis definitione prolata, nitatur esse quod dicitur. Si enim* *κλήρ* Grace, Sors Latine appellatur; propterea vocantur Clerici, vel quia de sorte sunt Domini, vel quia ipse Dominus sors, id est pars Clericorum est. Qui autem vel ipse pars Domini est, vel Dominum partem habet; talem se exhibere debet, ut & ipse possideat Dominum; & possideatur a Domino.

*Qui*

**Ps. 15.** Qui Dominum possidet, & cum Propheta  
 dicit, Pars mea Dominus; nihil extra Domi-  
 num habere potest. Quod si quidpiam aliud  
 habuerit præter Dominum, pars ejus non  
 erit Dominus, verbi gratia, si aurum, si ar-  
 gentum, si possessiones, si variam supellecti-  
 lem; cum istis partibus Dominus pars ejus  
 fieri non dignabitur. hæc sanctus Hierony-  
 mus: cujus totam Epistolam si quis le-  
 gere voluerit, inveniet profectò, ma-  
 gnā omnino vitæ perfectionem in  
 Clericis requiri. Accedat nunc sanctus  
 Bernardus, qui non solum approbat sen-  
 tentiam sancti Hieronymi, sed aliquan-  
 do verbis ejus utitur, quamvis eum non  
 nominet. Sic igitur loquitur in illa lon-  
 gissima declamatione super verba san-  
 cti Petri, Ecce nos reliquimus omnia, quæ  
 habentur apud sanctum Matthæum, Cle-  
 ricus, inquit, qui habet partem in terra, non  
 habebit partem in celo. Clericus si quidpiam  
 habuerit præter Dominum, pars ejus non erit  
 Dominus. & paulò post, declarans quid  
 possit Clericus ex beneficiis Ecclesiasti-  
 cis sibi retinere, ait: Res pauperum non  
 pauperibus dare, par sacrilegii crimen esse di-  
 gnetur: sane patrimonio pauperum, facul-  
 tationis Ecclesiæ sacilege crudelitate  
 subigitur, quidquid ministri & dispensato-  
 res, non utrum dominus & possessor, ultra  
 virtutis accipiunt & virtutum. hæc san-  
 ctus Bernardus, qui cum sancto Hiero-  
 nymo non falsa loquitur, sed perfecta.

Sequi-

Matth.  
19.

Sequitur ritus induendi superpelli-  
teum candidum, cum illis verbis Apo-  
stoli, *Induite novum hominem, qui secun-* **Eph. 4.**  
*dum Deum creatus in justitia, & sanctita-*  
*te veritatis.* Neque enim satis est Cleri-  
cis, non abundare divitiis; sed necesse  
est etiam innocentem & sine macula vi-  
tam gerere; quippe qui altaris ministe-  
rio sunt dedicati, in quo Agnus sine ma-  
cula quotidie immolatur. Porro, induere  
novum hominem, nihil est aliud nisi  
exuere mores veteris Adami, qui corru-  
pit viam suam; & induere mores secun-  
di Adami, id est Christi, qui de Virgine  
novo modo natus novam vitam insti-  
tuit, in justitia & sanctitate veritatis; id  
est, non solum in justitia morali, sed et-  
iam in sanctitate verissima & superna-  
turali, qualem in se Christus exhibuit,  
qui, teste Apostolo Petro, *peccatum non* **Pet. 2.**  
*fecit, nec inventus est dolus in ore ejus.* Vi-  
nam multos ejusmodi Clericos habere-  
mus, qui quod veste candida præferunt,  
moribus & vita præstarent!

Denique munus Clericorum est, An-  
gelica puritate Sacrificio divino, in quo  
Agnus Dei quotidie immolatur, devo-  
tè, graviter, assidue, diligenter assistere.  
Scio multos in Ecclesia pios Clericos  
inveniri: sed non scio tantum, sed vidi  
sæpissimè petulantes, gyrovagis oculis  
sic altari Dominico ministrare, ac si res  
ageretur non solum non sacro horrore  
plena,

plena, sed vulgaris & levis. Et fortasse culpa tam gravis non in solo ministro, sed etiam in Sacerdote Sacrificium celebrante inhæret; quippe qui aliquando sic festinat, & sic indevote se gerit, ut videatur nescire quid agat. Audiant isti quid sanctus Ioannes Chrysostomus de tempore celebrationis Missæ loquatur. *Per id tempus*, inquit in libro sexto de Sacerdotio, & *Angeli Sacerdoti assident, & celestium Potestatum universus ordo clamores excitat, & locus altari vicinus illius honorem, qui immolatur, Angelorum choris plenus est.* Id quod credere abundè licet vel ex tanto illo Sacrificio quod tunc peragitur. Audiant quoque sanctum Gregorium. is in quarto libro Dialogorum, *Quis fidelium, inquit, habere dubium possit, in ipsa immolationis hora ad Sacerdotis vocem calos aperiri, Angelorum choris adesse, summis ima sociari, terrena celestibus jungi, unum quoque ex visibilibus & invisibilibus fieri:* hæc ille. Quæ si ferid cogitarent, tum Presbyter celebrans, tum Clericus ministrans; quo modo fieri posset, ut rem tantam agerent quo modo agunt? O quàm triste & deplorandum spectaculum esset, si oculos mentis apertos haberemus, videre Sacerdotem divina mysteria tractantem, Angelorum choris undique septum, qui ad ea quæ ipse operatur obstupescunt & tremunt, & præ admiratione cla-

## LIBER PRIMVS. C III

mores spirituales excitant; & tamen Sacerdos in medio positus, totus frigidus, & quasi stupidus non attendit quid agat, non intelligit quid loquatur; & ita properat ad finem, & signa involvit, & verba præcipitat, ut videatur nescire quid agat: & interim Clericus minister huc atque illuc circumspicit, aut cum aliquo garrit. Sic Deus irridetur, sic res sacratissimæ contemnantur, sic materia obloquendi hæreticis datur. Quæ cum ita sint, Clericos omnes maiores & minores moneo & hortor, ut mundo mortui, Deo soli vivant; rerum temporalium copiam non affectent; innocentiam magno zelo custodiant; & res divinas religiosè, ut par est, tractent, & ab aliis tractari procurent, sic magnam fiduciam sibi apud Deum acquirant, & Ecclesiam Christi bono jugiter odore replebunt.

### CAP. XV.

*De quinto cimo præcepto Artis bene moriendi, quod est de Matrimonio.*

Sequitur Sacramentum Matrimonii, quod duplicem habet institutionem; unam, ut est contractus civilis de jure naturæ; alteram, ut est Sacramentum de jure Evangelico. De utraque institutione breviter differemus, non absolute, sed in ordine ad benè vivendum,

## 112 DE ARTE BENÈ MOR.

ut feliciter postea moriamur. Prior institutio si etiam est à Deo in Paradiso terrestri: siquidem illa verba Dei, *Non est bonum hominem esse solum. faciamus ei adiutorium simile sibi*, non possunt rectè intelligi nisi de adiutorio ad propagandam & educandam sobolem. Nam, ut rectè docet sanctus Augustinus, nulla in re viri egent adiutorio feminarum, nisi in parienda & educanda prole: in aliis enim rebus melius viri à viris quam à mulieribus adjuvantur. Itaque paulò post conditam mulierem, Adam ex divina inspiratione dixit: *Relinquet homo patrem & matrem, & adhærebit uxori suæ.* quæ verba Salvator noster apud Matthæum Deo attribuit, dicens: *Non legistis, quia qui fecit hominem ab initio, mascululum & feminam fecit eos, & dixit: Propter hoc dimittet homo patrem & matrem, & adhærebit uxori suæ, & erunt duo in carne una? Quod ergo Deus conjunxit, homo non separet.* Attribuit igitur Dominus verba illa Deo, quoniam illa non ex se locutus est Adam, sed ex inspiratione Dei. Atque hæc fuit prima institutio Matrimonii.

Altera institutio, vel potius exaltatio Matrimonii ad eminentiam Sacramenti, habetur apud Apostolum in illis verbis Epistolæ ad Ephesios: *Propter hoc relinquet homo patrem & matrem suam, & adhærebit uxori suæ, & erunt duo in carne*

Gen. 2.

l. 9. de  
Genes.  
ad l. 2.

1. 7.

Matth.  
19.

1. 5.

carne  
eque  
autem  
nam, de  
de Bon  
natus  
quoniam  
mo qu  
per om  
causa  
quod  
facilit  
& op  
& in  
nuptia  
Sacram  
reus n  
p. tre  
pertine  
dam vi  
pelati  
mari p  
Tria  
eo ben  
ti Sac  
na edu  
juo b  
viam  
non qu  
Hinc g  
paris f  
che, ne  
cum ux

carne una. Sacramentum hoc magnum est, ego autem dico in Christo & in Ecclesia. Esse autem Matrimonium verum Sacramentum, docet Sanctus Augustinus in libro de Bono conjugali, In nostrarum, inquit, De bonis nuptiis, plus valet sanctitas Sacramenti, <sup>no cō- jug. c.</sup> quam fecunditas uteri. & capite vigesimo quarto, Bonum, inquit, nuptiarum per omnes gentes atque omnes homines in causa generandi est, & in fide castitatis: quod autem ad populum Dei pertinet, etiam in sanctitate Sacramenti. & in libro de Fide & operibus, Incircumcisi, inquit, Domini, De fide & in monte sancto ejus, hoc est, in Ecclesia, & operibus nuptiarum non solum vinulum, sed etiam <sup>ribus</sup> Sacramentum commendatur. Sed de his rebus non est hujus loci accuratius disputare. illud ad hunc locum propriè pertinet, ut explicemus quemadmodum viri & mulieres Matrimonio copulati, possint ita vivere, ut bene se mori posse confidant.

Tria sunt bona Matrimonii, si quis eo bene utatur; proles, fides, & gratia Sacramenti. Proles generatio & bona educatio querenda est, si quis conjugio bene uti velit: contra verò gravissimè peccat, qui prolem ex conjugio non querit, sed solā carnis voluptatem. Hinc gravissimè reprehenditur in Scripturis sanctis unus ex filiis Iudæ Patriarchæ, nomine Onan, quia in congressu cum uxore, semen fundebat in terram, <sup>Gen. 38.</sup>

ne filii nascerentur. Hoc enim non est  
uti Matrimonio, sed abuti. Quod si ali-  
quando pii conjuges graventur ex mul-  
titudine prolium, quas præ inopia non  
facile sustentare queant; remedium est  
honestum & Deo gratum, ex consensu  
mutuo separari à toro, & orationi ac je-  
juniis deinceps vacare. Nam si gratum  
est Deo, conjuges in virginitate conse-  
nescere, ad exemplum Virginis Deipa-  
ræ & sancti Ioseph; quorum vivendi  
genus imitati sunt Henricus Imperator  
& Chunecunda ejus conjux, Eduardus  
Rex & Egdida ejus uxor, Elzearius Co-  
mes & uxor ejus Dalphina, & alii non  
pauci: quare displicere posset Deo vel  
hominibus, ut conjuges suscepta prole  
cessent ex consensu mutuo à nuptiarum  
opere; ut quod illis superat vitæ, in je-  
juniis & oratione consumant.

Deinde quoque grave peccatum est,  
si quis in statu Matrimonii positus sus-  
ceptas proles negligat, & vel educatio-  
nem piam, vel necessaria ad vitam illis  
desse patiatur. Extant exempla de hac  
re multa in Historiis sacris & profanis:  
sed ego, quia brevitati studeo, ero con-  
tentus uno, quod habetur in primo li-  
bro Regum. Sic enim Deus ipse loqui-  
tur, *In die illa suscitabo adversum Heli  
omnia que locutus sum super domum ejus;  
incipiam, & complebo. Prædixi enim ei  
quod judicaturus essem domum ejus in ater-*  
num



num propter iniquitatem, eò quod noverat  
 indigne agere filios suos, & non corripuit eos.  
 Idcirco juravi domui Heli, quæ non expier-  
 tur iniquitas domus ejus victimis & mune-  
 ribus usque in æternum. Hæc Dominus  
 prædixit, & paulò post implevit: nam  
 filii Heli occisi sunt in bello, & ipse  
 Heli è sella cadens retrorsum cervicem  
 fregit, & miserè perit. Ergo si Heli, ali-  
 oqui vir justus, & judex populi sui, ex  
 peccatis filiorum, quos non educave-  
 rat ut par erat, & postea deteriores fa-  
 ctos non corripuerat, miserè cum filiis  
 periit, & principatum populi sui ami-  
 sit; quid de illis fiet, qui non solum fi-  
 lios non benè educare student, sed  
 exemplo malæ vitæ suæ illos ad pec-  
 candum invitant? certè nihil aliud ex-  
 pectare debent, nisi exitum horribilem  
 & sibi & filiis; nisi maturè respiscant,  
 & pœnitentiam condignam agant.

Alterum Matrimoni bonum est fi-  
 des, quæ in eo posita est, ut intelligant  
 conjuges, corpus suum non esse suum,  
 sed conjugis; & sicut non potest unus  
 alteri debitum negare, sic non potest  
 copiam sui corporis alteri quàm pro-  
 prio conjugi facere; cujus rei signum  
 est annulus. Hæc doctrina apud Apo-<sup>1. Cor. 7</sup>  
 stolium disertis verbis legitur. *Vxori, in-  
 quit, vir debitum reddat, similiter autem  
 & uxor viro. Mulier sui corporis potestatem  
 non habet, sed vir. Similiter autem & vir*

*sui corporis potestatem non habet, sed mulier. Nolite fraudare invicem, nisi forte ex consensu ad tempus, ut vacetis orationi. Hæc est Apostolica doctrina, quam diligenter conservare debent conjuges Christiani, si benè vivere & benè mori desiderant. Adulteros enim, si publici sint, facillè vel Iudices justè puniunt; vel cognati, affines, honoris gratia de medio tollunt: sed occultos, qui multò sunt plures, Index omnipotens & justissimus, quem secreta non latent, sine dubio ad æterna supplicia condemnabit.*

Tertium bonum, idque nobilissimum, est gratia Sacramenti, quam Deus ipse cordibus piorum conjugum infundit; si dum conjugium legitimè celebratur, ipsi conjuges benè dispositi & parati inveniantur. Ea verò gratia, præter alia bona quæ secum adfert, mirum in modum juvat ad conciliandam benevolentiam inter conjuges; quamvis ingenia, mores, morbi, variæ dispositiones corporis & animi facillè inimicitias ferere possint. Sed super omnia dulcissimum conjugium & beatissimum facit imitatio conjugii Christi cum Ecclesia, de quo sic Apostolus loquitur in Epistola ad Ephesios: *Viri diligite uxores vestras, sicut & Christus dilexit Ecclesiam, & seipsum tradidit pro ea, ut illam sanctificaret, mundans lavacro aquæ in verbo vitæ; ut exhiberet ipse sibi gloriosam Ecclesiam,*

non

non habentem maculam neque rugam. Qui beatus Apostolus admonet etiam feminas, dicens: Mulieres viris suis subdite sint, sicut Domino; quoniam vir caput est ecclesie, sicut Christus caput est ecclesie. Sed sicut ecclesia subiecta est Christo, ita & mulieres viris suis in omnibus. Denique concludit Apostolus: Unusquisque uxorem suam sicut seipsum diligit: uxor autem timeat virum suum. Hæc Apostolica doctrina si diligenter consideretur & observetur, beata faciet conjugia in terra & in cælo.

Explicemus breviter totam hanc sententiam Apostolicam Pauli. Principiò hortatur Apostolus viros ut diligant uxores, sicut & Christus dilexit ecclesiam. Christus certè ecclesiam dilexit amore amicitiae, non amore concupiscentiae; quæ sive bonum ecclesie, utilitatem ecclesie, salutem ecclesie; non utilitatem aut voluptatem aliquam suam. Proinde Christum non imitantur, qui uxorem diligunt propter formam eximiam, capri amore pulchritudinis ejus; vel propter dotem multorum millium nummorum aureorum, aut opulentissimam hereditatem: isti enim non diligunt sponsam, sed ipsi se diligunt, cupientes satiare concupiscentiam carnis suæ, vel concupiscentiam oculorum suorum, quæ avaritia dicitur. Sic Salomon initiò sapiens, ad ultimum

<sup>3 Reg. 31.</sup> insipiens, dilexit uxores & concubinas suas non amore amicitiae, sed amore concupiscentiae; cupiens non illis bene facere, sed carnalem concupiscentiam suam implere; qua concupiscentia excæcatus, non timuit sacrificare diis alienis, ne delicias suas vel minimum contristaret. Quodd autem Christus in conjugio cum Ecclesia non quaesierit seipsum, id est utilitatem vel voluptatem suam, sed bonum Ecclesiae sponsae, perspicuum est ex verbis sequentibus: *Et seipsum tradidit pro ea, ut illam sanctificaret, mundans lavacro aqua in verbo vitae.* Hæc nimirum est vera & perfecta charitas, tradere seipsum ad supplicia pro salute æterna Ecclesiae sponsae suae. Neque solum dilexit Christus Ecclesiam amore amicitiae, non concupiscentiae; sed amore perpetuo, non ad tempus. Nam quemadmodum naturam humanam, quam semel assumpsit, numquam dimisit: sic etiam Ecclesiam sponsam vinculo conjugii insolubilis sibi adiunxit. *In charitate perpetua dilexite*, ait per  
<sup>1er 31.</sup> Prophetam. Et hæc est causa, cur Matrimonium consummatum apud Christianos sit omnino insolubile; quia videlicet est Sacramentum significans matrimonium Christi cum Ecclesia, quod matrimonium est penitus insolubile, cum matrimonium Hebræorum & Paganorum in certis casibus solvi possit.

Additi

Addit postea idem Apostolus erudiens mulieres, ac docet ut subditæ sint viris suis, quemadmodum Ecclesia subdita est Christo. Hoc præceptum non observavit Iezabel, quæ viro suo dominari volebat, & se & illum cum omnibus filiis suis perdidit. Atque utinam non multæ essent apud nos, quæ viris suis dominari contendunt; sed culpa virorum fortasse est, qui primatum suum tenere non norunt. Sara certè uxor Abraham sic subdita erat viro, ut dominum suum eum nominaret. Ego, inquit, *jam senui, & dominus meus vetulus est.* Quam virtutem Saræ laudabat sanctus Petrus in priore Epistola dicens: *Sanctæ mulieres subjectæ erant viris suis, sicut Sara obediebat Abraha, dominum illum vocans.* Mirum autem esse videtur, quoddam Apostoli Petrus & Paulus ubique docent ut viri uxores suas ament, & uxores viros suos timeant; vel quod in idem recidit, viris suis subditæ sint: an non etiam debet uxor virum suum diligere? debet quidem virum diligere & diligi à viro; sed diligere debet cum timore & reverentia, sic ut amor timorem non impediat: alioqui mulier in tyrannum evadit. Certè Dalila virum suum Samsonem, alioqui fortissimum, non ut virum, sed ut servum illudebat. Et in tertio libro Esdræ narratur de Rege amore capto concubinæ suæ, qui pa-

tiebatur amicam suam a dextris sibi  
 affidere; illam verò coronam de capite  
 Regis sublatam capiti suo imponere, &  
 alapis Regem ipsum cedere. Itaque  
 mirum non est, si ipsi primæ mulieri  
 Sen. dictum sit à Domino: *Sub vi potesta-*  
*te eris, & ipsa dominabitur tui.* Quare non  
 parum sapientiæ requiritur in viro, ut  
 uxorem suam simul diligat & dirigat;  
 & contrà, simul eam admoneat & do-  
 ceat; & si opus sit, corrigat & enien-  
 det; ut tamen verè diligat ut partem  
 corporis sui, & efficiat ut illa vicissim  
 virum diligat, & sibi certò persuadeat,  
 se à viro pariter diligi, & ex charitate,  
 non ex odio admoneri. Exemplum ha-  
 bemus sanctæ Menicæ matris sancti Au-  
 gustini, quæ cum virum haberet sero-  
 cem & paganum, sic tamen eum pru-  
 denter & piè toleravit, ut ab eo lem-  
 per amaretur, & ad Christum tandem  
 ipse idem converteretur. Consultat Li-  
brum Confessionum sancti Augustini.

## CAP. XVI.

*De sextodecimo praecepto Artis bene mo-*  
*riendi, quod est de Sacramento Vnctio-*  
*nis extremae.*

**R**Estat ultimum Sacramentum, quod  
 dicitur Extrema unctio; ex quo col-  
 ligitur utilissimum documentum, non  
 pro

pro ultimo tempore tantum, sed pro  
 toto decursu vitæ. Siquidem in eo Sa-  
 cramento inunguntur illæ omnes cor-  
 poris partes, in quibus resident quinque  
 ejusdem corporis sensus, & ad singulas  
 dicitur: *Ignoscat tibi Deus quidquid deli-*  
*quisti per visum.* & sic de ceteris. Ex quo  
 intelligimus, quinque sensus esse por-  
 tas, per quas ingrediuntur in animam  
 omnium generum peccata. Proinde si  
 quis diligenter custodiat portas istas,  
 facile vitabit ingentem multitudinem  
 peccatorum, ac per hoc benè vivet, &  
 felicissimè morietur.

Differamus ergo breviter de custodia  
 harum quinque portarum. Quòd oculus  
 sit porta per quam intrant peccata quæ  
 ad luxuriam pertinent, docet magister  
 omnium Christus, cùm dicit: *Qui viderit* **Matt. 5**  
*mulierem ad concupiscendum eam, jam mæ-*  
*chatus est eam in corde suo. Quod si oculus*  
*tuus dexter scandalizet te, erue eum, &*  
*proijce abs te: expedit enim tibi, ut pereat*  
*unum membrorum tuorum, quam totum*  
*corpus tuum mittatur in gehennam.* Deinde **Mat.**  
 scimus, senes, qui Susanam nudam vide-  
 runt, statim exarsisse in concupiscentiam  
 ejus, & inde miserè fuisse occisos. Sci-  
 mus etiam Davidem, amicū Dei præci-  
 puum, ex solo conspectu Bethsabæ seip-  
 sam lavantis, incidisse in adulteriū, unde  
 homicidiū, & detrimenta innumerabilia  
 successerunt. Deniq; ratio naturalis est in  
 promptu:

172 DE ARTE BENE MOR.

promptu : siquidem pulchritudo feminae cogit quodammodo se amari à viro, & pulchritudo viri à femina ; neque amor iste quiescit donec ad conjunctionem corporum veniatur, propter concupiscentiam quæ in nobis relicta est ex peccato originis. Quod malum etiam Apostolus sanctus deplorat cum dicit:

Rom. 7 *Videō aliam legem in membris meis repugnantem legi mentis meæ, & captivantem me in lege peccati, quæ est in membris meis. Infelix ego homo, qui me liberabit de corpore mortis hujus? Gratia Dei per IESVM Christum Dominum nostrum.*

Quod remedium inveniēmus adversus tam gravem tentationem? Remedium est expeditum & facile cum Dei adjutorio, si quis eo velit uti. Remedium extat apud sanctum Augustinum in Epistola centesima nona, quæ Epistola continet Regulam Sanctimonialium. sic enim loquitur hic sanctus Pater ad Sanctimoniales suas: Oculi vestri si jaceant in aliquem, figantur in neminem. nam simplex aspectus ferè est inevitabilis; sed non potest, aut carere non solet ferire corda, nisi continuetur. It. que si quis assuescat non aspicere de industria formosam personam, & si casu incidat in ejusmodi personas, & ex bona consuetudine continèd avertat oculos, nihil periculi illi erit. Verè enim scribit S. Augustinus, non conspectum, sed meram  
in aspi-



in aspiciendo esse periculofam. Atque hoc est quod exemplo fuo docuit fanctus Iob, cum ait : *Pepigi fœdus cum oculis meis, ut ne cogitarem quidem de virgine.* ubi non dicit, *pepigi fœdus* ut non viderem, sed *ut non cogitarem* ; hoc est, ut non tam liu hærerem in visione virginis, ut visio ad cor penetraret, & inciperem cogitare de pulchritudine ejus, & paulatim etiam desiderare colloquium & complexum ejus. Et reddit rationem optimam, qualem reddere decebat virum sanctissimum : *Quam enim partem haberet in me Deus ?* ac si dicere voluisset, pars mea, & omne bonum meum Deus est, bonum utique maximum, quo nihil melius cogitari potest ; Deus autem non amat nisi castos & justos. Huc etiam pertinet admonitio Domini, *Si oculis tuis scandalizet te, erue eum* ; id est, sic eum posside, ac si non possideres ; & sic assuesce oculos ab hujusmodi spectaculis continere, ac si cæcus esses. Porro autem, qui à prima adolescentia incipiunt de hac re solliciti esse, non laborant in reliqua vita fugere & vitare ejusmodi vitia : qui verò malè assueti sunt, difficulter quidem, sed possunt tamen cum auxilio gratiæ Dei mutare mores, & laqueum istum perniciosissimum declinare.

Sed dicet fortasse aliquis, Cur Deus  
for-

124 DE ARTE BENE MOR.

formosas mulieres & formosos viros creavit, si non vult conspici & amari? Facilis est responsio, & quidem duplex. Deus enim creavit viros & feminas propter conjugium. Sic enim dixit *Gen. 2.* initio Deus: *Non est bonum hominem esse solum, faciamus ei adiutorium simul sibi.* Non autem indiget vir adiutorio feminae, nisi ad gignendam & educandam prolem, ut suprà docuimus ex doctrina sancti Augustini in libro de Genesi ad literam. *Vir autem & femina non facile* *Lib. 9. cap. 2.* *convenirent, nec per totam vitam simul libenter viverent, nisi adesset forma quæ amorem conciliaret.* Cum igitur facta sit mulier formosa ut ametur à viro suo, non debet amari amore ad conjunctionem incitante nisi à viro suo: propterea dictum est in Lege Domini: *Exod. 20.* *Non concupisces uxorem proximi tui.* Et viris dicit Apostolus: *1. Cor. 7.* *diligite uxores vestras.* Præterea multa sunt bona & pulchra, quæ non ab omnibus appetenda sunt, sed ab illis tantum in quibus conveniunt. Esus carniū & potus vini bona sunt, sed sanis, non aegrotis. Sic pulchritudo virorum & mulierum post resurrectionem, quando verè tamen erimus, tutissimè amari poterit ab omnibus, quoniam tunc aberit morbus concupiscentiæ carnalis, quo mortales laboramus. Itaque mirum videri non debet, si nunc permittitur omnibus cum

delectatione

delectatione videre solem, & lunam,  
& stellas, & flores, & alia id genus  
pulchra, quæ morbum concupiscentiæ  
non nutriunt: non autem permittitur  
cum delectatione considerare pulchras  
mulieres vel pulchros viros, ne fortè  
illa consideratio morbum concupiscentiæ  
adaugeat vel nutriet.

Sequitur post sensum videndi sensus  
audiendi, qui non minùs diligenter cus-  
todiendus est quàm sensus videndi. Sed  
cum auribus conjungenda est lingua,  
quæ est instrumentum loquendi. Verba  
enim, siue bona siue mala, non perve-  
niunt ad auditum, nisi sonent per lingue  
instrumentum. Et quoniam lingua, nisi  
diligentissimè custodiantur, malorù plu-  
rimorum causa est; idè sanctus Iacobus  
clamat, & dicit: *Si quis in verbo non of-* Iac. 3.  
*fendit, hic perfectus est vir.* & pauld post:  
*Ecce quantus ignis quàm magnam si vram*  
*incendit! & lingua ignis, est universitas mi-*  
*quantis.* Tria hoc loco docet sanctus  
Apostolus; Primum, linguam benè custe-  
dire rem esse difficillimam, & idè ra-  
ros esse, eosque solos perfectos viros,  
qui linguam benè custodire sciant. De-  
inde, à mala lingua brevissimo tempore  
ingens detrimentum provenire posse; id  
quod explicat similitudine ducta à scin-  
tilla ignis, quæ nisi subitò extinguatur,  
ingentem silvam lignorù consumere po-  
test. Sic enim unum verbum incaute pro-  
latum

latam potest excitare suspensiones sceleris alicujus; unde inimicitiae, rixae, contentiones; homicidia, atque integrae familiae exterminium sequitur. Docet sanctus Iacobus denique, linguam malam non esse rem unam malam, sed includere in se malorum multitudinem. ideo vocat eam, universitatem iniquitatis. Nam per eam omnia facinora aut preparantur, ut stupra & latrocinia; aut patrantur, ut perjuria & falsa testimonia; aut defenduntur, ut cum impius excusat malum quod commisit, aut simulat bonum quod non fecit. Et rursus jure dicitur lingua mala universitas iniquitatis, quia per linguam peccat homo contra Deum, blasphemando & pejerando; contra proximum, detrahendo & convitiando; contra seipsum, jactando se fecisse bona opera, quae revera non fecit; & mentiendo se non fecisse mala, quae fecit.

Ad hoc testimonium Apostoli Iacobi, addere volo testimonium Prophetae Davidis in Psalmo primo ex Gradualibus, *Domine, inquit, libera animam meam a labus iniquis, & a lingua dolosa.* Si sanctus Rex timuit sibi a lingua iniqua & dolosa; quid facere debent homines privati, & multo magis, si non solum privati, sed pauperes, debiles, obscuri sint? Addit Propheta: *Quid detur tibi, aut quid apponatur tibi ad linguam*

LI  
am dolos  
ignae  
ntus hic  
ausa tim  
sa; quia  
odi ling  
videatur  
quae po  
litem.  
stima sin  
m sit li  
m facit  
ista ma  
tze lon  
plant, in  
gitta qu  
la, dicu  
ista man  
s esse ac  
ene polit  
le simile  
t, esse i  
urum, d  
ilem es  
nam non  
gittis de  
ira caele  
tere po  
escriptio  
s est, ut  
pugari p  
& iniqu  
Atque,

quam *dolosam*? Verba sunt obscura ob  
linguæ Hebraicæ proprietatem. sed  
sensus hic esse mihi videtur: Non sine  
causa timeo mihi à lingua iniqua & do-  
losa; quia tam grande malum est ejus-  
modi lingua, ut nihil mali addi illi pos-  
se videatur. Pergit Propheta, ac dicit:  
*Sagittæ potentis acutæ, cum carbonibus de-*  
*solatoris.* Declaratur his verbis elegan-  
tissima similitudine, quàm ingens ma-  
lum sit lingua dolosa: similem enim il-  
lam facit Propheta sagittæ ignitæ à ro-  
busta manu emissæ. Primum enim sa-  
gittæ longè feriunt, & tanta celeritate  
volant, ut vix evitari possint. Deinde  
sagittæ quibus comparatur lingua do-  
losa, dicuntur emissæ à potenti & ro-  
busta manu. Tertio additur, sagittas il-  
las esse acutas, id est, ab artifice perito  
benè politas & exacutas. Deniq; addit,  
esse similes carbonibus desolatoriis, id  
est, esse ignitas, ut quidvis, quamvis  
durum, desolare possint; ac per hoc si-  
milem esse linguam dolosam & ini-  
quam non tam sagittis hominum, quàm  
sagittis de cælo emissis, qualia sunt ful-  
gura cælestia, quibus nihil omnino re-  
sistere potest. Hæc certè Prophetica  
descriptio linguæ dolosæ & iniquæ ta-  
lis est, ut nullum tam grande malum  
cogitari possit, quod cum lingua dolo-  
sa & iniqua comparari valeat.

Atque, ut hæc omnia faciliùs adhuc

K. intel-

intelligi possint, duo exempla Scripturarum addam. Vnum sit scelestissimi Doëg Idumæi, qui accusavit Sacerdotem Achimelech apud Regem Saulem, quod conjurasset cum Davide adversus Regem, quæ mera calumnia & impostura erat. Quia tamen Rex Saul pessimè animatus erat eo tempore erga Davidem, scilicet omnia credidit, & iussit occidi continuò non solum Sacerdotem Achimelech, virum innoxium, sed etiam omnes alios Sacerdotes, ad numerum octoginta quinque virorum, qui nulla in re peccaverant contra Regem. Neque hac strage contentus Saul Rex, iussit occidi omnes qui habitabant urbem, nomine Nobæ, sacerdotalem, nec solum sævire contentus fuit in omnes viros & feminas, sed etiam in parvulos & lactentes; ac in ipsa etiam animantia, oves, boves, & asinos crudelitatem suam extendit. Ac de ista ipsa lingua dolosa & iniqua Doëg Idumæi credibile est locutum esse Davidem in Psalmo, cuius partem jam exposuimus. Ex hoc exemplo apertè discimus, quantæ sint vires linguæ dolosæ & iniquæ ad malum.

Alterum exemplum desumemus ex Evangelio apud sanctum Marcum. Saltante filia Herodiadis coram Herode Terrarcha & Principibus ejus, usque adeò placuit Herodi ludus illius puellæ, ut

læ, ut coram omnibus iuraverit, & daturum puellæ quicquid peteret, etiam si dimidium Regni sui. Hoc iuramentum stultum & temerarium, causa fuit plurimorum malorum. Primum enim Herodiadis filia à matre quæsitit quid esset ei petendum; quæ illam admonuit, ut peteret caput Ioannis Baptistæ. hoc ipsum illa petiit: & mox allatum est caput præcursoris Domini à corpore avulsum; in disco. Quanta hic sunt mala: Peccat mater gravissimè, petens rem injustissimam. Peccavit non minùs graviter Tetrarcha Herodes, qui virum innocentissimum, quiq; erat præcursor Domini, plusquam Propheta, & quo major inter natos mulierum non surrexit, & quem Herodes ipse sciebat virum esse justum & sanctum, iussit occidi: & sine causâ, sine iudicio, tempore solennis cœnæ, ad petitionem puellæ saltatricis. Sed audiamus mala pœnæ, cùm jam audierimus mala culpæ. Herodes paulò post ab Imperatore Cajo spoliatus principatu, in exilium perpetuum relegatus fuit: arg; ita qui iuraverat se daturum dimidium Regni, totum Regnum cum exilio perpetuo commutavit, teste Iosepho in libro Antiquitatum. Ipsa filia Herodiadis, causa fuit mortis sancti Ioannis Baptistæ, trahens congelatum flumen, disrupta glacie cecidit.

130 DE ARTE BENEMOR.

in profundum corpore toto, capite excepto, quod recisum à corpore supra glaciem saltitabat, ut omnes intelligerent, qui de causa tam miserè obisset. Ipsa denique Herodias nimio dolore correpta protinus mortem obiit, & filiam ad inferni tormenta secuta est. Scilicet hanc tragœdiam Nicephorus Callistus in Historia sua. En quot malitum culpæ tum pœnæ consecuta sunt ex juramento stulto & temerè concepto ab Herode Terrarcha.

*Lil. 1.  
3.2.*

*Ps. 38.*

Veniamus ad remedium, quod à prudentibus viris adhiberi debet peccatis linguæ. Sanctus Propheta David initio Psalmi trigesimo octavi indicat, quo remedio ipse uteretur: *Dixi*, inquit, *Custodiam vias meas, ut non delinquam in lingua mea.* hoc est, Ego ut effugiam peccata linguæ, diligenter custodio vias meas; non enim loquor, neque cogito, neque ago aliquid, nisi præmissa dijudicatione eorum quæ acturus, vel locuturus, vel cogitaturus sum. Istæ enim sunt viæ per quas gradiuntur homines in hac vita. Itaque remedium contra verba noxia, nec solum contra verba noxia, sed etiam contra facta, vel concupita, vel copitata noxia, est præcogitatio vel præmeditatio eorum quæ acturus, locuturus, cogitaturus, desideraturus sum. Atque hoc est hominis proprium, non temerè aliquid agere,

*fol*



sed reflectere considerationē ad ea quæ agenda sunt, & si quidem cum recta ratione concordant, agere; sin minus, non agere. Et quod de actione diximus, idē intelligi debet de locutione, desiderio, atq; aliis animæ rationalis operibus.

Sed si fortē non possunt aliqui præmeditari omnia quæ acturi vel dicturi sunt; certē nullus esse deberet homo prudens, & salutis æternæ cupidus, qui non singulis diebus primo manē antequam negotia vitæ hujus aggrediatur, ad Deum per orationem accedat, & petat dirigi vias suas, facta sua, verba sua, desideria sua, cogitationes suas ad gloriam Dei, & salutem animæ suæ. Deinde completo die, antequam cubile suum dormiturus ascendat, discutiāt consciētiā suā, & rationem à se ipso petat an Deum offenderit cogitatione, locutione, opere, desiderio: & si offensio- nem aliquā Dei, præsertim lethalem invenerit, non audeat oculos claudere ad nocturnā quietem captandā, nisi Deo primū per verā pœnitentiā reconciliato, & vero ac certo proposito concepto de custodiendis viis suis, ut non delinquat in lingua sua, nec in operibus aut appetitionibus suis. Atque hæc de custodia linguæ sufficiant.

Quod jam attinet ad sensum audiendi, pauca omnino dicenda restant. Siquidem lingua fræno rationis cohi-

bita ne in verba mala prorumpat, nihil ferè erit quod sensum audiendi corrumpere possit. Quattuor sunt genera verborum, quibus maximè claudendum est ostium sensus audiendi, ne per aures ad cor inficiendum penetrent. Primum locum obtinent verba contra fidem, quæ ob curiositatem humanam non illibenter audiuntur; & tamen si intus penetrent, tollunt de corde fidem, quæ est radix & principium omnium bonorum. Sed inter verba infidelitatis nulla sunt magis perniciosa, quàm eorum qui negant vel providentiam Dei, vel animi humani immortalitatem. Ista enim verba non tam hæreticos quàm atheos faciunt, & omnibus sceleribus aditum latissimum aperiunt. Alterum genus verborum malorum positum est in detractionibus, quæ charitatem fraternam tollunt e medio, & satis avidè audiuntur, sed ab hominibus curiosis. Sanctus enim David, qui erat homo secundum cor Dei, dicit in Psalmis:

*Psalm.*  
110.

*Detrahentem in secreto proximo suo, & uno perscuto bar.* Et quoniam detractioes non raro in conviviis audiuntur, sanctus Augustinus ad parietem mensæ suæ hos versiculos posuerat:

*Qui quis amat detrahit absenti rodere vitam,  
Hanc mensam indignam noverit esse sibi.*  
Id refert Possidius in vita sancti Augustini. Tertium genus verborum malo-

runa

rum est, quod in adulationibus consistit. Adulationes enim libenter audiuntur, & tamen elationem & superbiam gignunt; Superbia autem, Regina vitiorum est, & Deo potissimum inimica. Quartum genus verborum malorum pertinet ad luxuriam, & in sermonibus amatoriiis & canticis lascivis positum est. Et ab amatoribus hujus mundi nihil dulcius auditur, cum nihil sit ea voce nocentius. Similia enim sunt cantica lasciva canticis Sirenium, quæ homines delectabant, ut eos in mare dejicerent & devorarent.

Adversus hæc omnia pericula salutare remedium est, amicos probos habere, & ab improbis omni animi provisione disjungi. Neque enim homines ignoti facile audent verba miscere detractoria, vel hæretica, vel assenratoria, vel lasciva cum iis quos vel non viderant antea, vel illis familiares non sunt. Itaque Salomon in principio Proverbiorum instituens filium, primum præceptum illis verbis expressit: *Audi, fili mi, disciplinam patris tui, &c.* Si te lascivum ut peccatores, ne accipias: &c. si dixerint: *Veni nobiscum, insidiis nostris sumamus, abscondamus tenduculum contra infantem suastram, deglutiamus eum sicut infans vitæntem, & integrum quasi defeculentum in lacum: omnem pretiosam substantiam repertemus, implebimus domus nostræ*

Pro. 1.

*spoliis: sortem mitte nobiscum, marsupium unum sit omnium nostrum. Fili mi, ne ambules cum eis, &c. Ipsi quoque contra sanguinem suum insidiatur, & moluntur fraudes contra animas suas. Hoc igitur consilium hominis sapientissimi facile potest remedium adhibere sensui audiendi, ut verbis malis non facile corrumpatur; præsertim si addamus sententiam Domini, qui Salomone sapientior erat, & apertè pronuntiavit, inimicos hominis esse domesticos ejus. Atque hæc de sensu audiendi.*

Sensus tertius est Odoratus, de quo nihil ferè dicendum occurrit. Sensus enim olfaciendi versatur circa odores, qui nec magnam vim habent ad corrumpendum animum, & pretiosi odores ad paucos pertinent: communes autem, quales sunt odores florum, rosarum, liliorum, innoxii sunt.

Venio ad sensum quartum, qui dicitur sensus gustandi. Peccata quæ per hanc portam ingrediuntur ad animam corrumpendam, generatim duo sunt, crapula, & ebrietas; sed ex istis plurima oriuntur. De crapula & ebrietate habemus admonitionem Domini apud

*Lucam: Videte ne graveentur corda vestra crapula & ebrietate. Et aliam admonitionem Apostoli in Epistola ad Romanos: Non in confessionibus & ebrietationibus. Ita verò duo peccata in*  
*Scripturis*

*Ad 11.  
10.*

*Luc. 21*

*Rom.*

*13.*

Scriptu  
minibu  
ls Paul  
se la G  
ne, im  
le m f  
erietat  
qua pra  
qua tal  
quantu  
catoru  
& ebr  
ad res  
randas  
Salvat  
in Ora  
bus apt  
de sole  
enim c  
humidi  
ducunt  
trent,  
& ebr  
pores i  
rationi  
m: nis n  
à iumo  
a: cs m  
suis exp  
pientia  
dam in  
gratie;  
gnere t

Scripturis sanctis cum lethalibus criminibus numerantur, dicente Apostolo Paulo in Epistola ad Galatas: *Mani-* Gal. 5.

*festi sunt opera carnis; quæ sunt, fornicatio, immunditia, impudicitia, luxuria, idolorum servitus, venusitas, &c. homicidia, ebrietates, comestiones, & his similia, quæ prædico vobis, sicut prædixi; quoniam qui talia agunt, Regnum Dei non consequentur.* Neque sola hæc est horum peccatorum poena, sed prætereà crapula & ebrietas gravant corda humana, ut ad res divinas cogitandas & procurandas assurgere non valeant. Id quod Luc. 20.

Salvator noster docuit, & S. Basilus in Oratione de Ieiunio explicat duabus aptissimis similitudinibus. Prior est de sole & vaporibus. Quemadmodum enim crassi illi vapores qui de locis humidis ascendunt, cælum nubibus obducunt, & radios solis, ne ad nos penetrant, impediunt: sic etiam ex crapula & ebrietate fumi quidam, & quasi vapores in nobis excitantur, qui cælum rationis obscurant, & radios divini luminis nobis eripiunt. Altera similitudo à fumo & apibus ducitur. Sicut enim apes mellis procreatrices ex alvearibus suis expelluntur fumo, sic etiam sapientia Dei, quæ tamquam apis quædam in animis nostris mel virtutum, & gratiæ, & consolationum cælestium gignere solet, nulla re alia facilius quam

K 5 fumo

# 136 DE ARTE BENE MOR.

fumo crapulae & ebrietatis ejicitur.

Ad hæc accedit, quod crapula & ebrietas nocet corporis bonae valetudini. Antiphanes Medicus peritissimus, ut Clemens Alexandrinus in libro secundo *Pædagogi* refert, unam esse causam pænæ omnium morborum assererat, ciborum multitudinem & varietatem: contra verò sanctus Basilii Concione prima de Ieiunio, parentem bonae valetudinis abstinenciam appellendam esse censuit. Et passim Medici omnes ad sanitatem restituendam corporibus malè affectis inediam adhibent, & vini & carniū abstinenciam imperant. Adde ad hæc, crapulam & ebrietatem non soli corpori, & animæ incolumitati, sed etiam rei familiari plurimū obesse. Multos crapula & ebrietas ex divitibus pauperes, ex dominis servos effecit. Denique crapula & ebrietas multos pauperes & mendicos divitum eleemosynis privant. Qui enim sobrio cibo & potu contenti non sunt, omnem substantiam suam in proprias voluptates facillè consumunt, ut nihil pro fratribus egenis superfit. Et impletur illud Apostoli:

1. Cor. *Alius quidem esurit, alius autem ebrius est.*

11. Sed his omnis, ad remedia veniamus. Remediam adversus crapulam & ebrietatem esse potest exemplum omnium Sanctorum. Omitto Eremitas &

Monach  
Hier. in  
floria v  
liquid e  
S. Amb  
Vita, c  
pus Fel  
Omitto  
epus Vi  
herbas  
propter  
alios S  
ret, qui  
ter om  
palum  
suscepit  
ter sine  
annos c  
fo. us fa  
& seivi  
q. am e  
na de c  
Et ut au  
placem  
ut in  
fo. riè  
lan. fa  
Placem  
men o  
bant,  
in. iper  
Ad ex  
flas I

Monachos sanctos, de quibus scribit S. Hier. in Epist. ad Eustochium de Custodia virginitatis, apud eos coctum aliquid comedisse luxuria erat. Omitto S. Ambrosium, qui teste Paulino in ejus Vita, omnibus diebus jejunabat, exceptis Festis solemnibus, & Dominicis. Omitto S. August. qui teste Possidio in ejus Vita, in mensa sua legumina & herbas habebat, & aliquando carnes propter hospites vel infirmos. Omitto alios Sanctos. Si quis attentè consideret, quid ipse Dominus omnium & Pater omnium egerit, cum in deserto populum suum pascendi munus sibi ipse suscepit; artem sobrietatis admirabiliter sine dubitatione perdiscet. Nam ad annos quadraginta Deus solus potens, solus sapiens, & solus bonus, qui potuit, & scivit, & voluit populo suo dilecto quàm optimè providere, pluit illis manna de cælo, & ex petra aquas eduxit. Erat autem manna cibus non dissimilis placentæ ex farina & melle confectæ, ut in libro Exodi dicitur. En quàm sobriè sapientissimus Dominus populum suum prandere & cœnare voluit. <sup>Exod. 16.</sup> Placenta cibus, aqua potus erat; & tamen omnes incolumes & sani vivebant, donec carniū desiderio teneri inciperent.

Ad exemplum Patris, filius Dei Christus I E S V S, in quo erant omnes the- <sup>Col. 2.</sup>

saure

138 DE ARTE BENE MOR.

*Sauri sapientia & scientia Dei, cum prandium simul & coenam multis milibus auditorum suorum parare vellet, apposuit illis panis & piscium fragmenta, & potum aquæ. Neque solum Dominus Christus cum adhuc mortalis esset, tanta sobrietate auditoribus suis convivium paravit; sed etiam post resurrectionem, cum data illi esset omnis potestas in celo & in terra, discipulis suis prandium dedit ad litus maris ex solo pane & pisce, eoque modico: neque vini aut rerum aliarum ulla sit mentio. O quam longè distant consilia Dei à consiliis hominum! Rex cæli & terræ simplicitate gaudet, sobrietate delectatur; de anima locupletanda, replenda, exhilaranda in primis sollicitus est. sed homines malunt concupiscentiam suam, & diabolum hostem suum exaudire, quàm Deum; nisi cum Apostolo dicamus, Deum carnalium hominum non alium esse quàm ventrem.*

*Philip.*  
3.

Restat sensus tingendi, qui omnium crassissimus est, & simul etiam omnium vivacissimus. Per hunc sensum ingrediuntur ad animum inquinandum, & simul ad alios homines corrumpendos, opera carnis, quæ beatus

*Gal. 5.* Apostolus enumerat dicens: *Mansi sunt opera carnis; quæ sunt, fornicatio, immunditia, impudicitia.* Itaque tribus vocibus omnia genera luxuriæ Apostolus defini-

L  
designat  
gradum  
oportere  
& ne no  
audiri.  
scolas se  
autem, e  
tu in o  
Re me  
seclera,  
ferè illa  
curanda  
piu e X  
tia, pro  
carnis e  
omnino  
dedito,  
mio pot  
mortheo  
propter s  
tuas infi  
pter stor  
ad caven  
est luxur  
pot. ones  
aha id g  
Sic viri  
Ca. 7. ego ce  
di; ne fa  
reprobus d  
Canobi  
delictis d  
contrari



designavit. Neq; opus est longius progredi in his rebus explicandis, quas oporteret potius apud fideles ignorari, & ne nomina quidem earum umquam audiri. Sic enim loquitur idem Apostolus scribens ad Ephesios: *Fornicatio Eph. 3. autem, & omnis immunditia, nec nominetur in vobis, sicut decet sanctos.*

Remedia verò adversus hæc omnia scelera, hæc mihi occurrunt: & sunt ferè illa ipsa quibus utuntur Medici ad curandos aegrotos. Primum enim incipiunt Medici à jejuniis sive abstinentiis, prohibent aegrotare incipientibus carnis edulium, & potum vini. Idem omnino fieri debet ab homine luxuriæ dedito, abstinere à nimio cibo & à nimio potu. Id præscripsit Apostolus Timotheo suo, *Vtere, inquit, modico vino 1. Tim. propter stomachum tuum, & frequentes tuas infirmitates: id est, Vtere vino propter stomachi debilitatem, sed modico ad cavendam luxuriam, nam in vino est luxuria.* Deinde Medici corporum potiones amaras, venæ incisionem, & Eph. 9. alia id genus naturæ inimica adhibent. Sic viri sancti cum Apostolo dicebant: *Castigo corpus meum, & in servitutem redigo; ne forte cum aliis prædicaverim, ipse 2. Cor. reprobus efficiar.* Hinc veteres Eremitæ & Cœnobitæ vivendi genus instituerunt, deliciis carnis & voluptatibus omnino contrarium, in jejniis, vigiliis, humi- cuba-

cubationibus, flagellis, ciliciis; non odio corporis, sed odio luxuriantis carnis. Vnum de multis exemplum proferam. Sanctus Hilarion, sancto Hieronymo teste in ejus Vita, cum libidinis cogitationibus tentaretur, Ego, inquit, corpus alloquens suum, *ficiam ut non calitres, nec te hordeo alam, sed paleis: fame te conficiam & siti, gravi onerabo pondere; per astus indagabo & frigora, ut cibum potius quam lasciviam cogites.* Ad hæc, Medici corporum exercitationem moderatam, ut deambulationem, vel pilæ ludum, vel aliquid ejusmodi ad sanitatem conservandam præscribunt. Idipsum ad animæ sanitatem conservandam valdè conducit, si videlicet homo salutis æternæ cupidus, horam aliquam quotidie in mysteriis redemptionis nostræ, vel in Quatuor novissimis, vel in aliis piis argumentis meditandis, tribuat. Quod si meditatio non succedit ad votum; saltem in Scripturis sanctis, vel in piis libellis, vel in Vitis Sanctorum legendis tempus aliquod diebus singulis ponat.

Denique remedium efficax valdè ad omnes carnis tentationes & peccata luxuriæ superanda, est, otium sugere. Nullus enim tam est obnoxius turpibus cogitationibus, quàm is qui nihil habet quod agat, & tempus suum terit vel ex fenestra respiciens ambulantes,

vel

vel cum amicis fabulando & ludendo. Contrà verò, nulli sunt magis immunes à cogitationibus sordidis, quàm ii qui totos dies in laboribus agrorum colendorum, vel in variis exercendis artibus occupantur. Hujus rei gratia magister noster Christus parentes elegit pauperes, ut proprio labore victum sibi pararent. & ipse quoque antequam ad labores prædicationis accederet, patrem putativum fabrum lignarium habere voluit, eumque in arte illa laborantem adjuvit: dicebant enim de illo, *Nōne hic est faber filius Mariae?* Hoc ad-  
Mar. 6  
 dere voluit, ut opifices & rusticos non pœniteat sortis suæ, cū sortem illam elegerit Sapiencia Dei pro se, & pro matre sua, & pro sanctissimo patre suo putativo; non quòd ipsi hoc remedio indigerent; sed ut nos infirmos admovent otium fugere, si peccata plurima vitare velimus.

D E





D E

M

V I C I

LIB

De primo  
vicina

tempus p  
de a loc  
st riore  
e ponnu  
ntem au  
ficur an  
orbus ell  
mus, dic  
e senes  
as gravi  
ericulofu

# DE ARTE

BENE

MORIENDI

VICINA IAM MORTE,

LIBER SECVNDVS.

## CAP. I.

*De primo præcepto Artis bene moriendi  
vicinæ iam mortis, quod est de me-  
ditatione mortis.*



**A**RTEM bene moriendi in  
duas partes initio distri-  
buimus. In earum priore  
posita sunt præcepta bene  
moriendi, quæ ad illud  
tempus pertinere poterant, in quo mors  
adhuc longius abesse videri poterat: in  
posteriore, quæ nunc præ manibus est,  
ea ponemus quæ ad mortem quasi præ-  
sentem aut brevî adfuturam pertinent.  
Dicitur autem mors imminere vel præ-  
foribus esse, quando vel senio consecuti  
sumus, dicente Apostolo: *Quod antiqua-* Heb. 12  
*rit & senescent, propter interitum est;* vel mor-  
bus gravis & Medicorum iudicio valdè  
periculosus, sive senem, sive juvenem,

I

sive

144 DE ARTE BENE MOR.

sive etiam adolescentem aut puerum corripuit. Hujus secundi ordinis primum præceptum nobis esse videtur, Mortis meditatio. Mors enim, quantumvis diligenter & attentè consideretur, dum in florenti ætate sumus, parum omnino nos movet; cum longè abesse, ac per hoc minùs horribilis esse videatur. Sed cum propè adesse conspicitur, ut quasi manibus tangatur; tunc verè afficit, & illius consideratio multum prodest. Omnes artes meliùs addiscuntur exercitatione quàm doctrina; & qui, si non sæpiùs, saltem bis mortui sunt, ut beata Christina, & ille Drithelmus Anglus, cujus memini in libro de Gemitu Columbæ, & ille Eremita, cujus historiam narrat Ioannes Climacus, de quo nos in extremo capite paucadicemus; satis alacriter mortuos fuisse constat. Nobis, quibus non nisi semel mori permittitur, nulla via melior aperitur, quàm meditandi & cogitandi quid in morte geratur.

Primum igitur cogitandum nobis est, in morte fieri separationem animi à corpore, sed neque animum extinguere, neque corpus sine spe resurgendi cadere, & in pulverem redigi. Si enim hoc fieret, ut Athei opinantur; rectè dixisse viderentur illi qui mortem contemnebant, atque dicebant: *Comedamus & bibamus, cras enim moriemur.* quod Proverbium

L  
bium  
test ex  
Apost  
quinto  
quid  
gerger  
nili e  
non ce  
quam  
corpo  
ti, qui  
delirè  
sponsa  
pus, no  
erim i  
mo die  
Ope  
figid  
allidè  
rer. m  
iamur  
cilis tr  
cum D  
t. It en  
loram  
b. edita  
ignis ar  
tante  
test ab  
all. bi  
gr. cal  
lei &  
m. m. t.

bium est antiquissimum, ut intelligi potest ex Isaia capite vigesimo secundo, & Apostolo in priore ad Corinthios capite quintodecimo. Esse autem inter nos, qui dicant se credere, factis autem negent; ex eo potest intelligi, quod nonnulli etiam in extremo senio de morte non cogitant, perinde ac si vel nunquam essent morituri, vel cum morte corporis animum quoque peritus extingui existimarent. Sed quidquid isti delirēt, separatio carnis ab animo, quasi sponsæ à sponso, divortium est ad tempus, non repudium in perpetuū: animus enim immortalis est, & caro in novissimo die sine ulla dubitatione resurget.

Oportet igitur, si Christiani sumus, & si quid sapimus, de propinqua morte assidue cogitare. In hoc enim summa rerum nostrarum posita est, ut benè moriamur; siquidem in hac vita non facilis transitus est à virtute ad vitium, & cum Dei gratia, à vitio ad virtutem: potest enim qui nunc est heres regni cælorum, cras per peccatum excidere ab hereditate filiorum Dei, & fieri reus ignis æterni, & contra, Dei gratia aspirante, qui est mancipium diaboli, potest ab illa servitute liberari, & iterum adscribi inter filios Dei & heredes regni cælestis. At qui moritur inimicus Dei & reus ignis æterni, semper erit inimicus Dei & igni æterno addictus: &

contrà, qui moritur amicus Dei & heres regni cælorum, numquam ab illa gratia & gloria eminentissima poterit excidere. Itaque nostra omnis felicitas vel infelicitas, à bona vel mala morte dependet. Quis igitur, nisi planè stultus & omni iudicio carens, audebit de hac vita per mortem discedere, nisi antea omni diligentia adhibita benè mori didicerit, atque ad bonam mortem obeundam se comparaverit?

Altera consideratio circa mortem utilissima esse potest, quòd quamvis mors  
*Ps. 22.* certissima sit, dicente Propheta: *Quis est homo, qui vivet, & non videbit mortem? &*

*Hel. 9.* Apostolo concinente: *Statutum est hominibus semel mori; post hoc autem, iudicium:* tamen nihil est incertius diè vel hora, id quod Scriptura ipsa clamar:

*Matt. 25.* *Vigilate, quia nescitis diem, neque horam.* Multi rapiuntur in infantia, alii contrà ad decrepitam perveniunt senectutem; alii adolescentes, alii in ætate matura moriuntur. Sed quod miserabilius est, multi repente moriuntur, ut non sit illis orium Deum invocandi, & spiritum suum divinæ misericordiæ commendandi. Hæc verò non alia de causa divina providentia secundum thesaurum sapientiæ suæ procurat, nisi ut nemo electorum audeat vel ad momentum in luto peccati lethalis hærere. Proinde qui hæc legis, si fortè con-

scien-



scientia peccati mortalis contra te testimonium dicat, non audeas diem crastinum expectare, imò neque presentis diei vel horæ finem præstolari, quin saltem corde contrito & humiliato coram Deo peccatum tuum detesteris.

Tertia consideratio non minùs utilis erit, si manè antequam ad negotia diurna progrediaris, & vespere antequam ad somnum capiendum te componas, ne fortè mors adveniens te imparatum offendat, conscientiam tuam diligenter discutias, an quid nocte præterita vel die proximè exacto egeris, quod peccatum, præsertim lethale videri possit: & si nihil invenias, Deo bonorum omnium auctori gratias agas; sin autem inveneris aliquid adversus Deum admissum, seriò & ex corde ingemiscas, & primo quoque tempore ad pedes Sacerdotis illud confitearis: & impostam mulctam libenter accipias, & fideliter reddas. Ista ratio, bis saltem in die examinandi conscientiam, mirificè juvat, ut mors numquam nos inveniat imparatos.

Quarta consideratio non minùs utilis quàm superiores, illa est, cujus meminit Ecclesiasticus: *In omnibus operibus tuis memorare novissima tua, & in æternum non peccabis.* Quo pacto enim peccare poterit in ullo opere suo, qui quidquid agit, expendit ad trutinam divini

judicii quod in morte fiet? Huc pertinet memorabile illud dictum hominis his mortui, cujus meminit Ioannes Climacus in sua Scala, Gradu sexto. Sic autem loquitur: *Non omitam solitari illius, qui in Choreb habitabat, r. f. r. h. i. s. t. o. r. i. a. m.* Hic enim diu negligentissime vixisset, nullamq; animæ suæ curam haberet, morbo tandem comprehensus ad extrema deductus est; cumq; jam à corpore perfecte migrasset, post unam horam in se ipsum rediit, oravitq; nos omnes ut inde protinus abscederemus: & cella aditu lapidibus obstructo, permansit intus annis duodecim, nulli omnino quicquam loquens, nec aliud quidquam præter panem & aquam degustans. Sedens autem ea tantum qua in excessu viderat, attonitusolvebat; atque in his adeò fixo erat cogitatu, ut nunquam vultum immutaret, sed semper sic attonitus perdurans vim lacrymarum ferventium tacitus profunderet. Cum verò jam morti esset proximus, rupto ac patefacto aditu ingressi sumus; cumq; ab illo doctrina verbum supplices inquirere-  
mus, hoc ab illo tantummodo audivimus: Nemo, qui reverà mortui memoriam agnovit, peccare unquam poterit. hæc ille. Consideret Lector, hanc historiam esse non fabulam, & ab illo scriptam, qui & vir sanctus erat, & scripsit quæ propriis oculis vidit, & propriis auribus audivit.

Ex quo facile est intelligere, quanti momenti

momenti sit mortem assidue meditari,  
 & ejus presentiam nunquam à me-  
 moria sua repellere. Hic enim negli-  
 gens antea fuerat in salute sua qua-  
 renda, sed ex magna Dei misericordia  
 mortem gustavit, & resurgens à mor-  
 tuis, per annos duodecim mortem assi-  
 duè cogitavit, & simul lacrymis conti-  
 nuis peccata sua deflevit; & quæ ante  
 primam mortem levia & venialia arbi-  
 trabatur, gustata mortis amaritudine  
 judicavit esse gravissima, & digna quæ  
 lacrymis annorum duodecim expia-  
 rentur. Hic est igitur verus commen-  
 tarius verborum Scripturæ, quæ dicit  
*Memorare novissima tui, & in aeternum* *Eccl. 7.*  
*non peccabis.* Et si perpetua recordatio  
 unius ex Novissimis tam grande lu-  
 crum attulit Monacho illi, ut per pœ-  
 nitentiam annorum duodecim redeme-  
 rit pœnam gehennæ sempiternam, &  
 lucratus fuerit gloriam regni perpetui:  
 quid faceret jugis memoria Novi-  
 simum quatuor, Mortis, Iudicii, Ge-  
 hennæ, & Paradisi? Utinam multi co-  
 gnoscerent & experiri vellent com-  
 pendium lucri hujus!

## CAP. II.

*De secundo præcepto Artis bene moriendæ  
vixisse iam morte, quod est de Iudicio  
extremo.*

**A**lterum Novissimum, est Iudicium; quod quidem duplex est: unum particulare, quo singulæ animæ judicantur statim ac de corpore exierunt; alterum generale, quod fiet in novissimo die. Vtrumque horribile & tremendum valdè impiis, amabile & gloriosum iustis. De utroque attentè & sæpius cogitare utilissimum est iis qui feliciter mori cupiunt. Futurum autem iudicium particulare statim à morte uniuscujusque, nemini dabitare licet, cum adversus hæreticos in Concilio Florentino declaratum sit, eos qui peccato mortali inquinati ex hac vita decedunt, mox ad gehennam ignis descendere; eos qui sine culpa lethali, sed cum debito pœnæ temporalis moriuntur, ad Purgatorium duci; illos denique, qui post susceptum Baptisma immunes à culpa & debito pœnæ inveniuntur, in

*S. Tho. cælum ad æternam felicitatem repente  
in 4. d. conscendere.*

*47. Domi- Credibile autem est, ut Theologi do-  
nicu. 2 gent, sententiam Christi Iudicis, vel per  
Soro in Angelos significari, vel mentibus ipsa-  
4. d. 45*

*EXE*

rum animarum à Deo revelari; sed pias animas comitantibus Angelis vel ad cælum ascendere, vel ad Purgatorium descendere; reproborum verò à dæmonibus rapi, & in gehennam deturbari. Hoc iudicium in momento fieri potest, quia præsens adest Iudex, qui cum sit Deus & homo, secundum formam Dei ubique est, secundum formam hominis omnia novit. Verissimè enim sanctus Petrus Christo dixit: *Domine tu omnia* *1o. 22* *nostræ*. Adest accusator, qui est diabolus, qui dicitur in Apocalypsi *accusator fratrum nostrorum*; & accurrit ad moribundum. *12.* *Apoc.* *dos, ut lupo, vel leo, vel canis ad prædam.* Adest testis, conscientia animæ, quæ cum à corpore soluta est, non ampliùs falli potest ignorantia vel oblivione; sed penitus se ipsa cognoscit, & videt an sit grata Deo, vel Deo exosa. Itaque nihil impedit, quominus iudicium hoc statim fiat, & executioni mandetur. Hoc tamen iudicium privatum dici potest, si conferatur cum iudicio quod fiet in die novissimo, quod erit publicum & generale, coram omnibus omnino Angelis & hominibus.

Sed reddenda est breviter ratio, cur necesse sit iterum iudicari eos, qui sunt jam non solum iudicati, sed etiam pœna vel præmio affecti. Rationes hæ sunt. Prima ratio est ex parte Dei: nunc enim non desunt, qui videntes multos

## 252 DE ARTE BENE MOR.

homines justos ab impiis non paucioribus injustè affligi, & contrà, multos iniquos affluere temporalibus bonis, suspicantur Deum aut ista non videre, aut non curare. Quare ut totum genus humanum intelligat, mundum à Deo sapientissimè gubernari; placuit ipsi Deo in die novissimo coram omnibus Angelis & hominibus reddere præmia bonis, & supplicia malis: unde omnes

*Apoec. 36. Domine, vera & justa judicia tua.*

Altera ratio est, ut Christus, qui coram hominibus injustè judicatus, & supplicio gravissimo & indignissimo affectus est; ipse coram toto mundo cernatur in throno sublimi omnes impios judicare: ut illud impleatur quod

*Iob. 36. Causa tua quasi impij judicata est, causum judiciumq; recipies.*

Itaque ignominia passionis Filii Dei justè compensabitur per gloriam judicantis in theatro totius mundi, &

*Phil. 2. In nomine Iesu omne genu flexatur, caelestium, terrestrium, & infernorum.*

Tertia ratio est, ut retributio justorum integra sit. Merces enim justitiæ est honor & gloria. Et quoniam multi homines eximie justi, quasi scelesti & impii publicè interfecti sunt; æquum fuit ut in publico totius orbis theatro justitia ipsorum prædicaretur. Ad hunc

nume-

LIBER SECVNDVS. 153

numerum sanctorum Martyres Domini præcipuè pertinent, qui in oculis persecutorum paganorum vel hereticorum, Principum & Regum coronati assistent.

Quarta ratio erit, ad confusionem hypocritarum. Non enim desunt qui cum opinione sanctitatis moriantur, cum verè sint impii; quales sunt hæretici Calviniani vel Anabaptistæ, & olim erant illi, de quibus scribit sanctus Cyprianus in libro de Unitate Ecclesiæ: *Ardant licet flammis & ignibus traditi, vel obijciti bestis animas suas ponant, non erit illis fidei corona, sed pœna perfidie; nec religiosa virtutis exitus gloriosus, sed desperationis interitus.* Itaque necesse est, ut saltem in universali Iudicio eorum hypocritis publicè detegatur.

Quinta ratio illa est, ut animæ simul & corpora judicentur. Siquidem in Iudicio particulari solæ animæ judicantur, & præmium vel pœnam accipiunt: sed in Iudicio universali integri homines comparebunt. Et quoniam animæ cum corporibus peccaverunt, vel benè egerunt; sic etiam oportet, ut post resurrectionem animæ cum corporibus præmia vel pœnas accipiant.

Sexta denique ac postrema ratio est, ut non solum bona vel mala quæ gessimus in vita, præmia vel pœnas suas habeant, sed etiam bona vel mala, quæ nascuntur ex operibus, bonis vel malis nostris,

154 DE ARTE BENE MOR.

nostris, & propagantur usque ad mundi consummationem; in mundi consummatione laudem aut vituperationem publicè sortiantur.

Ac ut exemplis rem illustremus, non desunt homines pii, qui Xenodochiis extructis, aut Monasteriis, aut Gymnasiis, in quibus multi vel convalescunt, vel instituuntur ad pietatem, vel erudiuntur in disciplinis; & hæc opera perseverant in longum tempus: alii scribunt libros utiles ad sapientiam, vel ad varias artes, vel pietatem, & alia bona opera propaganda, quibus multi singulis ætatibus proficiunt, & adjuvant proximos suos: nec desunt homines improbi, qui scriptis libris lascivis, vel seditiosis, vel etiam hæreticis, multos homines perdunt; & extructis theatris ad ludos gladiatorum, vel ad comœdias obscenas, vel alio modo proximis nocent in longum tempus post obitum suum. Quoniam igitur in fine mundi processus omnes finem accipient, & merita omnium hominum, sive bona sive mala, consummabuntur; æquum erit, ut eo die, omnium qui fluxerunt ab initio mundi maximè memorabili, Iudicis supremi potentissimi atque iustissimi sententia proferatur.

Hæ sunt igitur causæ, cur præter iudicium particulare, quod fiet in morte singulorum, expectandum sit iudicium

univer-



## LIBER SECVNDVS. 155

universale in consummatione sæculi. Explicandum igitur breviter est, quis sit futurus Iudex in hoc tremendo iudicio, unde veniet, ad quem locum veniet, quos iudicabit, & quæ erit sententia iudicantis. Iudex erit sine ulla dubitatione Dominus noster IESVS Christus. ipse enim apud sanctum Matthæum sic loquitur: *Cum venerit Filius hominis in maiestate sua, & omnes Angeli cum eo; tunc sedebit super sedem maiestatis sue, & congregabuntur ante eum omnes gentes, & quæ sequuntur.* Idem confirmant Apostoli, Petrus, Paulus, & Ioannes. Petrus in Actis Apostolorum ait: *Ipse est qui constitutus est a Deo Iudex vivorum & mortuorum.* Apostolus Paulus in iisdem Actis, Deus, inquit, statuit diem, in quo iudicaturus est orbem in aequitate, in viro, in quo statuit, sustentans eum a mortuis. Apostolus Ioannes in Evangelio sic loquitur: *Dedit ei potestatem iudicium facere, quia Filius hominis est.* & in eodem loco. Pater non iudicat quemquam, sed omne iudicium dedit Filio.

Veniet autem ad iudicandum de cælo, & veniet usque ad aërem terræ vicinum, ut videri & audiri possit ab omnibus qui in terra erunt. Audi Christum ipsum apud Matthæum: *Videbitis Filium hominis venientem in nubibus caeli.* Audi Apostolum Paulum scribentem ad Thes-

2. The. Theſſalonicenſes, *Rapiemur*, inquit, *cum illis in nubibus obviam Chriſto in aera*. & hoc ipſum prædixerat Ioël Propheta:

Ioël 3. *Congregabo omnes gentes, & deducam eos in vallem Iofaphat, & ibi diſceptabo cum eis*. Ex verbis autem illis, *in vallem Iofaphat*, rectè intelligitur eo loco futurum eſſe iudicium omnium maximum; tum quia vox Hebraica, Iofaphat, propriè ſignificat, Dei iudiciu. n, tum quia vallis Iofaphat eſt prope Ieruſalem, ad partem Orientalem Templi, ut ſanctus Hieronymus teſtatur in Commentario Capitis tertii Ioël. Quo loco nullus eſſe poteſt opportunior pro tanto iudicio: inde enim conſpicitur Ieruſalem, ubi Ch. iſtus prædicavit, & iudiciu. ultimum futurum eſſe prædixit: inde etiam conſpicitur mons Calvaria, ubi Chriſtus idem pro redemptione generis humani cruci fuit affixus; & mons Oliveti, unde victor mortis in calum aſcendit. Ad eum igitur locum in nubibus caeli Chriſtus veniet cum omnibus Angelis, qui ſunt ut minimam multitudinem, & deus nullus cent no. nulli ut Daniel ſenbit. Dixi

Item, *et multum*, quoniam ſententia ſancti Dionyſii Areopagita & ſancti Thomæ eſt, numerum Angelorum ſanctorum ſuperare numerum omnium rerum corporalium. Ibi etiam aderit cum Rege Chriſto omnis multitudo

LIBER SECVNDVS. 157

titudo sanctorum hominum in corporibus gloriosis, de quibus dicitur in Apocalypsi: *Vidi turbam magnam, Apoc. 7* quam dinumerare nemo poterat, ex omnibus gentibus, & tribubus, & populus, & linguis.

Erit igitur in hoc iudicio spectaculum, quale non fuit ab initio mundi, neque fiet. Porro rei mortis æternæ erunt omnes impii, qui resumptis corporibus, nudi, & mæsti mæstitia summa & incredibili, astabunt in terra ab Angelis adducti ex toto orbe terrarum ad vallem Iosaphat & loca vicina. Numerus autem eorum erit longè major numero sanctorum, cùm Dominus ipse dixerit: *Multi sunt vocati, pauci electi, & Arcta est via, que ducit ad vitam, 22. & pauci inveniunt eam; lata est via, que ducit ad perditionem, & multi sunt qui intrant per eam. Quid si verum est, ut est verissimum, multitudinem sanctorum hominum numerari non posse: quantum minùs numerari poterit turba reproborum? His autem adjuncti erunt spiritus maligni, qui sunt etiam in numero maximo.* *Matt. 22. Matt. 7. Apo. 7.*

His ita constitutis, antequam sententia Iudicis proferatur, libri rationum aperientur, ut ex Daniele Propheta, & sancto Ioanne intelligi potest. Quid sint hi libri qui in Iudicio aperientur, explicat Apostolus Paulus ad Corinthios, dicens:

# 158 DE ARTE BENE MOR.

II. Cor. dicens Nolite ante tempus iudicare quoad-  
 4<sup>o</sup> usque veniat Dominus, qui & illuminabit  
 abscondita tenebrarum, & manifestabit  
 consilia cordium. Effundet enim Deus  
 ejusmodi lumen, ut in eo cernantur  
 conscientiae omnium hominum impio-  
 rum. Videbunt igitur omnes qui in eo  
 theatro erunt, conscientias omnium, ac  
 per hoc opera, verba, cogitationes, ap-  
 petitiones. O quale spectaculum erit,  
 videre conscientias hypocritarum, men-  
 dacium, proditorum, cavillatorum, qui  
 nihili faciebant, per omnia sacra peje-  
 rare. Ex hac publicatione scelerum &  
 flagitiorum omnium hominum, ex qua  
 sequetur præjudicium futuræ senten-  
 tiæ; id fiet, quod legitur in Apocalypsi:

Apoc. 6. Reges terra, & Principes, & Tribum, &  
 6. druites, & fortes, & omnis servus &  
 liber, abscondent se in speluncis, & petris  
 montium; & dicent montibus, & pe-  
 tris: Cadite super nos, & abscondite nos  
 à facie sedentis super thronum, & ab  
 ira Agri; quoniam venit dies magnus  
 ira ipsorum, & quis poterit stare? Et  
 hoc idem prædixit Dominus in Evan-  
 gelio, cum crucem in humeris defer-  
 ret, alloquens pias mulieres: Filie Ieru-  
 23. salem, nolite flere super me, sed super vos  
 ipsas flete, & filios vestros, quoniam ecce  
 venient dies, in quibus dicent: Beata steri-  
 les, & ventres qui non genuerunt, & ubi-  
 ra qua non lactaverunt. Tunc incipient  
 dicere

# LIBER SECVNDVS. 159

*dicere montibus : Cadite super nos; & collibus : Operite nos. Ad extremum feretur sententia a Iudice dicente, Venite benedicti, Ite maledicti. & ibunt iusti in vitam æternam, & iniusti in ignem æternum.*

Obsecro ego nunc Lectores meos, ut cogitent & recogitent sæpè & attentè, se quoque futuros in hoc theatro; & nunc cum tempus habent, seriò deliberent quid factò opus sit. Neque obijciant, diem Iudicii adhuc procul abesse, ut non sit opus ante tempus cruciari, quasi instet dies Domini. Nam si fortè distet Iudicium generale, iudicium particulare non distat, sed instat, & planè præforibus est: & qualis erit sententia iudicii particularis, talis erit & generalis. Itaque quicumque sapit, debet omnino ita se comparare ad sententiam Iudicii divini audiendam, ac si hodie vel cras audienda esset: non enim magis distat hora iudicii quàm distet hora mortis, & hora mortis ab homine sene vel gravi morbo laborante procul abesse non potest. Ergo in expectatione tanti iudicii in quo de summa rei agitur, oportet seriò implorare Advocatum, qui idem Iudex futurus est. *Advocatum enim habemus IESVM Christum justum*, ut Apostolus Ioannes nos docet; & rursus amicos Advocati sollicitare, atque in primis Virgi-

nem clementissimam Advocati parentem, & Angelos, atque homines sanctos. Neque solum vocibus, sed etiam muneribus adire nos convenit tum Advocatum tum Advocati amicos: non enim recusant Sancti munera, quæ non illis profunt, sed pauperibus IESU Christi: ipsi enim Beati in cælo bonorum nostrorum non indigent.

## CAP. III.

*De tertio præcepto Artis bene moriendi, vicina jam morte, quod est de Gehenna.*

POst Mortis & Iudicii considerationem, expedit Gehennæ quoque cruciatus & Paradisi gaudia attentissime cogitare. Hæc enim sunt duo Novissima, quorum alterum unicuique nostrum, Christo iudicante, continget; sed hæc duo sic inter se contraria sunt, ut unum nos miserrimos, alterum felicissimos reddere debeat. Sed quoniam de utroque scripsimus in Libro de Ascensione mentis in Deum, prope finem libri: & rursus de gaudiis Paradisi scripsimus in toto Libro de Æterna felicitate Sanctorum: & de cruciatibus Gehennæ in Libro secundo de Gemitu columbæ; denique de omnibus quatuor Novissimis, in Concionibus Latinis, quæ nobis tunc in mentem veniunt,

nerunt, & diximus ad populum, & scripta reliquimus: visum est hoc loco breviter summa capita attingere; ut Lector habeat, in qua re attentè cogitanda utiliter exercere se possit, dum mortem expectat, atque ad eam cum gaudio suscipiendam se parat.

Igitur de statu infelicissimo damnatorum ad Gehennam tria breviter consideranda suscepimus, locum, tempus, & modum. Locus est, profunditas; tempus, æternitas; modus, pœna sine modo. Locus, inquam, est profunditas: siquidem homines reprobi, propter ingentia crimina lælæ majestatis divinæ, carcerem obtinebunt in profundissima parte mundi, quæ longissimè distat à Regia domo quæ est in calis: hoc enim decebat ut supplicio mulctaretur superbia diaboli & hominum superbiorum. Diabolus enim dicebat. *In calum conscendam, super astra* Is. 14. *Dei exaltabo solium meum, similis ero Altissimo.* sed responsum est illi: *Ad infernum detrahêris in profundum laci.* quod idem continget omnibus hominibus superbi & filiis.

Ex hac autem prima ærumna reprobiorum sequentur tres aliæ, tenebræ, angustia, & egestas. Nam cùm Gehenna sit in centro terræ, ad quem locū radii solis, & lunæ, & stellarum penetrare non possunt; nihil in ea luminis esse

poterit, nisi quantum ex igne sulphureo exire poterit, qui augetur, non minuet poenam. Videbunt enim eo lumine daemones, hostes suos crudelissimos: videbunt quoque homines illos, siue amicos, siue cognatos, qui perditionis eorum causa fuerunt: videbunt denique suam nuditatem, suam mendicitatem, sua vincula, sua tormenta. quæ omnia cuperent fortasse non videre: aliquid boni, unde consolationem possent accipere, certè non videbunt. O tenebras non tenebras! tenebras, ad omnia bona occultanda; non tenebras, ad omnia mala manifestanda.

Porro angustia in gehenna tantæ sunt, ut multitudinem corporum damnatorum vix capiant. Nam cum terra sit quasi punctum impartibile, si cum cæli immensitate comparetur; & gehenna non terram totam, neque partem dimidiam, sed centrum solummodo comprehendat, & numerus hominum damnatorum sit amplior quàm numerus salvandorum, de quibus *tamen* legimus in Apocalypsi: *Vidi turbam magnam, quam dinumerare nemo poterat*; quis animo comprehendere poterit, quantæ sint angustia in gehenna? Eant nunc Reges magni, Nabuchodonosor, Darius, Alexander, Iulius Cæsar, & alii, quos terrarum orbis vix capere poterat; & dilatent, si possunt,

sunt,



fant, angustias gehennæ, ut paulò commodiùs jaceant, & paulò mitius torqueantur. O vanitas vanitatum! extendere & dilatare contendunt mortales serè omnes agros suos, ditiones suas, Regna sua, ut ad breve tempus de subditorum multitudine glorientur; & in mentem illis nunquam venit, quantæ illos in gehenna angustia maneat, ubi non ad tempus breve, sed sine ullo fine, velint nolint, habitare cogentur.

Iam verò quid de incredibili egestate perditorum hominum dicam? Omnium rerum bonarum egeni, sola poenarum abundantia divites sunt omnes illi qui in inferis habitant. Memores quidem erunt in gehenna homines divites, quantis deliciis abundaverint in terradum viverent; siue in cibo & potu, siue in vestibus pretiosis, siue in ventionibus & aucupis, siue in hortis & vineis, siue in theatris & ludis variis. sed hæc omnis recordatio dolorem augebit, cum se viderint in gehenna nudos, jacentes, despectos, rebus ac fortunis omnibus miserrimè spoliatos. tunc dicent quod in libro Sapientia legimus: *Quid nobis profuit superbia? aut divitiarum jactantia quid contulit nobis? transferunt omnia illa tamquam umbra.* Sap. 5.

Veniamus ad secundum caput, quod est, tempus. Quamdiu durabit exilium gehennæ? Utinam non diutiùs quam

duravit incolatus vitæ præsentis ! sed nulla erit comparatio : tempori enim non tempus , sed æternitas succedet. Itaque tamdiu durabit habitatio impiorum in tormentis gehennæ , quamdiu durabit æternitas Dei , quæ sicut principio caret , ita carebit & fine. Tamdiu torquebuntur damnati , quamdiu lætabuntur Beati. Denique tamdiu reprobi morientur , quamdiu Deus ipse vivet : & nisi desinat esse Deus id quod est , non desinent reprobi esse in pœnis in quibus sunt. O vita mortifera ! & mors immortalis ! si vita es , quomodo occidis ? si mors es , quomodo duras ? neque igitur mors , neque vita dicenda es ; quoniam utrumque horum boni aliquid habet , vita quietem , & mors finem ; tu verò neque quietem neque finem habes. Quid igitur te esse dicemus , nisi id totum mali , quod & vita & mors habet ? Magna profectò res esset , si vel mediocriter intelligere possemus quid sit æternitas pœnarum. Hæc enim sola cogitatio , tamquam æanum quoddam , omnes hominum sibilines coërceret ; & ita nostram vitam temperaret ; ut non Christiani modò , sed etiam Anachoretæ sanctissimi omnes esse videremur.

Restat ex tribus rebus propositis solus modus , quem esse diximus pœnam sine modo. Pœna enim gehennæ non est singularis

LIE  
singular  
omnium  
gehenn  
ligentis  
sive exte  
nes istæ  
in homi  
bonum  
ist ad ge  
experim  
final de  
non sim  
eum ter  
lores at  
uo tem  
gehenn  
veneme  
consum  
tum.  
tur , &  
Domini  
ter in e  
planè i  
gehenn  
duratur  
rimo pe  
me vexa  
iusto ju  
vix poti  
plici t  
tempor  
tumvis  
perseve

singularis aliqua pœna, sed pœnarum omnium cumulus: torquentur enim in gehenna omnes potentiae animae intelligentis, & omnes sensus, siue interni, siue externi; idq; non per vices, sed omnes istæ pœnæ, tamquam agmine facto in hominem irruunt. Hic in terris sicut bonum generale Beatorum, ita malum istud generale damnatorum numquam experimur: nam qui oculis dolet, non simul dentibus dolet; & qui dentibus, non simul oculis: & sic de ceteris ad eum lem modum. Sed apud infēros, dolores atrocissimi in omnibus membris uno tempore tolerandi sunt, cum ignis gehennæ totū corpus ambiat, & totum vehementissimè torqueat, & numquam consumat. *Ite, inquit Iudex, in ignem æ-* *Matt. ternum.* & *Isaias: Vermis eorum non mori-* *25.* *tur, & ignis non extinguitur.* quæ verba *Isa. 66* Dominus in Evangelio apud Marcum *Mart. 9* ter in eodem capite repetivit, ut nobis planè in cordibus imprimeret, pœnam gehennæ esse ignem æterno tempore duraturū, & corpus totum dolore acerrimo per omnem eternitatem crudelissimè vexaturum. Qui viderunt hominem iusto iudicio hīc in terris igne cremari, vix potuerūt conspectum ejusmodi supplicii tolerare, cum tamen brevissimo tempore finiatur. Quid si homo, quantumvis reus, ad integrum diem in igne perseveraret; certè nullus ferre posset

ſpectaculum tam horrendum. Dicat igitur intra ſe unusquiſque, Si ferre non poſſum combuſtionem hominis viventis, qui nihil ad me pertinet; quo modo ferre potero combuſtionem corporis mei ad unam horam, vel diem, vel menſem, vel annum? & ſi hoc nimis mihi videtur horrendum, ut ne cogitare quidem id poſſim; qua ſtultitia ego ipſe me tam grandi periculo expono, ut ardeam in æternum? Quod ſi iſta non credimus, ubi eſt fides noſtra? ſi credimus, ubi eſt iudicium? ubi prudentia? ſi ſanæ mentis ſumus, & fidem Scripturis ſanctis habemus, quo modo fieri poteſt ut tam immani periculo imminente non excitemur? Ingrediatur ergo in cor ſuum quicumq; ſalvus eſſe cupit, & rebus omnibus attentiffimè conſideratis ita ſe gerat, ut mors eum paratum inveniatur, & non cum gehennæ ignis excipiat, ſed in gaudium Domini ſui feliciter ingredi mereatur.

## CAP. IV.

*De quarto præcepto Artis bene moriendi vicina jam morte, quod eſt de Gloria Beatorum.*

**R**estat Gloria Beatorum, quæ poſtremum locum inter Noviffima tenet. De hoc Noviffimo illa tria capita ſolum breviter conſiderabo, quæ in ſuperiori

periori  
conſider  
dant. I  
Paradiſi  
ſiam n  
exceden  
Locu  
locus el  
res terr  
omnes  
ſanctis  
mus De  
vivem  
limiſſi  
poſſum  
viagia  
omnibu  
enim,  
tate el  
atque  
verſitat  
cernit  
mundi  
mam li  
dinis p  
ſuo cor  
Locu  
mus,  
admod  
ut eſt  
angusti  
eſt etia  
aqua

periori Capite de gehennæ suppliciis consideravi: locum, tempus, & modum. Locus gloriæ Beatorum, cælestis Paradisus est; tempus, æternitas quæ finem nullum habet; modus, felicitas excedens omnem modum.

Incipiamus à primo. Paradisi cælestis locus est altissimus, supra omnes montes terræ, supra omnia elementa, supra omnes stellas. Inde enim in Scripturis sanctis dicitur Regnum cælorum, *domus Dei, civitas Regis magni, civitas Dei viventis, Ierusalem cælestis*. Ex hoc sublimissimo situ civitatis cælestis facile possumus intelligere, multa esse privilegia sive prerogativas hujus loci præ omnibus locis mundi totius. Primum enim, quò locus in hac rerum universitate est altior, eò quoque est major atque capacior. siquidem figura universitatis rerum creatarum rotunda esse cernitur, sic ut orbis terræ centrum mundi teneat; supremum cælum extremam sive supremam spheram, latitudinis propemodam infinitæ complexu suo contineat.

Locus igitur Beatorum ut est altissimus, sic etiam amplissimus est; quemadmodum econtrario locus perditorum ut est omnium infimus, sic est omnium angustissimus. Deinde, locus altissimus est etiam locus purissimus: certè enim aqua purior est quàm terra, & àër

M 5 quàm

quàm aqua , & ignis quàm aër , & cælum quàm ignis , & cælum empyreum quàm cælum siderum. Denique, locus altissimus, tutissimus etiam est , ut non possit ad eum locum accedere malum ullum , neque flagellum appropinquare tabernaculo ejus. Primum igitur, sedes Beatorum est amplissima , ut possint Beati homines de loco ad locum libere commigrare ; neque periculum erit ne forte fatigentur , cum ex dote agilitatis momentò possint de loco ad locum pergere. Quanta erit illa voluptas , nunc ab Oriente ad Occidentem migrare , nunc ab Austro ad Aquilonem se transferre , nunc orbem totum momentò circuire , dum perditī homines in gehenna ligatis manibus & pedibus in omnem aternitatem uno in loco consistent ? Sed major adhuc felicitas erit hominum beatorum , dum aura illa purissima in cælo fruentur , quam neque tenebræ , neque caligines, neque vapores, neque ventorum flatus, neque pestis ulla inquinare poterit: dum ultra omnem modum miserabiles gehennæ incolæ tetra caligine & fumo æstuantis fornacis, sine ulla spe auræ purioris, in loco illo horroris plenissimo jacere cogentur.

Quid jam de civitate superna dicam, propter summam altitudinem ab omni proditione vel malo quocumque tutissima?

Ps. 90.

Matt.  
22.

sim? Le  
sanctus  
ocum  
hæc ver  
nificat  
in Apoc  
ta qu  
ne, ut  
p. tar  
e. m  
tuam. E  
M. cha  
ex infe  
quod in  
firmare  
tore suc  
hs esse  
lestis le  
povit  
sed con  
neque  
mit: at  
titur ac  
lam, n  
soli illi  
Nunc  
Tempo  
post di  
tempo  
foxi di  
pocaly  
tem f  
e. m

sima? *Lauda Ierusalem Dominum, inquit Ps. 147*  
*sanctus David, lauda Deum tuum Sion;*  
*quoniam confortavit seras portarum tuarum.*  
 Hæc verò portarum munitio non id sig-  
 nificat quod verba sonant, dicitur enim  
 in Apocalypsi de civitate caelesti: *Et por-* *Apoc.*  
*ta ejus non cludentur per diem; nox enim* *21.*  
*non erit illic.* Itaque confortavit Deus seras  
 portarum Ierusalem caelestis, quia fecit  
 eam inexpugnabilem, ob altitudinem  
 suam. Et si draco in cælo pugnavit cum  
 Michaële Archangelo, causa est, non quod  
 ex inferis in cælum contenderit, sed  
 quod in cælo conditus, antequam con-  
 firmaretur in gratia, rebellavit à Condi-  
 tore suo; & in superbiam elatus, æqua-  
 lis esse tentavit Altissimo. Sed quia cæ-  
 lestis Ierusalem in pace fundata est, non  
 potuit inimicus pacis in ea consistere,  
 sed continuò *sicut fulgur de celo cecidit,* *Luc. 10*  
 neque deinceps pedem in ea figere po-  
 tuit: atque ab eo tempore nemo admit-  
 titur ad inhabitandam caelestem Ierusa-  
 lem, nisi in pace perpetua fundatus &  
 solidissime confirmatus. Atq; hæc de loco.

Nunc de tempore pauca dicemus.  
 Tempus habitandi caelestem Ierusalem,  
 post diaboli casum, est tempus sine  
 tempore, id est duratio perpetua sine  
 fluxu dierum & noctium. sic enim in A-  
 pocalypsi juravit Angelus *per viven-* *Apoc.*  
*tem in secula seculorum, quia tempus non* *10.*  
*erit amplius.* & Dominus in Euange-  
 lio,

21.  
21.

lio, completo die novissimo dicet : *Sed ibunt hi, scilicet iniqui, in ignem eternum ; iusti autem in vitam eternam.* Hoc tantum est discrimen, quod iniqui æternitatem inviti patientur, & quærent mortem, & non invenient. Iusti autem nihil jucundius adient quam beatam æternitatem, id est, vitam sine timore moriendi, & standi virtutem sine timore cadendi.

Reliquum est, ut de modo quo se habebunt in Paradiso post resurrectionem Beati, paucis explicemus. Atque id unum verissimè dici posse censeo, omnia bona quæ in terris optantur, quamvis admixta malis plurimis, ea multò majora, & sine ulla admixtione malorum possidenda esse à Beatis in cælo. Quæ in bonis numerantur in terris, hæc sunt, honor, potestas, divitiæ, deliciæ. Honor in cælo hominum Beatorum planè videri posset incredibilis, nisi is id affirmaret qui mentiri non potest. Audi Dominum Christum, qui est Veritas, sic loquentem in Apocalypsi beati Io-  
*Ann. 3. annis : Qui viderit, dabo ei sedem meam in throno meo, sicut & ego vici, & sedi cum Patre meo in throno eius.* Quod, obsecro, ad hunc honorem addi potest thronus certè Filii Dei in cælo altissimus est, & qui in eo sedet, honorem planè incredibilem contectus esse existimari potest. Quis plausus, quæ laudes resonabunt

bunt in  
 Angelis  
 dum me  
 collocab  
 Principi  
 Dominus  
 honorem  
 potesta  
 ti tanta  
 possum  
 est in Eu  
 dico vobis  
 continer  
 significa  
 re parti  
 habet su  
 quanta es  
 omnino  
 Itaque d  
 Sancti o  
 ad anno  
 nitarem  
 Christus  
 novissim  
 stis : Ven  
 paratum  
 mandu  
 De div  
 esse debe  
 erunt div  
 raturæ, &  
 vultus in d  
 omnibus



LIBER SECVNDVS. 177

bunt in cælo coram Deo & omnibus Angelis, quando homo aliquis quondam mortalis & fragilis, Dei manibus collocabitur in throno Filii Dei, qui est *Princeps Regum terre, & Rex Regum, ac Dominus dominantium*. Certè ad hunc honorem nihil addi potest.

Potestas autem ejusdem hominis beati tanta erit, quantam suspicari vix possumus. Ejusdem Christi promissio est in Euangelio, de servo fidei: *Amen Matt. dico vobis, quoniam super omnia bona sua constituet eum*, Quæ verba hoc planè significant, servum fidelem in cælo fore participem potestatis quam Deus habet super omnes res creatas. Et quanta est potestas Dei in res creatas? omnino maxima & incomparabilis. Itaque dicentur, & verissimè erunt Sancti omnes Reges mundi totius, non ad annos paucos, sed in omnem æternitatem. Atque hæc est sententia, quam Christus Index supremus in Iudicio novissimo pronuntiabit, cum dicet Iustis: *Venite benedicti Patris mei, possidere paratum vobis Regnum à constitutione mundi*. *Matt. 25.*

De divitiis Beatorum hoc solum satis esse deberet omnibus hominibus, quod erunt divitiæ amplissimæ & semper duraturæ, dicente Propheta: *Gloria & divitiæ in domo ejus. & Erit Deus omnia in omnibus*, ut Apostolus loquitur in Epistola *psal. 113. 1. Cor. 25.*

stola ad Corinthios. Quæ verba sic exponit Theophylactus, & etiam sanctus Anselmus, ut sensus sit: Erit *Deus omnia in omnibus*; quia nunc res una nobis est cibus, alia potus, alia vestis, alia domus, alia divitiarum, alia voluptas, alia honor, alia potestas: sed in cælo, post resurrectionem, erit Deus Beatis omnibus cibus, potus, vestis, domus, divitiarum, voluptas, honor, potestas. Erunt igitur Beatis in cælo omnia pretiosa, omnia incorruptibilia, omnia divina. Addit sanctus Hieronymus in Epistola ad Amandum, Deum futurum omnibus Beatis omnia non solum corporalia, sed etiam spiritualia. nunc enim gratiarum divinarum non dantur omnes omnibus; sed uni sapientia, ut Salomoni; alteri bonitas, ut Davidi; alteri patientia, ut Iob: cum autem rerum omnium finis advenerit, tunc omnia in omnibus erunt, ut singuli Sanctorum omnes virtutes & dona possideant. Quid, quaeso, daret in hoc mando avarus, ut divitias omnes omnium possideret? quid luxuriosus, ut voluptates quas cupit, omnes consequeretur? quid ambitiosus, ut honores & dignitates, quas ambit, omnes assequi posset? Et tamen ista temporalia sunt, & cito peritura; & quod miserabilius est, brevi cum sempiterna egestate, & dolore, & ignominia commutanda. Cur ergo non  
quærimus

quærimus Deum, in quo uno bona omnia spiritualia & corporalia in omnem æternitatē mansura possidebimus?

Sed quid tandem de gaudio & voluptate Beatorum dicemus? Isaias & Paulus exclamant, & dicunt: *Oculus non vidit, Isa. 64. auris non audivit, in cor hominis non ascendit, 1. Cor. 2.* que præparavit Deus diligentibus.

Verè enim paravit Deus justis diligentibus se in cælesti patria gaudium, lætitiā, voluptatē, delicias, dulcedinem, suavitatē, qualem nullus mortaliū neque gustavit, neque cogitatione assequi umquam potuit. Tria requiruntur ut delectatio generetur, potentia, objectum, & unio potentia cum objecto: & quod ista majora sunt, eò major gignitur delectatio. Nulla potentia in rebus creatis major, & vivacior, & delectationis capacior est rationali voluntate: nullum objectum præstantius, & amabilius, & suavius est essentia Creatoris. *Gustate, inquit David, & videte, quoniam suavis est Dominus. Ps. 33. Et Sapiens loquens de sole & stellis, Quorum, inquit, si specie delectati, deos putaverunt, Sap. 13. sciant quanto his dominator eorum speciosior est. Speciei enim generator hæc omnia constituit.* Nulla conjunctio magis intima cogitari potest, quàm Dei cum voluntate rationali, dicente Apostolo: *Qui adhaeret Domino, unus spiritus 1. Cor. 6.* est. Conjunctio corporum ut plurimum

in

174 DE ARTE BENE MOR.

in superficie fieri solet, ad interiora non penetrat; & tamen sic afficit homines corporalis voluptas, ut ad internam quo tammodo religantur. Quam igitur suavitatem, quam dulcedinem gustabit anima, quando de intus conjungetur cum Deo, qui est suavis infinita, ut unus spiritus fiat cum eo? Hic mihi planè verba deunt, ut explicare nullo modo queam, quod cogitando mecum ipse revolve.

Adde, quòd omnis humana voluptas quæ ex rebus creatis oritur, aut inomentanea, aut certè brevissima est; voluptas autem quæ ex conjunctione spiritus humani cum Deo, qui est suavis infinita, nunquam omnino finietur. Et tamen tanta regnat in multis hominibus amentia, ut malint frui carnalibus voluptatibus, sordidis & modicis, & ad tempus brevissimum, quàm maximis & purissimis, & in omnem æternitatem sine ullo dubio duraturis. Atque hæc de quatuor Novissimis hoc loco sufficiant.

C A P. V.

*De quinto præcepto Artis bene moriendi vicina jam morte, quod est de Testamento condendo.*

PRæmissa consideratione mortis appropinquantis, & aliorum Novissimorum,

LI.  
morum  
re para  
mum su  
Ezechia  
qua mor  
lestia lib  
cum Ap  
reliquam  
sanctas  
filius in  
quit, n  
Christi m  
ius effi  
propu re  
Porro  
tiam mo  
veretur:  
testamen  
cum agr  
ris vel a  
vel delir  
non ea p  
fussent c  
Opor  
de are al  
restituere  
illis omni  
re pertine  
trahi ad p  
si quoque  
verò qua  
consulari  
inde prox

## LIBER SECVNDVS. 175

morum, consequens est, ut qui discedere parat ex hoc mundo, disponat domum suam. Sic enim admonuit Isaias Ezechiam, dicens: *Dispone domui tue, Isa. 38*  
*quia morieris tu, & non viues.* A qua molestia liberi sunt viri Regulares, qui cum Apostolis dicere possunt: *Ecce nos Mat.*  
*reliquimus omnia.* Ex quibus fuit unus<sup>19</sup>. sanctus Augustinus, de quo scribit Possidius in ejus Vita: *Testamentum*, inquit, *non fecit, quia unde faceret pauper Christi non habebat: quamvis enim Episcopus esset, tamen more Regularium nihil proprii retinebat.*

Porro testamentum fieri debet ad initium morbi, nisi quis prudenter anteverterit: & non leviter errant, qui de testamento condendo non cogitant, nisi cum ægritudine invalescente à cognatis vel amicis coguntur; quo tempore vel delirare incipiunt, vel certè res suas non ea prudentia disponunt, qua disposuissent dum benè valebant.

Oportet autem ut primum omnium de ære alieno, si quo fortè gravantur, restituendo cogitent. Deinde opes suas illis omnino relinquunt, ad quos de jure pertinere intelligent, neque sinant se trahi ad personas quas magis diligunt, si quoquo modo repugnet justitia. In iis verò quæ ab arbitrio dependent suo, consulant in primis gloriam Dei, deinde proximorum necessitates. Quid si

N 1      fortè

fortè abundant divitiis, quas, uti super-  
vacaneas, pauperibus jam dudum dis-  
tribuere debuissent; non existiment se  
conscientiæ satisfecisse, si hoc ipsum  
cum aliis criminibus suis Sacerdoti a-  
peruerint, & absolutionem obtinue-  
rint; nisi res illas pauperibus erogari  
mandaverint, vel ipsi potiùs continuò  
erogaverint. Est enim sententia com-  
munis sanctorum Patrum & præcipuo-  
rum Doctorum Scholasticorum, res su-  
pervacaneas pauperibus deberi, de qua  
re scripsimus in Libro priore, Capite  
nono, quæ reperenda non sunt. De iis  
verò quæ arbitrio suo donare poterunt,  
consultant viros pios, quæ sint opera  
charitatis magis grata Deo, pro loco &  
tempore: alicubi enim magis urgebit æ-  
dificatio Ecclesiæ, vel Cœmeterii; alibi  
collocatio pauperularum virginum in  
matrimonio; alibi multitudo agrotan-  
tium in xenodochio, vel pauperum  
mendicantium in plateis; alibi redemp-  
tio captivorum. Denique, in hujusmodi  
distributione nulla est regula melior,  
quam *fides sincera, & providentiæ perspicax*,  
ut scribit S. Ambrosius, vel *charitas cum*  
*prudentiâ, & prudentia cum charitate con-*  
*juncta*, ut loquitur sanctus Gregorius.  
Illud autem magni momenti esse vi-  
detur, ut eleemosynæ quæ fiunt à vi-  
ventibus, vel ut fiant mandantur à mo-  
rientibus, tunc potissimum aut fiant,

*Lib. 3.  
de Of-  
fic. c.  
48.  
3. Par.  
P. 1. 1.  
Adm.  
21.*

aut

aut mandentur ut fiant, quando is qui facit vel mandat, est gratus Deo; tunc enim meritum magnum conciliant largienti, & ejusmodi boni eleemosynarii recipiuntur à bonis amicis *in aeterna ta- Luc. 16*  
*bernacula*, juxta promissionem Christi apud Lucam. Si verò fiant, aut mandentur ut fiant, ab homine impio; tunc eleemosynæ non prosunt ad vitam æternam, quidquid sit de aliis meritis; neque efficiunt ut largitores recipiantur in aeterna tabernacula. Quare consulendum est à prudenti Confessario vel amicis homini, qui sibi conscius est quòd testamentum condiderit cùm jaceret in cæno lethalis peccati, ut post novam confessionem integrè & ritè peractam, confirmet, & approbet, ac ratum habeat id totum quod in suo testamento disposuerat, ac præsertim de eleemosynis post obitum suum vel Ecclesiæ vel pauperibus largiendis.

Addendum est postremò, ut qui in testamento suo multis muneribus affecit proximos suos, non obliviscatur animæ suæ, præsertim cùm facilè fieri possit, ut non recta in cælum evolet, sed ad purgatoria loca deducatur. Itaque prudenter & piè faciet, si partem eleemosynarum jubeat conferri Sacerdotibus, qui pro anima ipsius Sacrificia Domino offerant. *Sancta enim & sa- 2. M<sup>as</sup>.*  
*lubrus est cogitatio pro defunctis exorare, ut a<sup>12</sup>.*

## 178 DE ARTE BENE MOR.

*Lib. de*  
*curat*  
*pro mor*  
*2115 6.*  
peccatis solvantur, ut dicitur in libris Machabæorum. Ex quo loco colligit sanctus Augustinus, multò magis juvari animas defunctorum Sacrificio Corporis Christi, si juvabantur sacrificiis pecorum in Testamento veteri.

### CAP. VI.

*De sexto precepto Artis bene moriendi vicina jam morte, quod est de Confessione peccatorum.*

POst considerationem quatuor Novissimorum, & rebus domesticis exeditis, necesse est ut homo senex, vel periculoso morbo laborans, serio altissimum applicet, rejectis aliis curis, ad Sacramentum Pœnitentiæ ritè percipiendum. Sæpè enim accidit ut Sacramentum Pœnitentiæ, quo tempore magis est necessarium, illo ipso tempore minus accuratè suscipiatur. Qui enim gravi morbo laborant, vel doloribus impediti, vel debilitate, aut deficiente iudicio, vel horrore propinquæ mortis, vel amore charorum quos inviti relinquunt; satis imperfectam confessionem peccatorum faciunt, & valde ægè contritionem veram & perfectam in illis angustis in se ipsi excitare queunt.

Testis ego possum esse hujus difficultatis.



tatis, quam ægroti ut plurimum patiuntur. Nam cum aliquando inviserem amicum, virum divitem & nobilem, qui ex peccato quodam gravi perpetrato in morbum lethalem inciderat, atque ei dicerem, nihil ei salutarium in eo temporis articulo esse posse, quam veram peccatorum suorum pœnitentiam & contritionem, quia Deus cor contritum & humiliatum numquam despicit. respondit ille: Et quid est contritio? non capio quid à me requiras. Subjeci ego: Hoc requiro, ut ex vero corde displiceat tibi quod in Deum peccaveris; & omnino statuas, si diutius vixeris, numquā amplius Deum offendere; idque totum procedat ex vero amore Dei, qui tibi innumerable beneficia præstitit, cui tu ingratus pro beneficiis injurias reddidisti. Respondit ille: Non intelligo, non sum capax rerum istarum. Ita obiit, signa damnationis suæ satis aperta nobis relinquens. Hæc & similia exempla nos monent; ut cum bene valemus, sic conscientiam nostram exoneremus, & pœnitentiam veram agamus, ac si illa confessio ultima nobis esset futura.

Sed nihilominus tamen in ipso gravi morbo Confessio Sacramentalis quanta fieri potest diligentia fieri debet; ac præsertim contritio excitanda est ex vero dolore præteritorum, & proposito firmissimo non amplius peccandi, si ulterius

rius sit vivendum. Neque solum de peccatis commissis pœnitentia agenda est, sed etiam de operibus bonis omissis, ad quæ ex officio vel ex charitate tenebamur. multi enim satis accurate peccata in Deum vel proximum admissa considerant; omissionum autem facile obliviscuntur, vel eas non magnificiunt. Addere possum etiam hoc loco exemplum satis utile.

Ægrotabat ad mortem Episcopus valde doctus & pius. Accessit ad eum Sacerdos utrique nostrum amicus, à quo hoc accepi quod narro. Quæsit ab Episcopo communis amicus, an conscientia ejus latis pacata esset: respondit, per gratiam Dei nihil grave sibi occurrere, quod in Deum se commisisset ab ultima confessione meminisset. Addidit Sacerdos amicus, an conscientia omissionum non eum reprehenderet, cum Apostolus tam sollicitè Episcopum Timotheum admonuerit, dicens: *Testificor co-*

*2 Tim. tam Deo, & Iesu Christo, qui judicaturus est vivos & mortuos, per adventum ipsius, & Regnum ejus: predica verbum, in ista opportunitate, importune, argue, obsecra, increpa in omni patientia, & doctrina. His auditis, ingemuit bonus Episcopus, & ait: Verè omissiones me non parum exterrant, & his dictis, cœperunt oculi ejus profundere flumina lacrymarum.*

Potèrò iis qui ad bene moriendum se parant,

parant, præcipuè contritio necessaria est: Confessio enim sine contritione vel attritione vera, non sufficit ad salutem: Satisfactio quoque vel sine contritione non prodest, vel ægrè ab ægroto præstari potest: Contritio verò, quæ charitatem includit, etiam sine confessione & satisfactione, cùm illæ præstari non possunt, ad salutem perducit. Nam, ut paulò antè diximus, *cor contritum & hu-* Ps. 50.  
*miliatum Deus non despiciet.* Contritio igitur ægoranti sollicitè quærenda nobis esse videtur: cujus rei habemus exemplum egregium sancti Patris Augustini, qui teste Possidio, qui ejus vitam scripsit, in ultima ægritudine ex qua defunctus est, describi sibi jussit Psalmos Davidicos qui ad pœnitentiam pertinent; ipsosque quaterniones, jacens in lecto, contra parietem positos diebus suæ infirmitatis intuebatur, & legebat, & jugiter ac ubertim fiebat. Et ne intentio ejus à quoquam impediretur, cavebat. Ante dies fermè decem quàm exiret de corpore, postulavit à familiaribus suis ne quis ad eum ingrederetur, nisi iis tantū horis, quibus Medici ad inspiciendum intrarent, vel cùm ei inferretur refectio: nam omni reliquo tempore orationi vacabat. O beatissimum & sapientissimum virum! Post Baptismum susceptū, & peccata præteriti temporis ei dimissa, vixit annos tres &

quadraginta, in quibus usque ad ultimam ægritudinem assidue prædicavit verbum Dei: scripsit libros innumerabiles, Ecclesiæ universæ utilissimos: vitam duxit sine querela, innocenter & sanctissimè: & tamen in ultima senectute & morbo per dies plurimos contritioni & poenitentiae ita vacavit, ut in legendis Psalmis Poenitentialibus jugiter & ubertim fieret. Et planè observanda sunt duo illa verba *jugiter & ubertim*. Non enim una die vel hora contritioni vacavit, sed per dies plurimos sapissimè & copiosissimè peccata sua deflevit, & cujus generis peccata deflevit vir sancti. Unus opinor, venialia tantùm: ut non solum à flammis gehennæ, sed etiam ab igne purgatorio liber rectè in caelum conscenderet. Et si vir sanctus & prudens delicta venialia per tot dies jugiter & ubertim deflevit; quid faciendum esset illis, qui non solum pro delictis venialibus, sed etiam pro criminibus lethalibus satisfacere debent Deo?

Igitur ægroti omnes qui vicinam habent mortem, ita se comparent antequam ægrotent, ut in senectute vel morbo non sit illis necessarium gravia peccata expiare, sed pro levioribus tantùm delictis poenitentiam agere; & facta Confessione & Communione & Unionione ita se communire studeant adversus insidias diaboli, ut ad patriam cælestem

caelestem feliciter Deo duce & Angelo  
sancto Custode comitante perveniant.

## CAP. VII.

*De septimo praecepto Artis bene moriendi  
vicina jam morte, quod est de Sacro-  
sancto viatico.*

**V**Eteres Christiani in administrando  
Sacroviatico, & Sacra unctione æ-  
grotis, primo loco inungebant ægrotos  
Sacra unctione, deinde porrigebant iis-  
dem ægrotis sacratissimum Christi Cor-  
pus. Ac ut unum vel alterum testimo-  
nium adferamus, extat apud Lauren-  
tium Surium Tomo primo Vita sancti  
Guilielmi Archiepiscopi Bituricensis,  
qui vixit temporibus Innocentii Tertii  
Pontificis. In ea sic legitur: *Unctionis Sa-  
cramentum humiliter ac devotè suscepit: eo  
percepto, sacrosanctam Eucharistiam sibi  
porrigi instantissime postulavit; ut tanto  
timoris duce munitus, posset securius hostium  
cuneos penetrare.* Id ipsum habetur de  
sancto Maiachia, in Vita ejus à sancto  
Bernardo conscripta, quod videlicet  
Eucharistiae viaticum post Extremam  
unctionem acceperit.

Præter hæc duo testimonia, quæ de-  
monstrant ordinem inter Extremam  
unctionem & Eucharistiam, possunt  
adferri alia duo, quæ docent Viaticum

fuisse postremum, quamvis non fiat mentio unctionis extremæ. In Vita sancti Ambrosii, quam scripsit Paulinus, habetur, Viaticum datum fuisse sancto Ambrosio morte jam imminente; ita ut sumpto Viatico statim spiritum emiserrit. Idem omnino scribit Simeon Metaphrastes de sancto Ioanne Chrysostomo in Vita ipsius. Itaque perspicuum est, apud veteres ultimum Sacramentum fuisse viaticum Corporis Domini.

Nos hoc tempore primum ægrotos munimus Sacro viatico, deinde post aliquot dies morbo crescente inungimus Oleo sancto. Uterque ritus habet suas rationes. Veteres considerabant, Olei sancti venerabile Sacramentum institutum fuisse tum ad bonam valetudinem recuperandam, tum ad peccata, sive peccatorum reliquias expellendas. Sic enim loquitur sanctus Ia-

142 5. cobus: *Infirmatur quis in vobis? inducat presbyteras Ecclesia; & orant super eum, ungentes eum oleo in nomine Domini: & oratio fidei salvabit infirmum, & alleviabit eum Dominus: & si in peccatis sit, remittentur ei.* Veteres igitur sperantes ex hac sacra Vnctione sanitatem corporalem ægroti, non differebant hoc Sacramentum ad illud tempus, in quo desperata est salus, Medicorum iudicio; sed cum morbus incipiebat à Medicis periculosus judicari, con-

tinuud

tinuò ad sacram Vnctionem confugiebant. Id quod etiam potest intelligi ex eo quod sanctus Bernardus scribit in Vita sancti Malachiae Episcopi, eundem sanctum virum ægrotantem, ex cubiculo, quod erat in parte superiore domus, descendisse pedibus suis ad Ecclesiam, ut Vnctionem extremam primùm, deinde Viaticum acciperet; & his Sacramentis susceptis, rediisse etiam pedibus suis nullo adjuumento ad cubiculum & lectum suum. Nostro tempore ægroti, cum audiunt mentionem fieri Extremæ unctionis, arbitrantur jam actum esse de vita sua; eaque de causa cognati vel amici, ne ægrotos terreant, differunt hoc Sacramentum quamdiu possunt.

Est etiam alia ratio, quæ veteres movebat, ut primo loco inungerent ægrotos, deinde Viaticum eis præberent; quia videlicet in Sacramento Vnctionis remittuntur peccata, ut jam ex Apostolo Iacobo audivimus: & idè vocatur à nonnullis veterum Extrema unctio, *Pœnitentia infirmorum*. Peccatorum autem remissio & pœnitentia rectissimè præponitur, tamquam præparatio sive dispositio ad altissimum Sacramentum Eucharistiæ, quod puritatem maximam requirit.

Denique Sacramenta omnia concluduntur,

duntur, & quasi consignantur Sacramento Corporis Domini. Sic enim qui baptizantur adulti, ut Hebraei vel Turcae, post Baptismum continuè confirmantur, & admittuntur ad Sacrificium Missæ, & sacram Eucharistiam percipiunt. Sic etiam qui pœnitentiam agebant, pœnitentia peracta ad Eucharistiam, saltem more veteri, semper accedebant. Illi etiam qui Ordines minores vel majores accipiunt, susceptis Ordinibus, ad sacram Communionem accedunt. Denique qui Matrimonio junguntur, Sacramentum conjugii Sacramento Eucharistiæ muniunt, & confirmant. Nostro tempore invertitur ordo, non sine causâ rationabili. Sæpe enim accidit, ut Extrema unctio, ne terreantur ægroti, differatur in longum tempus; & periculum est, ne interim ægrotus vel usum rationis amittat, vel alia de causâ reddatur inhabilis ad sacrosanctam Eucharistiam ritè percipiendam. Idèd igitur Viaticum nostro tempore præmittitur. Melius enim est, ut inverso ordine Sacramenta ista ministrantur ægrotis, quàm ut altero eoque saluberrimo careant. Unctio enim extrema conferri potest ægrotis etiam in agone positis, & non intelligenti vel sentienti quid circa se agatur, modò tamen in vivis sit: defuncti enim nullius Sacramenti capaces sunt. Atque hæc



hac de ordine Sacramenta ægrotis conferendi.

Venio nunc ad pretiosum Christi Corpus ægrotis utiliter conferendum. Ac primum breviter exponam, quid agendum sit ægrotis, antequam Sacramentum ad eum deferatur; deinde, quid agere debeat idem ægrotus, Christi Corpore præsentem; denique, quomodo se gerat, divinisimo cibo recreatus.

Quod attinet ad primum, ego confulerem, nisi Patri spiritali aliquid utilius suggerendum occurrerit, ut diligenter ægrotus consideraret verba illa sancti Thomæ: *O sacrum convivium, in quo Christus sumitur, recolitur memoria passionis eius, mens impletur gratia, & futura glorie nobis pignus datur!* Primum igitur attentè considerabit, sacrosanctam Eucharistiam præberi nobis viatoribus per modum cibi, ut non deficiamus in via ad patriam, præsertim eo tempore, quo longo itinere fatigati vires minui solent. Dicitur autem hic *cibus convivium*, & *sacrum convivium*; quia licet detur in specie solius panis, tamen est integrum magnumque convivium; & convivium non profanum, sed sacrum; non corporis, sed animæ: idè additur, *In quo Christus sumitur*. est enim sub illis speciebus sive accidentibus panis, verum Christi Corpus,

non separatum ab anima & Divinitate; ac per hoc res maxima, & pretiosissima, & ingens, dulcissimumque convivium, omnem saporem suavitatis exuperans; sed animæ nutriendæ & delectandæ, non corpori accommodatum.

Qui sint autem fructus sive utilitas huius cibi, additur, cū dicitur, *Recolitur memoria passionis ejus, mens impletur gratia, & futura gloria nobis pignus datur.* Primus igitur fructus huius convivii est, memoria passionis Christi: idem enim in duplici specie, panis & vini, Corpus & Sanguis Domini consecratur, ut species panis repræsentet Corpus à Sanguine separatum, ac per hoc mortuum; & species vini repræsentet Sanguinem separatum à Corpore, quamvis sub utraque specie Christus totus & vivens existat. Voluit enim Dominus, ut per hæc mysteria jugis & quotidiana memoria apud nos extaret venerandæ passionis suæ, per quam omnia mala evasimus, & omnia bona consecuti sumus. Hinc enim Dominus ipse dixit Apostolis suis de hoc Sacramento loquens: *Hoc facite in meam commemorationem.* & Apostolus Paulus hæc Domini verba exponens ait: *Quotiescumque manducabitis panem hunc, & calicem bibetis, mortem Domini annuntiabitis, donec veniat. hoc est, Quæ celsitudo; ad hoc sacrosanctum mysterium accesseritis,*

*Inc. 22*

*1. Cor.*

*11.*

L  
accesse  
stom D  
bis; &  
usque  
ni, id  
mation  
nos affi  
mortis  
meriam  
memor  
sua erg  
in illo  
morte.  
pro qu  
criter p  
Alter  
notatur  
gratia  
ti Euch  
debita  
quemad  
una est  
stomach  
membri  
borari  
cibi ab  
inanem  
debilita  
guada r  
cibus in  
tuies p  
Memor  
gratia

accesseritis , memores eritis , Christum Dominum vitam posuisse pro vobis ; & hæc commemoratio durabit usque ad secundum adventum Domini , id est , usque ad mundi consummationem . Voluit autem Dominus nos assidue memores esse passionis & mortis suæ , quia sciebat , hanc memoriam nobis utilissimam fore ; ut memores tam admirabilis charitatis suæ erga nos , omnem spem nostram in illo poneremus , tum in vita , tum in morte . Quid enim negare poterit illis , pro quibus vitam ipsæ suam tam alacriter posuit ?

Alter fructus hujus cælestis convivii notatur in verbis illis , *Mens impletur gratia* : quod est privilegium Sacramenti Eucharistiæ singulare , quando cum debita præparatione suscipitur . Nam quemadmodum cibus corporalis , res una est , & per manducationem ad stomachum trajicitur ; tamen omnia membra corporis reficit , nutrit , roborat , exhilarat : contra verò nimia cibi abstinencia non stomachum solum inanem reddit , sed omnia membra debilitat , extenuat , deformia & languida reddit , ac tandem occidit : sic cibus iste divinus omnes animæ spirituales potentias reficit , nutrit , roborat . Memoria hoc sacro alimento impletur gratiâ dulcissimæ recordationis beneficiorum

Ad.  
25.

ficiorum Dei, ac præcipuè passionis Dominicæ, per quam liberati & salvati sumus. Intelligentia hoc eodem alimento repletur gratiâ fidei, non habitualis tantum, sed etiam actualis: fides autem purificat corda ab erroribus plurimis, & replet mentem intelligentia rerum divinarum, quæ incredibile gaudium parit. Denique voluntas hoc ipso alimento repletur gratiâ spei certissimæ, & charitatis ardentissimæ: quæ cum sit regina virtutum, omnes virtutes ad se trahit; quarum possessione homo ditissimus cælestium opum evadit. Sic igitur per hoc divinisimum Sacramentum mens repletur gratia.

Denique *futura glorie nobis pignus datur* per hoc idem salutiferum Sacramentum. Sumpta est autem metaphora pignoris, ab eo quodd inter homines non potest negari id quod promissum est, quando in fidem servandæ promissionis relictum est pignus. Reliquit autem Dominus Corpus suum in Eucharistia, ut pignus cælestis beatitudinis. Proinde qui moritur, suscepto Corpore Dominico cum debita puritate & reverentia; is pignus ostendet, & à cælesti felicitate excludi non poterit. Ostendit autem pignus, qui moritur unitus Christo per veram charitatem, quam reliquit in anima digna perceptio hujus salutiferi Sacramenti. Tunc enim egreditur

LIBER SECVNDVS. 197

enim egreditur anima de corpore, ut  
*sponsa innixa super dilectum suum.*

Atque hoc est, quod scribit sanctus  
Ioannes in Apocalypsi, cum dicit: *Beati* *Apos.*  
*mortui qui in Domino moriuntur; id est,* <sup>14.</sup>

Beati morientes, qui moriuntur con-  
iuncti Domino, ut membra capiti. *Ne. Ioa. 3.*

*mo enim ascendit in calum, nisi qui descen-*  
*dit de calo, Filius hominis, qui est in calo.*

Filius autem hominis Christus non  
ascendit sine corpore suo, cui ipse est  
caput. Proinde soli illi moriuntur in  
Domino, qui dum moriuntur, adhæ-  
rent Domino, ut membra capiti: quod  
illi omnes obtinent, qui paulò ante  
mortem Christum in Eucharistia dignè  
percipiunt.

Atque hætenus de præparatione æ-  
groti ad Viaticum percipiendum, ante-  
quam Viaticum ipsum sit præsens. Nam  
statim atque Sacrum viaticum allatum  
est, debet ægrotus eo modo quo po-  
test assurgere, & Dominum suum vel  
in genua provolutus, vel certè incli-  
nato capite adorare. Sæpè autem Do-  
minus vires præbet, ut homines, etiam  
moribundi, in illa hora consurgant, &  
genua flectant. Sic enim legimus de  
sancto Guilielmo Archiepiscopo Bita-  
ricensi: *Ut autem Dominum & Creato-*  
*rem suum ad se venisse cognoverat, illuc*  
*resumptis viribus de strato profectus, tam-*  
*quam iam febris omnis abscisisset, non*  
O sine

sine stupore circumstantium, maximè quod jam serè in supremo spiritu positus videretur, coniecto gradu procedit obviam Salvatori suo, vires subministrante charitate; flexisq; genibus, totus lacrymis diffuens, illum adorat: utq; sapius genua possit flectere, crebro prostratus erigitur; illiq; suum agonem tota devotione commendat; orans ut quidquid purgandum superest, ipse purgare dignetur, ne quid fumeus possit invenire minucus.

Videtur autem mihi optimum factu, ut ægrotus antequam Domini Corpus accipiat, recitet, vel recitari audiat versiculos illos sancti Thomæ Aquinatis, qui simul fidem protestantur, & spem erigunt, & charitatem accendunt. Sunt autem hi:

Adoro te devotè latens Deitas:  
Qua sub his figuris verè latitas.  
Tibi se cor meum totum subjicit,  
Quia te contemplans totum deficit.  
Visus, gustus, tactus in te fallitur,  
Sed auditui soli tutò creditur.  
Credo quidquid dixit Dei Filius,  
Nihil Veritatis hoc verbo verius.  
In cruce latebat sola Deitas,  
Sed hic latet simul & humanitas.  
Ambo tamen credens atque confitens,  
Peto quod petivit latro pœnitens.  
Plagas, sicut Thomas, non intueor,  
Deum tamen meum te cōfiteor.  
Fac me tibi semper magis credere,

In te

*In te spem habere, & diligere.*

*O memoriale mortis Domini,*

*Panis verus vitam prastans homini,*

*Præsta mea mens de te vivere,*

*Et te illi semper dulce sapere.*

*Pic pellicane I E S V Domine,*

*Me immundum munda tuo Sanguine,*

*Cujus una stilla saluum facere*

*Totum mundum possit omni scelerare.*

*I E S V, quem velatum nunc afficio,*

*Quando fiet illud quod tam sitio,*

*Vt te revelata cernens facis,*

*Visa sim beatus tua glorie?*

His versiculis deuotissimè recitatis, vel auditis, præmissa confessione ordinaria, *Confiteor Deo, &c.* & accepta Sacerdotis absolutione & benedictione, & dicto, *Domine non sum dignus; summa qua potest humilitate & deuotione adjungat: In manus tuas Domine, &c.* & sacrosanctum ac calicem cibum securè accipiat.

Sumpto Viatico, restat gratiarum actio pro tam eximio Dei beneficio: & præter orationes vocales quæ ex piis libellis recitari solent, valde utile esset, ut qui Viaticum accepit, ingrederetur cubiculum cordis sui, & tacitus intra se meditaretur verba illa dulcissima Domini I E S V, quæ habentur in Apocalypsi: *Eccce sto ad ostium, & pulso, si quis* <sup>Apoc.</sup> *aperuerit mihi, intrabo ad eum, & cenabo* <sup>3.</sup> *cum illo & ipse mecum.* hæc enim pro-

prie conveniunt illis qui à sacra Communionem recedunt : Dominus enim, qui hoc Sacramentum instituit in specie convivii, nihil aliud magis cupit, quàm ut Christiani ad convivium istud accedant, & hoc significatur illis verbis: *Ecco fit ad opus, & pulso*; id est, ego me ipse invito ad commune convivium, ut simul pascar. *Si quis mihi aperuerit*, assentiens bono desiderio à me illi inspirato, ut simul convivamus; *introducat eum*, per sacrosancti convivii communicationem: *& cenabo cum illo, & ipse mecum*. Deus enim cenare dicitur nobiscum, quando delectatur de nostro spiritali profectu, juxta illud Prophetæ: *Latabitur Dominus in operibus suis*. Et in eodem loco: *Iucundum sit ei eloquium eorum, ego vero delectabor in Domino*. Quibus verbis exprimitur mutua delectatio, & quasi dulce convivium Dei cum anima, & animæ cum Deo. Deus enim delectatur de profectu spiritali animæ, & anima delectatur de acceptis à Deo beneficiis, quorum præcipuum est, quod ipse idem per hoc magnificentissimum Sacramentum cum anima quodam modo conglutinari dignetur.

Cogitet igitur anima fidelis post acceptum Viaticum, quàm dulce & quàm fructuosum sit habere hospitem Christum, dum sacra illæ species durant,



non solum ut Deum, sed etiam ut hominem; & posse cum illo cum fiducia agere, & pericula atque angustias suas in exitu de corpore cum illo communicare, sequi illi ex toto corde commendare, atque ab eo petere ut tentatorem reprimat, Angelum sanctum comitem sibi adjungat, atque ad portum salutis se perducatur.

## CAP. VIII.

*De ultimo præcepto Artis bene moriendi  
vltima jam morte, quod est de Vnctione extrema.*

**V**ltimum Sacramentum est Sacramentum, quæ magnam consolationem ægroto adferre potest, si virtus ejus intelligatur, & ipsum Sacramentum opportuno tempore percipiatur. Duo sunt effectus hujus Sacramenti, ut Capite superiori dicebamus; sanitas corporalis, & remissio peccatorum. De utroque effectû paucis distremus. De primo sic loquitur S. Iaco <sup>1<sup>aa</sup>. 5.</sup> bus: *Infirmatur quis in vobis? inducat presbyteros Ecclesia, & orent super eum, ungentes eum oleo in nomine Domini; & oratio fidei salvabit infirmum.* Hæc sanè latis aperta & certa promissio est.

Cur autem rarissimè nostro tempore convalescant ægroti hac Vnctione

suscepta, duæ sunt causæ: una est, quia nostro tempore seuius quàm oporteret, hoc Sacramentum exhibetur agrotis: neque enim per hoc Sacramentum miracula expectanda sunt, quale miraculum esset, si is qui agit animam, contritò convaleretur. Verùm, si hoc Sacramentum conferretur agrotis quando periculosè agrotare incipiunt, sæpè videremus effectum saniratis, quæ non quidem in momento, sed tempore suo succederet. quæ causa est cur Extrema unctio non conferatur iis, qui propter commissæ crimina à carnifice interficiuntur: isti enim non nisi अपertissimo miraculo à mortis periculo liberari possunt. Altera causa est, quia non semper expedit agrotò à morbo suo liberari, sed expedit potius mori; & oratio Ecclesiæ, qualis est quæ funditur in hac Vnctione, non petit absolute sanitatem agroti; sed si utile illi sit ad salutem æternam eo tempore convallescere.

Alter effectus hujus Sacramenti est, Remissio peccatorum. Sic enim loquitur sanctus Iacobus, *Et si in peccatis fuerit, remittentur ei.* Sed quoniam remissio peccati originalis propriè pertinet ad Baptismum; remissio peccati actualis, tum ad Baptismum, si baptizentur adulti; tum ad Sacramentum Pœnitentiæ: idè Theologi docent, pec-

L  
pecca  
mento  
quias  
nera e  
enim  
pecca  
post  
suscep  
postea  
ignora  
illa est  
vione  
& ide  
sariur  
religi  
let. E  
cit sar  
m, res  
peritè  
& T  
Ali  
rum e  
tristit  
tos :  
Et Iac  
Exhil  
proto  
siones  
bila  
ea d  
extre  
grotu  
ligit.

## LIBER SECVNDVS. 197

peccata quæ remittuntur in Sacramento Vnctionis extremæ, esse reliquias peccatorum. Sunt autem duo genera ejusmodi reliquiarum: aliquando enim reliquias peccatorum dicuntur peccata ipsa lethalia, aut venialia, quæ post Sacramentum Pœnitentiæ jam susceptum commissa sunt, & non sunt postea Confessario manifestata; vel ex ignorantia, quia non sciebat pœnitens illa esse peccata lethalia; vel ex oblivione, quia memoriæ non occurrerunt; & ideo non quæsit ægrotus Confessarium cui illa confiteretur. Has igitur reliquias peccatorum Sacra unctio delet. Et de hoc genere peccatorum dicit sanctus Iacobus: *Si in peccatis fuerit, remittentur ei.* Quod etiam satis aperte docent Concilium Florentinum & Tridentinum sess. 14. can. 2.

Aliud genus reliquiarum peccatorum est quidam horror & torpor, sive tristitia & mœror, quæ invadunt ægrotos: & huc respicit illa promissio sancti Iacobi, *Et alleviabit eum Dominus.* Exhilarat enim hoc Sacramentum ægrotos, quando attendunt ad promissiones divinas, quæ in hoc venerabili Sacramento exprimuntur: atque ea de causa non deberet differri ad extremum illud tempus, quo ægrotus nihil audit, vel nihil intelligit.

Quanta verò sit utilitas hujus Sacramenti, ex ipsa forma verborum intelligi potest. Inungantur enim Sacro oleo præcipuè quinque loca corporis, in quibus sedes sunt quinque sensuum, videlicet sensus videndi, sensus audiendi, sensus olfaciendi, sensus gustandi, & sensus tangendi; & interim Sacerdos dicit: *Indulgeat tibi Dominus quidquid deliquisti per visum, auditum, &c. sic de aliis.* Et quoniam Oratio illa est forma Sacramenti; sine debitatione ulla efficaciter operatur id quod verba sonant, nisi aliquid impediatur ex parte suscipientis.

Quanta verò sit in hoc Sacramento liberalitas & benignitas Dei nostri, facile intelliget, qui cogitaverit quanta multitudo peccatorum profluat ex his quinque fontibus peccatorum. Atque hæc causa est, cur S. Malachias Episcopus Hibernus, cujus Vitam scripsit S. Bernardus, cum distulisset ad aliquot horas ministrare Sacramentum Vnctionis extremæ cuidam nobili seminae ægrotanti, & illa interim vitam cum morte commutasset, tanto dolore correptus sit, ut in cubiculo mulieris defunctæ cum suis Presbyteris tota nocte jacuerit orans & lugens, culpæ suæ deputans, quòd illa pia mulier per Sacramentum Extremæ unctionis vel non convalesceret, vel tam largam indulgen-

tiam peccatorum de Domini liberalitate non perceperit. Quia verò sanctus ille Episcopus amicus Dei erat, à Domino suo precibus & lacrymis obtinuit ut mulier illa resurgeret, & ab eodem sancto viro cum ingenti devotione inuncta, utrumque effectum Sacrae unctionis acciperet: nam & planè convaluit, & ad multos annos supervixit, & indulgentiam peccatorum, ut pie credimus, non amisit. Hoc exemplum tanti viri, & ab alio sanctissimo viro fideliter literis commendatum, potest omnibus facile persuadere quanti fieri debeat hoc venerabile Sacramentum.

## CAP. IX.

*De nono precepto Artis benè moriendi vicina jam morte, quod est de prima tentatione diaboli, id est, de Hæresi.*

**P**Ropinquante morte, diabolus adversarius noster, tamquam leo rugiens<sup>1. Pet.</sup> non deest tibi, sed tamquam ad prædā<sup>5.</sup> velox accurrit, & totis viribus in extrema illa lucta moribundum aggreditur. Primum verò prælium inchoare solet à tentatione circa fidem. Nam & res quas credimus, non solum supra sensum, sed etiam supra rationem naturalem ascendunt; & ipsa eadem fides, fundamentum justificationis

nostræ est ; & eo fundamento everso, omnis ædificatio bonorum operum corruit. Est autem hæc tentatio facile omnium gravissima, quia prælium nobis est cum adversario non solum doctissimo & acutissimo, sed etiam ejusmodi præliis assueto ab exordio mundi. Ipse omnes Principes hæreticorum seduxit, quorum non pauci, viri optimi & sapientissimi fuerant. Rectè igitur Apostolus nos admonet, dicens:

*Eph. 6.* *Non est nobis colluctatio adversus carnem & sanguinem, id est, adversus homines; sed adversus spiritualia nequitia in caelestibus, id est, adversus dæmones qui spiritus sunt, & spiritus nequissimi & astutissimi, & ex cælo aëreo nos omnes vident. Arma nostra in hoc prælio non sunt disputationes, sed simplex veritatis fides. Sic enim Principes Apostolorum nos docent. Apostolus Pe-*

*1. Pet. 5.* *trus, Adversarius, inquit, vester diabolus, tamquam leo rugiens circuit quærens quem devoret; cui resistite fortes in fide.*

*Eph. 6.* *& Apostolus Paulus, In omnibus, inquit, sumentes scutum fidei, in quo positis omnia tela nequissimi ignea extinguere. Itaque ex doctrina Apostolorum non oportet cum diabolo disputare, sed clypeo fidei excipere & retorquere omnia tela ipsius quantumvis ignita & ardentia, id est, efficacia & subtilia esse videantur.*

Habemus

Habemus exemplum valdè tremendum apud Petrum Barocium, Episcopum Patavinum, qui scripsit libros tres de Ratione bene moriendi. Is in libro secundo sic loquitur: *Fuere, quemadmodum audiui, duo quondam viri eruditissimi, & omnium qui ex eodem gymnasio essent, in disputando facile principes: ac iidem bene morati, maximeq; religiosi, & quibus unus cum excessisset è vivis, ei qui superstes erat, in sua fortè bibliotheca Scriptura sacra studiis incumbenti totus ardens apparuit; territòque, ac qua nam citam grandis pœna causa foret, interroganti, gemens dolensq; respondit: Cum essem migraturus è vita, venit ad me hostis antiquus, & quoniam apprimè eruditum noverat, sciscitari cepit, de fide quid crederem. Ego, quæ in Apostolorum Symbolo sunt, credere me respondi. Ille exponi sibi quadam, quæ minus lucida viderentur, rogavit. Exposui, ut in Symbolo Athanasii legeram. Neque enim lucidiùs aut verius exponi posse putabam. Tum ille, Non est, ait, ut putas: sed quæ ad Patrem pertinent, partim aperta & vera, partim obscura & falsa sunt. Nam ipse quidem æternus est, non tamen ut semper Deus, sic semper & Pater: sed prius Deus, postea Pater. Ad hac cum ego exclamarem hereticum esse documentum, doctrinamque diabolicam: Non est, inquit ille, clamoribus differendum, sed rationibus, si veritatis indaganda studio ducimur.*

Ego quid pro mea sententia sit, duere facile possum: tu quid pro tua sit, explicare si poteris, ab errore me grandi liberaveris. Ipse noster, qui ingenio & doctrina mea magis quam equum erat considerem, cum eo tamquam cum uno quolibet hominum ceterorum disputare capsi; tandemque rationibus, quas mihi ex adverso plurimas ingerebat, & quod magis admiratus sum, Scriptura sacra testimoniis in errorem me paulatim tam nefarium misit, ut jam neque Filium neque Spiritum sanctum Deum putarem. Interim rapuit animam mors, & qualem reperit, Iudici obtulit. Ab eo discedere in hunc ignem sum iussus: quem, etsi maximus est, tolerabilem tamen utcumque putarem, si post mille annorum millia finiendus foret. Sed aternus est, idemque tantus, quantum nulla apud nos vidit aetas; ut me in singulas ferme horas scientie mee pariter, qua in tam immane precipitum me deiecit. & haec dicens evanuit. At ille tum rei novitate, tum vero amici damno permotus, ut in se primum re- versus est; cum is qui sibi amicissimi erant, quod viderat contulit; petuitque quidnam adversus ejusmodi rem fultu optimum ducerent. Decretum in commune est, ut ad eam se quisque fidem referret, quam Catholica servat Ecclesia. Paulo post in agrotationem, ex qua mor-



mortuus est, incidit. Et ecce ad eum itidem antiquus hostis, prioris disputationis successu animosior venit; querit de fide, quid credat. Respondet, ex dere se quæ Mater Ecclesia credit. Rursus antiquus hostis, quidnam credat Mater Ecclesia, sistitur. Et ille, Quod ego, inquit; atque in hunc modum, audientibus his qui astabant, veluti ab aliquo interrogatus, Credo quæ credit Ecclesia, & Ecclesia credit quæ ego credo, tantisper dicere non cessavit, dum animam redderet. Ita factum est, ut delusa namque versuta, ipse in calum migraret. Et post paucos dies amicus, quos quidam in huiusmodi re factus optimum videretur consuluerat, longe alio habitu corporis apparens, gratius egit, quod eorum consilio ad cel. ste Regnum ascenderat. Quæ nos uti sunt gesta describere superfluum arbitrati non sumus, ut horum vel infortunio vel successu discere unusquisque posset, de fide cum diabolo disputari non oportere: sed satis esse, si ad eam unusquisque se referat fidem, quam Catholica servat Ecclesia. Hæc Barocius, cui nihil est quod addamus.

## CAP. X.

*De decimo praecepto Artis bene moriendi,  
vicina jam morte, quod est de secunda  
tentatione, id est, de Desperatione.*

*Lib. 5.  
cap. 14*

**A**ltera tentatio solet esse de Despe-  
ratione, qua tentatione diabolus  
solet non solam improbos homines,  
sed etiam valde pios aliquando vexa-  
re. Et quidem homines valde impro-  
bos satis facile imminente morte in  
desperationis barathrum detrudit: sub-  
jicit enim ante oculos mentis omnia  
omnino crimina, quæ dum viverent,  
gesserunt: ut de quodam milite scribit  
venerabilis Beda in libro 5 Historiæ  
gentis suæ, cujus hæc sunt verba: Fuit  
quidam temporibus Coenredi, qui post Edil-  
redum regnavit, vir in laico habitu at-  
que officio militari positus: sed quantum  
pro industria exteriori Regi placens, tan-  
tum pro interna scilicet negligentia dis-  
plicens. Admonebat ergo illum sedulo ut  
confiteretur, & emendaret ac relinqueret  
scelerata sua, priusquam subito mortis super-  
ventu tempus omne penitendi & emen-  
dandi perderet. Verum ille, licet frequenter  
admonitus, spernebat verba salutis; se-  
sequæ tempore sequenti penitentiam actu-  
rum esse promittebat. Inter hæc tactus  
infirmirate, cecidit in lectum, atque acris  
capitis

cœpit dolore torqueri. Ad quem ingressus Rex (dilige-  
bat enim eum) multumhorta-  
batur ut vel tunc, antequam moreretur,  
penitentiam ageret commissorum. At ille  
respondebat, non se tunc velle confiteri pec-  
cata sua, sed cum ab infirmitate resurge-  
ret; ne forte exprobrarent sibi sodales, quod  
timore mortis faceret ea, qua sospes facere  
noluerat. Fortiter quidem, ut sibi videba-  
tur, locutus, sed miserabiliter, ut postea  
patuit, damoniaca fraude seductus est.  
Cumque morbo ingravescente, demum ad  
eum invisendum ac docendum Rex intraret,  
clamavit statim miserabili voce: Quid  
vis modo? quid huc venisti? non enim mihi  
aliquid utilitatis aut salutis potes ultra  
conferre. At Rex, Noli, inquit, ita loqui;  
vide ut sanum sapias. Non, inquit, insa-  
nio, sed pessimam mihi conscientiam certus  
præ oculis habeo. Paulo antè intraverunt  
ad me duo pulcherrimi juvenes, & rese-  
derunt circa me, unus ad caput, & unus  
ad pedes; protulitque unus libellum per-  
pulchrum, sed valdè modicum, ac mihi  
ad legendum dedit; in quo omnia quacum-  
que bona feceram intuens scripta reperi:  
& hæc erant nimis pauca & modica. Tunc  
subito supervenit exercitus malignorum  
& horrendorum spirituum. Tunc ille,  
qui obscuritate tenebrosa faciei, &  
primatu sedis major esse videbatur, pro-  
ferens codicem horrenda visionis, & ma-  
gnitudinis enormis, & ponderis panè  
imper-

impertabilis, iussit uni ex satellitibus suis  
 mitti ad legendum deferri. Quem cum le-  
 gissim, inveni omnia scelera, non solum  
 quæ opere vel verbo, sed etiam quæ tenuis-  
 sima cogitatione peccavi, manifestissime in  
 eo tetris esse descripta litteris. Sic loqueba-  
 tur miser desperans; & non multo post  
 defunctus, penitentiam, quam ad breve  
 tempus cum fructu venia facere supersedit,  
 in æternum sine fructu pœnis subditus facit.  
 hæc venerabilis Beda. Vbi manifeste  
 videmus, hostem nostrum diabolum  
 primum egisse cum isto miserabili mi-  
 lite ut non ageret penitentiam, spe  
 vitæ longioris; deinde adegisse eum ad  
 desperationem.

Alterum exemplum habetur apud  
 eundem Auctorem in sequenti capite,  
 Lib. 5. ubi sic loquitur: Novi, inquit, ipse fra-  
 c. 15. trem, quem utinam non nosses; cuius  
 illiæ. etiam nomen, si hoc aliquid prodesset, di-  
 cere possem, positum in Monasterio nobili,  
 sed ipsum ignobiliter viventem. Hic percus-  
 sus linguore, atque ad extrema perductus,  
 vocavit fratres, & multum mœrens ac dam-  
 natosimilis, capit narrare quia videret in-  
 ferros apertos, & satanam immersum in  
 profundum tartari: Carpham quoque cum  
 ceteris qui occiderunt Dominum juxta eum  
 flammam ultricibus contraditum; in quo-  
 rum vicinia, inquit, heu! misero mi-  
 hi locum aspicio æterna perditionis esse  
 preparatum. Audientes hæc fratres:  
 capernit

ceperunt diligenter hortari, ut vel tunc adhuc positus in corpore *pœnitentiam* ageret. Respondebatur ille desperans: Non est mihi modo tempus vitam mutandi, cum ipse viderem iudicium meum jam esse completum. Talia dicens, sine Viatico abiit, & corpus ejus in ultimis est Monasterii locis humatum. hac Beda. Quod autem hic miserabilis Monachus dicit, non fuisse tunc sibi tempus vitam mutandi, non ex veritate, sed ex diaboli persuasione dicit. Spiritus enim sanctus apertissime clamat per Ezechielem Prophetam, Deum <sup>Exech.</sup> semper esse paratum amplecti eos qui <sup>12.</sup> convertuntur à peccato ad pœnitentiam. quod apertius docet sanctus Leo Papa in Epistola ad Theodorum Formulientem Episcopum his verbis: *Misericordia Dei nec mensuras possumus ponere, nec tempora desinere, ad quem nullus paratur venire moris confusio, dicunt Spiritus Dei per Prophetam: Cum confusus ingemueris, tunc saluus eris.*

Addam exemplum unum vel alterum, quibus demonstratur, à dæmone tentari etiam piissimos viros in exitu de hac vita de peccato desperationis. Extat apud Laurentium Surium Vita <sup>Tom. 5</sup> B. Comitis Elzearii, qui vixit in virginitate cum conjugē sua Dalphina, & post <sup>al. die</sup> sanctissimam mortem multis signis & <sup>27. Septemb.</sup> miraculis claruit. Is tamen in exitu de hac vita tentationes gravissimas toleravit.

vit. sic enim scribit Auctor in ultimo capite : *Ad extremum in agone positus, vul- tum prætulit valde terribilem, unde colligi licet, cum in magno versari labore ob quædam illi objecta : atque sub ejusmodi conflictu exclamavit : Magna est demonum vis ; sed eam penitus enervarunt virtus & merita sanctæ Incarnationis & Passio- nis IESU Christi. Post parvulum rursus exclamans ait : Plane vici. Post aliquan- tulum temporis spatium, cum ingenti cla- more dixit : Totum me divino iudicio com- mitto. Atque his dictis reparatus est vul- tus ejus, & quodam rubore atque splendore, multaque elegantia persusus reddidit spi- ritum.*

Alterum exemplum multò adhuc ter- ribilius, extat apud Ioannem Clima- cum, qui refert, Monachum quemdam valdè venerabilem, nomine Stepha- num, cum annos circiter quadraginta in eremo vixisset, jeuniis, vigiliis, la- crymis, precibus, aliisque virtutibus ex- ornatus; ad exitum tandem pervenisse. Cùm autem in extremo illo agone con- stitutus, à demonibus multorum crimi- num reus fieret, ut ad desperationem impelleretur; repenti obstupuisse ani- mo, & apertis oculis clara voce re- spondere cœpisse, aliquando quidem: *Ita sane, re vera ita est, sed penitentia & lacrymis crimen dilui. aliquando verdò: Non est ita, mentimini. deinde rursus:*

*Verum*

LIBER SECVNDVS. 209

Verum loquimini, sed servi, sed ministra-  
ri. in quibusdam tamen: Verè me accu-  
satis, & quid respondeam non habeo. At-  
que ita obiit, ambiguum relinquens,  
salvæne an reprobus esset. Hæc igitur  
& alia ejusdem generis exempla nos  
moneant, ut antè horam illam sollicitè  
conscientiam nostram expurgemus, &  
numquam de misericordia Domini dis-  
fidamus.

CAP. XI.

*De undecimo præcepto Artis benè moriendi  
vicina jam morte, quod est de tertia  
tentatione, id est Odio Dei.*

**A**Dversarius noster diabolus non so-  
lùm nititur quantum potest ut mo-  
ribundos spoliaret fide, & spe, & inducat  
in hæresim & desperationem; sed etiam  
contendit amicos Dei ab amicitia ejus  
separare, & inducere in odium Dei, &  
blasphemias, & magicas artes. Isti ut  
plurimum non timent mortem, nec pœ-  
nas gehennæ. Sperant enim se apud in-  
feros felicem vitam acturos, utpote so-  
cios demonum, quos in inferis regna-  
re arbitrantur. Scribunt de hac re Gril-  
landus in libro de Sortilegis, questione  
nona, numero secundo, & ex eo Marti-  
nus del Rio libro sexto Disquisitionum  
magicarum, capite primo, sectione

tertia. Sic igitur loquuntur hi Auctores : Postquam captæ sunt maleficæ, ut ipsamet sæpè factæ sunt, tunc diabolus nihil aliud satagit, nec laborat in alio, nisi in persuadendo ut persistant in sententia usque ad mortem. Adducantur licet in supplicii locum, ignisque succendatur; se illorum corpora & laqueo & flammis palam erepturum, facturumque ut ex flammarum contactu nullum dolorem percipiant. Quid si mori illas contingat incendio, mortem illam cruciatus expertem fore; migraturas ex hujus vitæ miseris absque supplicii sensu, ut in futuræ vitæ beatitudinem transferantur; illic eas dæmonibus similes fore, eodem robore, scientia, divitiis, potentia, voluptate, quibus ipse dæmon potitur ac pollet, fore donandas: sic diabolus mendax fallit.

Sunt præterea quidam alii, qui quamvis malefici vel magi propriè non sint, tamen sic ab avaritia excæcati sunt, ut parum omnino ab infidelibus absint. Neque enim sine causâ beatus Apostolus avaritiam appellavit idolorum servitutem.

Ego ipse invisens aliquando agrotum morti propinquum, cum inciperem loqui de præparatione ad exitum de præsentivita: respondit constanti animo, & sine ullo metu, ac dixit: Ego,

*Domine*



## LIBER SECVNDVS. 211

*Domine, cupio alloqui te non pro me, sed pro conjug. mea, & filijs meis, eo enim propero ad inferos, neque est quod aliquis pro me agat. hæc vero protulit animo tranquillo, ac si de itinere ad villam vel oppidum aliquod loqueretur. Ita nimirum diabolus animam ejus sibi subjecerat, ut non cuperet nec vellet ab eo divelli. Nec tamen magus aut necromanticus erat, sed artem exercebat valde periculofam; & intentus lucro per fas & nefas, oblitus videbatur non solum Dei, sed etiam animæ suæ. Summa est, cum multis verbis illum ad meliorem mentem revocare tentassem, nihil efficere potui. Cupiet fortasse aliquis nosse, quam ille artem exerceret. dicam, ut ejus interitus aliis hominibus ejusdem artis, si qui sunt ei similes, prosit ut resipiscant. Procurator causarum erat, ex illorum numero, qui non multum laborant, utrum causam justam an injustam defendendam suscipiant. Atque interim utrique parti injuriam faciunt, modò ipsi marsupium impleant.*

*Addam unum, quando in hunc sermonem incidi. Vir quidam apprimè doctus cum mecum ageret, & merita causæ cujusdam exponeret; ego sermonem ejus interrompens ajo: Videris mihi causam injustam fovere. ille assentiens respondit: Ego non sum Advocatus*

## 212 DE ARTE BENE MOR.

tus veritatis aut iustitiæ, sed clientis mei. meum est exponere merita causæ, quam defendendam suscepi: Iudex viderit, pro qua parte sententiam ferat. At ego, Nolo, inquam, mihi fidem habeas, sed sancto Thomæ Aquinati, Doctori summo & sanctissimo. is enim in secunda Parte Summæ Theologicæ sic loquitur: *Respondeo, dicendum, quod illicitum est alicui cooperari ad malum faciendum, sive consulendo, sive adjuvando, sive qualitercumque consentiendo. quia consiliarius & coadiuvans quodam modo est faciens: & Apostolus dicit ad Romanos scribens, quod digni sunt morte non solum qui faciunt peccatum, sed etiam qui consentiunt facientibus. unde, ut supra dictum est, omnes tales ad restitutionem tenentur. Manifestum est autem, quod Advocatus auxilium & consilium præstat ei, cuius causæ patrocinatur. unde si scienter injustam causam defendit, absque dubio graviter peccat, & ad restitutionem tenetur ejus damni, quod contra iustitiam per ejus auxilium altera pars incurrit. si autem ignoranter injustam causam defendit, putari esse justam; excusatur secundum modum quo ignorantia excusari potest. hæc sanctus Thomas: explicat autem Caje-ranus Cardinalis ultima verba sancti Thomæ, dicens: Qui omnino defendisset, sive justam sive injustam causam, quamvis nescias injustam esse, non ex*

2.2.9.

71. Ar.

3.

Rom. 1

igno-

ignorantia, sed cum ignorantia qua non excusat; patrocinator injuste. Qui etiam non curant discernere & penetrare, an iustam vel injustam causam suscipiant; manifeste negligunt scire id quod tenentur scire. hæc ille.

Ad has tentationes addi potest alia, quæ non tam nocet quàm prodest, quamvis diabolus ea utatur ut noceat. Solet enim ipse hostis generis humani plerumque adesse, seque terribili facie ostendere morituris, ut eos si decipere non potest, saltem impediat ab alacritate & studio orationis. Sic de beato Martino scribit Severus Sulpitius, morienti apparuisse diabolum, ei quæ à sancto Martino dictum: *Quid hic astas cruenta bestia? nihil in me funeste reperies.* Scribit quoque venerabilis Petrus Damiani in Vita sancti Odilonis, apparuisse prædicto Odiloni pauld ante mortem diabolum terribilissima specie, de quo sic ipse beatus Odilo locutus dicitur: *In ipsa me decessionis hora, in illo angulo (ostendebat enim quasi digito locum) vidi figuram quamdam trucem nimis atque terribilem, quæ mihi terribilissimæ suæ visionis horrorem atque formidinem tentavit incutere: sed Christi confortante virtute, nulla me potuit infestatione nocere.* Scribit etiam sanctus Adelelinus Sagien-<sup>22. A.</sup>sis, Episcopus apud Laurentium Surium in Vita sanctæ Opporunnæ virginis,

morienti sanctæ Opportunæ apparuisse diabolum in specie nigerrimi Æthiopis, ejus capilli & barba distillabant quasi picem calidam & liquidam, oculi ejus erant quasi ferrum ignitum, quod de fornace multis scintillis emicans producitur: de ore & naribus ejus flamma exibat, & vapor sulphureus.

Cur autem Deus permittat sanctos viros ejusmodi visionibus exerceri, docet Angelus Domini in Vita sancti Aicardi, quæ extat apud Laurentium Suriū ad diem quintumdecimū Septembris. Nam cū diabolus esset in quodam Monasterio intentus ad prædam, Angelus sanctus ejus Monasterii Custos, dixit ad diabolum: *Habebis in ministeriū Monachis quidem fructuosum, sed non tibi proficuum: illis ad expiationem, sed tibi ad confusionem.* & respondente diabolo: Numquid ego sum aut ullus Christi- culus deus, or sum ad salutem? respondit Angelus: *In hoc, inquit, tu dubites, quia si quid in eis est quod reserari debeat, horrore visionis tue purgabitur.* Deinde paulō post idem Angelus sancto Aicardo de diabolo dixit: *Non crederis à facili ejus nulla et in hac Christi farsula ad nocendum ditiā potestas est, præterquam quod animabus et corpore exiturus visio illius expatibiles terrorem incutiat: si in eis aliquid est quod reserari debeat, horrende illius visionis terrores expietur.*

## CAP. XII.

*De duodecimo praecepto Artis bene moriendi vicina iam morte, quod est de remedio primo adversus tentationes diaboli.*

**E**Xposuimus Capitibus superioribus tentationes quatuor, quæ moribundos graviter vexare solent. adversus eas tentationes duo remedium genera adhiberi possunt. Unum est pro iis qui compotes sunt rationis, & audire & intelligere possunt quæ ipsis dicuntur: alterum est generale pro omnibus, idque utilissimum atque tutissimum.

Quod ad primum attinet, si tentatio fidem Catholicam impugnât, nullo modo expedit, ut supra diximus, cum diabolo disputare. Sed generatim admonendi sunt agroti qui tentantur, ut si tentatio versatur circa naturam Dei, qui unus in essentia, & trinus in personis credendus est, cogitent quàm multa ignoramus de rebus creatis, non solum spiritualibus, sed etiam corporalibus: siquidem magna pars hominum non facile credere potest, stellas firmamenti singulas majores esse toto orbe terrarum: & tamen hoc ipsum Mathematici facile demonstrant esse verissimum. Quid si res ista, quæ corporalis est, non

intelligitur à plurimis, qui tamen fidem habent hominibus doctis: cur non credent de natura Dei id quod ipse Deus per Apostolos & Prophetas revelavit, & signis ac miraculis plurimis & maximis confirmavit?

Quodd si tentatio ad ea pertineat, quæ Deum fecisse & in dies facere credimus, quale in primis est transmutatio panis & vini in Corpus & Sanguinem Christi, remanentibus accidentibus panis & vini; adhibenda sunt exempla rerum innumerabilium, quas credimus Deum fecisse, cum earum nullam rationem reddere possimus. Quis capiat, mundum universum solo Dei nutu ex nihilo fieri potuisse? & tamen multi id credunt, qui mysterium Eucharistiæ adduci non possunt ut credant. Quis itidem crederet, corpora omnium defunctorum redacta in cineres vel in pulveres, aut à bestiis vorata, vel in herbas conversa; jussu Domini in momento resurrectura? & tamen hoc omnes Catholici facile credunt, & in Symbolo confitentur; & credidit hoc ipsum Iob ante aliquot annorum millia. ait enim:

*Iob 19* Scio quod Redemptor meus vivit, & in novissimo die de terra surrecturus sum; & rursum circumdabor pelle mea. Ex his igitur & aliis id genus mirandis operibus Dei, quæ superant captum nostrum, facile credi possunt alia, quæ nobis Ecclesia

LII  
clesia C  
fit Eccl  
si man  
propon  
Fit em.  
Qui v  
Srem,  
plare i  
loagēfi  
nam p  
Spiritu  
144. A  
tens, &  
nus ut  
me oper  
vitiatio  
Iob  
cuius r  
f. l. et  
eniqu  
ex cere  
quam  
verissim  
ritum  
Iropor  
li pro  
rat, P  
cām s  
sunt, &  
indui  
lum in  
vium s  
& inv

LIBER SECVNDVS. 217

clesia Catholica credenda proponit, cùm sit Ecclesia, Apostolo teste, columna & <sup>1 Tim.</sup> firmamentum veritatis. Hæc & similia <sup>3.</sup> proponi possunt iis qui tentantur circa Fidem.

Qui verò tentationes patiuntur circa Spem, iis proponenda est magnitudo planè infinita misericordiæ Dei, quæ longè superat numerum & molem omnium peccatorum. Sic enim loquitur Spiritus sanctus per Davidem in Psal. 144. *Miserator & misericors Dominus, patiens, & multum misericors. Suavis Dominus universis, & miserationes ejus super omnia opera ejus.* Item proponenda est propitiatio Mediatoris, de qua sanctus Ioannes dicit: *Ipse est propitiatio pro peccatis nostris; non pro nostris autem tantum, sed etiam pro totius mundi.* Proponenda quoque est virtus pœnitentiæ, quæ si ex corde verè contrito procedat, nunquam apud Deum repulsam accipiet. verissimè enim scripsit Propheta: *Cor contritum & humiliatum Deus non despiciet.* Proponendum etiam est exemplum filii prodigi, qui vix illa verba protulerat, *Pater peccavi in calum, & coram te;* Luc. 15 cùm statim patris viscera commota sunt, & in complexum filii ruit, & iussit indui tunica pretiosa, & imponi annulum in digitum ejus, & parari convivium solemne, quia filius ejus perierat, & inventus erat.

Deni-

## 2:8 DE ARTE BENE MOR.

Denique proponendum est exemplum sancti Pauli, qui dum adhuc Ecclesiam persequeretur, prævinctus à gratia Dei mutatus est de persecutore in predicatorem. Id quod ipse idem scribit factum esse, ut omnes peccatores ejus exemplo converterentur, & nemo, quantumvis scelestus, desperaret de misericordia Dei. *Fidelis, inquit, sermo, &*  
*1. omnia ceptione digna: quod Christus Iesus venit in hanc mundum peccatores salvos facere; quorum primus ego sum sed ideo misericordiam consequutus sum, ut in me primo ostendat Christus Iesus omnem patientiam, ad informationem eorum qui credituri sunt illi in vitam aeternam.*

Qui autem tentantur à dæmone tentatione gravissima contra charitatem Dei, & incitantur ad odium Dei, & amorem diaboli; docendi sunt primo loco, diabolum esse mendacem, dicente

*Iean. 8. Domino: Cum loquitur diabolus mendacium, ex proprio loquitur, quia mendax est, & pater ejus. Vbi illud, & pater ejus, significat, diabolum esse patrem menda-*

*Tract. cii, ut sanctus Augustinus & sanctus 41. in Ioannes Chrysostomus docent. Diabolus enim primum omnium mentiri Ho 42. in 162. cepit, cum ait Evæ, & per illam Adam. Gen. 3. mo: Nequaquam moriemini. Deus enim dixerat Adamo ut non comederet de ligno verito, si veller numquam mori: diabolus autem, contra dixit ut comederent,*

IIB

derent,  
 diabolus  
 mendax  
 diabolus  
 aeternum  
 omnium  
 iudicium  
 primum  
 pater  
 cunctis  
 mortem  
 opes  
 Denique  
 diaboli  
 eum  
 vere  
 qui thes  
 in eos  
 an care  
 mortem  
 bolum  
 Hæc  
 cogitar  
 essent,  
 iocento  
 diaboli  
 finem  
 audere  
 De  
 ricam  
 vit,  
 nam  
 12. Si



LIBER SECVNDVS. 219

derent, quia non morerentur. Itaque diabolo nulla fides haberi debet, cum sit mendax, & pater mendacii. Deinde diabolus jam iudicatus est ad ignem æternum, cum omnibus qui illum sequuntur. sic enim Dominus dicet in die iudicii: *Ita maledicti in ignem æternum, qui dicitur. paratus est diabolo & angelis ejus. Errant* 25. igitur quicumque diabolo se subjiciunt, sperantes se cum diabolo post mortem apud inferos regnaturos, & opes ac voluptates maximas habituros. Denique experimento constat, omnia diaboli promissa esse fallacia: nemo enim ex iis qui ad notitiam nostram venire potuerunt, adhuc inventus est, qui thesauros ingentes à diabolo promissos acceperit; neque qui ad iudicium ad carceres, vel triremes, vel ad ipsam mortem à legitima potestate, per diabolum eripi potuerint.

Hæc tria si à cupidis hominibus seriò cogitarentur, fortasse pauci aut nulli essent, qui à Deo vere, vereque omnipotente, & sapientissimo, & optimo, ad diabolum mendacissimum, & mendicissimum, nec non miserrimum deficere auderent.

De quarta tentatione nihil est quod dicamus, cum jam satis abundè constiterit, eam tentationem non tam noxiam quàm salutarem morientibus esse. Si quis tamen velit remedium ex

Scri-

## 220 DE ARTE BENE MOR.

Scripturis, ad eam facilius tolerandam: legat ipse, vel jubeat sibi legi, dum horribilis illa visio durat, Psalmum vigesimumtextum, qui incipit: *Dominus illuminatio mea, & salus mea.*

## CAP. XIII.

*De tertiodécimo praecepto Artis bene moriendi vicina iam morte, quod est de secundo remedio adversus tentationes diaboli.*

**E**xplicavimus remedium primum adversus singulas tentationes diaboli: nunc explicabimus remedium secundum, quod erit commune omnibus tentationibus. Hoc magnum & salutare remedium in oratione positum est, sive ipse pro se aegrotus orare possit, sive alii pro ipso orent, sive ipsius aegroti & astantium oratio jungatur. Id enim constat, multum valere orationem timentium Deum; praesertim cum pro comperto habeamus, non posse diabolum tentare, nisi quantum Dominus illi permittit. Est enim quasi leo rugiens, vel canis rabidus catena ferrea alligatus, qui non potest pro arbitrio mordere, sed quantum Deus, qui catenam manu sua potentissima regit, illum mordere sinat. Hoc docet in primis sanctus Augustinus, exponens verba illa

LIBER SECVNDVS. 221

Haec Psalmi : *Dic anima mea : Salus tua Pl. 33.*

ego sum. Et adferens exemplum sancti  
Iob : *Ostendit, inquit, hoc Deus in causa*  
*viri illius sancti Iob, quia & ipse diabolus*  
*auferendi hac temporalia non habet pote-*  
*statem, nisi cum accepit a summa illa*  
*poteestate. Invidere potuit sancto, numquid*  
*nocere potuit? Accusare potuit, damnare*  
*numquid potuit? Numquid valuit ali-*  
*quid tollere? numquid vel unguem, num-*  
*quid vel capillum ledere, nisi Deo dice-*  
*ret: Mitte manum tuam? Quid est, Mit-*  
*te manum tuam? Da potestatem. Acce-*  
*pit. Ille tentavit, ille tentatus est: tentatus*  
*tamen vicit, tentator victus est Deus enim,*  
*qui diabolo permiserat ut illa tolleretur, ille ser-*  
*uum suum interius non deseruerat, & ad*  
*ipsum diabolum superandum, animam ser-*  
*vi sui frameam sibi fecerat. Quantum va-*  
*let hoc? de homine dico. Victus in Para-*  
*diso, vicit in stercore. Ibi victus est à dia-*  
*bolo per mulierem, hic vicit diabolum &*  
*mulierem.*

Hoc ipsum quod sanctus Augustinus  
docet, nihil posse diabolum, nisi quan-  
tum permittit Deus, exemplo suo do-  
cuerunt sanctus Antonius & sanctus  
Franciscus. De sancto Antonio sic lo-  
quitur sanctus Athanasius, qui ejus Vi-  
tam scripsit : *Antonius multitudine demo-*  
*niorum vallatus, quasi de inimicis luderet,*  
*dicebat: Si vinum aliquid haberetis, suf-*  
*ficeret unus ad praelium. sed quoniam*  
*Domino*

Domino vos enervante frangimur, multitudine tentatis inferre terrores; cum hoc ipsum infirmitatis indicium sit, quod irrationabilium induit formas bestiarum. Rursumq; confidens agebat: Si quid valetis, si vobis in me potestatem Dominus dedit, devorare concessum: si verò non potestis, cur frustè nitimini? signum enim Crucis & fides ad Dominum inexpugnabilis nobis murus est.

De sancto Francisco eadem ferè narrat sanctus Bonaventura. Loca, inquit, solitaria quarens, ad solitudines derelictus oraturus nocte pergebat: ubi demonum pugnas & horribiles frequenter sustinuit, qui secum sensibenter configentes, nitentur ipsum ab orationis studio perturbare. Ipse vero armis nimis celestibus, quanto vehementius impetebatur ab hostibus, tanto fortior in virtute, & ferventior reddebatur in opere, fidenter dicens ad Christum: Sub umbra alarum tuarum protege me, à facie impiorum qui me affligerunt. Ad demones autem: Facite quicquid in me valetis, maligni sitis & fallaces. Non enim potestis, nisi quantum vos manus superna relevat: & ego ad perferendum omnia quae ille infligenda d. c. v. nit, cum omni iacunditate paratus asisto. Quam mentis constantiam superbi demoni non ferentes, abscedebant confusi. Hoc igitur iacto solidissimo fundamento, quod diabolus nihil possit, nisi quantum ei Deus permittit; dubitari non potest, quin oratio fervens ad Deum,

S. Bon.  
in vita  
S. Fran-  
cisci c.  
20.

Deum, siue ægroti, siue adstantium, multum omnino valeat, præsertim si ii qui orant, sint amici Dei.

Habemus hujus rei præclarissimum exemplum apud sanctum Gregorium in libro quarto Dialogorum, qui etiam hoc ipsum exemplum in Monasterio suo contigisse, & inter concionandum narrasse se dicit. Hæc sunt ejus verba:

*Is, inquit, de quo in Homiliis coram populo* Litt. 4.  
*me narraſſe jam memini, inquitus* V. l. d. cap. 3.  
*puer fuit, Theodorus nomine, qui in Mona-* Dial.  
*ſterium meum fratrem ſuum neceſſitate*  
*magis quam voluntate ſecurus eſt. Cui ni-*  
*mirum grave erat, ſi quis pro ſalute ſua ali-*  
*quid loqueretur. bona enim non ſolum fa-*  
*cere, ſed etiam audire non poterat. Num-*  
*quam ſe ad ſancta conuerſationis habitum*  
*venire, jurando, irſcendo, deridendo teſta-*  
*batur. In hac autem peſtilentia, qua nuper*  
*hujus urbis populum magna ex parte con-*  
*ſumpſit, percuffus in inſigne, eſt perductus*  
*ad mortem Cumq; extremum ſſitium age-*  
*ret, convenerunt Fratres, ut egreſſum illius*  
*orando protegerent. Iam corpus ejus ab ex-*  
*trema parte fuerat præmortuum, in ſolo tan-*  
*tum pectore vitalis adhuc calor anhela-*  
*bat. Cuncti autem Fratres tanto caperunt*  
*pro eo enixius orare, quanto cum jam vi-*  
*debant ſub celeritate diſcedere. Tunc re-*  
*pentè caput eiſdem Fratribus aſiſtentib;*  
*clamare, atque cum magnis vocibus ora-*  
*tiones eorum interrumpere, dicens: Recedite,*

Q

reced-

recedite. Ecce draconi ad devorandum datus sum, qui propter vestram presentiam devorare me non potest. caput meum iam suo ore absorbit: date locum ut me non amplius cruciet, sed faciat quod facturus est. Si ei ad devorandum datus sum, quare propter vos morus patior? tunc Fratres caperunt ei dicere, Quid est quod loqueris, frater? signum tibi sancte Crucis imprime. Respondit ille dicens: Volo me signare, sed non possum, quia squamis huius draconis premor. Cumq; hoc Fratres audirent; prostrati in terram cum lacrymis caperunt pro ereptione illius vehementius orare. Et ecce subito cepit ager clamare dicens: Gratias Deo, ecce draco ille, qui me ad devorandum acceperat, fugit, orationibus vestris expulsus stare non potuit. pro peccatis meis modo intercedite, qui converti paratus sum, & saecularem vitam sordibus relinquere. Homo ergo, qui iam sicut dictum est, ab extrema corporis parte fuerat premortuus, reservatus ad vitam, toto corde ad Deum conversus est; & postquam mutatus mente diu est flagellis adflatus, tum ejus anima carno soluta est. Hæc sanctus Gregorius.

Dilectant igitur qui morientibus assistunt, non tam cum aegroto loqui, quam Deum pro eo ardentius orare. Neque quoscunque homines ad visendum ægrotum in extremis constitutum admittere, sed viros pios & probos, qui

suffra-

L  
suffrag  
Deum  
a fidu  
diabo  
omne  
articu  
deben  
& lac  
culo

De qu  
rien  
qua  
caus

D  
co  
qui e  
nunc  
dum  
sed a  
tur. S  
quibu  
miner  
est mo  
ta, qua  
xia, v  
adest  
nec e  
fuit q  
bus,

suffragiis suis multum valeant apud Deum. Multum enim valet oratio iusti assidua & fervens. Et quemadmodum diabolus, quia modicum tempus habet, omnem movet lapidem in eo temporis articulo; sic etiam, & multo amplius debent fideles amici juvare precibus & lacrymis fratres suos de presenti saeculo exeuntes.

## CAP. XIV.

*De quartodecimo precepto Artis bene moriendi vicina jam morte, quod est de iis qui non ex consueto morbo, sed ex alia causa moriuntur.*

**D**Ocuimus haecenus qua ratione comparare se debeant ad mortem, qui ex morbo diuturno decumbunt: nunc addere visum est, quid illis faciendum sit, qui non ex morbo diuturno, sed aliunde in periculo mortis versantur. Sunt autem tria hominum genera, quibus extra morbum consuetum imminet mortis discrimen. Alii enim adest mors propinqua, improvisa, & certa, quales sunt qui corripuntur apoplexia, vel feriuntur caelesti fulmine. Alii adest mors propinqua, nec improvisa, nec certa, sed valde probabilis, quales sunt qui vel bellum gerunt cum hostibus, vel in alto mari cum fluctibus &

ventorum flatibus pugnant. Aliis denique propinqua mors est, nec improvisa, nec incerta, quales sunt qui decreto Iudicis à carnifice feriuntur.

Primi generis homines nullum aliud remedium habent, nisi quotidianam, vel potiùs continuam mortis memoriam. Atque ad hos propriè pertinet gravissima illa Domini Salvatoris admonitio: *Vigilate, quia nescitis diem, neque horam.* Gravis quidem, sed pretiosa necessitas, quæ ad optima & utilissima compellit. Si diceret Dominus, Vigilate nudi in aëre frigidissimo donec congeleris, & disruptis undique carnibus extingamini, ut Quadraginta Martyres olim vigilaverunt: nonne id faciendum esset, ut securi ad æternam felicitatem læti perveniremus? & si diceret, Vigilate nudi & craticulæ alligati, donec à subjecto igne ardenti cum intimo & acerrimo dolore consumpti de vita recedatis, ut quondam cum sancto Laurentio actum fuisse legimus: nonne id quoque alacri animo faciendum esset, ut gehennam ignis æterni evaderemus? At non hoc jubet Dominus Deus noster omnibus nobis; sed ut vigilemus, ne dormientibus nobis fur nocturnus adveniat, & aurum charitatis, vel gemmas preciosissimæ castitatis, vel thesaurum fidei, aut alia veræ virtutis bona nobis in peccato dormientibus

Matth.  
25.

LI  
tibus e  
oppre  
calesti  
hennar  
projec  
pentè  
diurn  
nostit  
si de l  
tibi m  
riculu  
licet t  
dere,  
manti  
nescit  
Alter  
lo rep  
vi tem  
guant  
feli, i  
bellu  
bell n  
sed c  
piunt  
justor  
in lib  
Scribi  
cipis  
quon  
re do  
milit  
bellu  
bello.



tibus eripiat: & somno peccati lethalis oppressi, & morte præoccupati, Regni celestis jacturam faciamus, & in gehennam igne inextinguibili ardentem projiciamur. At pauci sunt qui sic repente moriantur, ut nullum eis remedium afferri queat. Esto, pauci sint; unde nosti te non futurum unum ex illis? & si de illis paucis unus eris, quid proderit tibi multitudo eorum qui ejusmodi periculum evaserunt? Audi ergo, quando licet tibi tam horrendum malum evadere, consilium Patris nostri Dei clamantis, & dicentis: *Vigilate, vigilate, quia nescitis diem, neque horam.*

Altèri generi hominum, qui vel in bello repente mortui cadunt, vel in mari vi tempestatis ab undis absorpti extinguuntur, tria videntur esse necessaria ut feliciter moriantur. Primum est, ut ad bellum non accedant, nisi constet eis bellum esse justum; aut si non sponte, sed coacti à proprio Principe arma capiunt, saltem non sciant, bellum esse injustum. Sic enim docet S. Augustinus lib. 22. c. 73. in libris contra Faustum Manichæum. Scribit enim, aliam esse rationem Principis imperantis, aliam militis obsequentis. Ac Principem non posse bellare docet, nisi sciat bellum esse justum: militem autem posse, modò non sciat bellum esse injustum. Alterum est, ut in bello, leges observent sancti Ioannis

228 DE ARTE BENE MOR.

Baptistæ, qui interrogatus à militibus, quid agendum illis esset ut salvi fierent, *Eni. 3.* respondit: *Neminem concutiat, neque calumniam faciat, & contenti estote stipendiis vestris.* Postremum est, ut non patiantur peccatum lethale in corde suo umquam hæere: alioqui facile erit, ut mors quæ in præliis multos de medio tollit, illos imparatos invadat, & ad mortem æternam perpetuè cruciandos amandet. Itaque milites in castris positi, in periculo maximo versantur amittendæ vitæ sempiternæ, nisi perpetuè vigilant, & pugnent non minus adversus dæmones tentantes ad peccata, quàm adversus hostes mortales pro temporali gloria dimicantes.

Hæc eadem dici possunt ad eos qui non sine periculo navigant mare. Primum enim cavere debent ne ad malum finem navigare incipiant, ut ad capiendos & spoliandos quoscumque obvios, ut piratæ faciunt. Deinde, si bellandi causa suscipitur navigatio, observent etiam ipsi leges acceptas à sanctissimo Præcursores Domini. Denique, ut ipsi quoque non audeant lethali crimine Deum offendere, cum non longius distent à morte, quàm navis eorum ab aquis.

Tertii generis homines felices dici posse videntur, si bona sua noverint. Nam vel occiduntur jure damnati, vel injuria.

LIB  
injuria.  
nem co  
serio pe  
benter  
da susci  
ignosca  
illis sue  
erunt,  
trem or  
quia nes  
longe  
ii qui  
rant. D  
rebro  
sunt fa  
Corpor  
monibu  
nentur  
randis  
plurin  
ta. De  
homin  
gentia  
modi  
ficien  
compe  
cipien  
mortal  
talitat

injuria: si jure, mors illis ad satisfactio-  
nem coram Deo prodesse poterit, modò  
seriò peccatum suum detestentur, & li-  
benter mortem ad peccata sua expian-  
da suscipiant. Si injustè occidantur, &  
ignoscant ex animo iis qui causa exiti  
illis fuerunt; imitatores Redemptoris  
erunt, qui pro crucifixoribus suis Pa-  
trem oravit, dicens: *Pater ignosce illis,  
quia nesciunt quid faciant.* Adde, quòd isti  
longè minus patiuntur in morte, quàm  
ii qui gravi & diuturno morbo labo-  
rant. Deinde isti integris sensibus, & ce-  
rebro non vitiato cùm sint, faciliùs pos-  
sunt sacræ Confessioni & Sacramento  
Corporis Domini suscipiendo, & ora-  
tionibus operam dare, quàm ii qui deti-  
nentur in lecto doloribus variis tole-  
randis occupati, & virtute naturali ut  
plurimum debilitata, vel etiam prostra-  
ta. Denique non desunt multis in locis  
homines docti & pii, qui summa dili-  
gentia & sollicitudine assistunt ejus-  
modi hominibus supplicio extremo af-  
ficiendis, eosque docent quo modo se  
comparare debeant ad mortem piè sus-  
cipiendam; ut cùm mori incipiunt vitæ  
mortali, vivere incipiant beatæ immor-  
talitati.

## CAP. XV.

*De felici morte eorum qui Artem bene moriendi didicerunt.*

**E**xplicatis præceptis Artis bene moriendi, illud unum superesse videtur, ut breviter explicemus quæ sit utilitas in Arte bene moriendi. Res est facilis, & tamen maxima : qui enim bene moritur, feliciter moritur. Neque quomodocumque feliciter moritur qui bene moritur, neque quomodocumque infeliciter moritur qui malè moritur. Sed qui bene moritur, transit à vita mortali & misera ad vitam æternam, & omni ex parte beatissimam ; & contrà, qui malè moritur, transit à vita quæ videtur diuturna & felix ad vitam omni labore & dolore plenissimam, quæque finem laboris & doloris nullum inveniet, ut inde mors æterna sit potius dicenda quàm vita. erunt enim homines reprobi, mortui ad omnem lætitiâ & voluptatē, sed vivi ad omnem laborem & dolorem.

Rem ita se habere Scripturæ sanctæ apertè nos docent. De illis qui bene moriuntur, loquitur sanctus Ioannes in Apocalypsi, dicens : *Audisti vocem de ca-*  
*lis dicentem mihi : Scribe : Beati mortui qui*  
*in Domino moriuntur. Amodo jam dicit*  
*Spiritus,*

apoc. 14.  
 tem  
 qui ad  
 mori. se  
 cati, a  
 mortui  
 perire  
 veritas  
 bitur de  
 mortui  
 soli qui  
 qui in  
 res, pre  
 mi 21  
 tata, &  
 vita :  
 e. eus  
 Huc ac  
 ma in  
 loco A  
 ber in  
 Ait igit  
 tu qu  
 beati s  
 riumtur  
 est, in  
 per ver  
 capiti  
 Scrip  
 cas ; v  
 junctas  
 piri.

*Spiritus, ut requiescant à laboribus suis: opera enim illorum sequuntur illos. Hanc sententiam non defunt ex Scriptoribus qui ad solos Martyres pertinere existiment: sed communior & verior explicatio, ad omnes Sanctos qui piè moriuntur in Christo, verba sancti Ioannis pertinere docet. Certè sanctus Bernardus in Epistola quadam, quæ inscribitur de Machabæis, sic loquitur: Beati <sup>Epi. 98</sup> mortui qui in Domino moriuntur: non soli qui pro Domino, sicut Martyres; sed qui in Domino moriuntur, sicut Confessores, profecto beati sunt. Dux proinde res mihi videntur mortem facere pretiosam, vita, & causa; sed amplius causa, quam vita: porro illa erit pretiosissima, quam & causa commendat & vita, hac ille. Huc accedit, quòd Ecclesia, quæ optima interpret est Scripturarum, ex hoc loco Apocalypsis Lectionem legi iubet in Missa pro defunctis omnibus. Ait igitur sanctus Ioannes: Beati mortui qui in Domino moriuntur. hoc est, beati sunt illi omnes, qui cum moriuntur, inveniuntur in Domino, id est, inveniuntur coniuncti Domino per veram charitatem, ut membra viva capitis, quod est Christus. Sic de sancto Stephano moriente scripsit sanctus Lucas; *Obdormiuit in Domino*; id est, coniunctus Domino, ut membrum capi- <sup>Enc. 7.</sup> piri.*

232 DE ARTE BENE MOR.

Cur autem sint beati qui moriuntur  
in Domino, explicat sanctus Ioannes  
dicens: *Amodo jam dicit Spiritus, ut re-*  
*quiescant à laboribus suis.* Spiritus enim  
sanctus apertè declarat, in morte San-  
ctorum finem imponi laboriosis operi-  
bus omnibus, & inchoari requiem sem-  
piternam; nec solùm cessare labores  
omnes, sed etiam inchoari vitam feli-  
cissimam, plenam omni genere volup-  
tatis: quia opera illorum sequuntur il-  
los. Opera enim bona & meritoria om-  
nis consolationis & voluptatis, non  
temporariæ, sed æternæ, non remanent  
in terra, sed sanctos operarios sequun-  
tur in cælum, juxta illud Prophetæ: *Dis-*  
*persit, dedit pauperibus, justitia ejus manet*  
*in sæculum sæculi.* Opes quidem sancti  
viri relinquuntur in terra, vel potius  
consumuntur in terra; sed *justitia, libe-*  
*ralitas, misericordia, qua opes terrenæ*  
*communicatæ sunt pauperibus, manet*  
*in sæculum sæculi;* nec solùm manet, sed  
ditiosissimum facit eum qui divitias peri-  
turas in egenos distribuit super terram.  
Nec solùm opera liberalitatis sequun-  
tur eos, sed etiam opera sapientiæ, ope-  
ra fidei, opera spei, opera charitatis, o-  
pera timoris Domini, opera temperan-  
tiæ, opera fortitudinis, opera castitatis,  
opera religionis; denique opera omnia  
bona sequuntur eos, & præmia amplis-  
sima & perpetua illis acquirunt. Verè  
igitur

igitur felicissimus est qui benè moritur, cum & requiem à laboribus, & summam omnium bonorum in æternum acquirat. Accedunt ad hoc Scripturæ verissimum testimonium visitationes Sanctorum, qui adesse solent morientibus piis hominibus, ut eos in exitu de corpore consolentur & adjuvent, & dæmonia quæ terrorem ipso tempore incutere solent, compescant: quæ visitatio inter felicitates piè morientium non modica est.

Possem hoc loco historias plurimas Lib. 4<sup>a</sup> recensere, sed contentus ero exemplis Dialo. quæ extant in Dialogis sancti Grego- c. 11.rii. Igitur in quarto libro sic ipse beatus Gregorius de Vrsino Presbytero loquitur. *Vrsinus Presbyter vicinus morti, cum magna cæpit latitia clamare, dicens: Benè veniant domini mei. quid ad tantillum servulum vestrum estis dignati convenire? venio, venio, gratias ago. Cumq; hoc iterata crebro voce repeteret, quibus hoc diceret, qui illum circumsteterant, requirebant. quibus ille admirando respondit, dicens Numquid hic convenisse sanctos Apostolos non videtis? B. Petrum & B. Paulum primos Apostolorum non aspicitis? Ad quos iterum conversus dicebat: Ecce venio, ecce venio, atque inter hac verba animam reddidit. Et quia veraciter sanctos Apostolos viderit, eos etiam sequendo testatus est. Quod plerumque contingit iustis, ut in morte Sanctorum*  
pra-

præcellentium visiones aspiciant, ne ipsam  
mortis suæ paulem sententiam pertimes-  
cant; sed dum eorum menti supernorum ci-  
vium societas ostenditur, a carnis suæ copu-  
la sine doloris & formidinis fatigatione sol-  
vantur.

Idem sanctus Gregorius in eodem  
libro capite sequenti narrat, ad Probum  
Reatinæ Ecclesiæ Episcopum moribun-  
dum venisse sanctum Iuvenalem & san-  
ctum Eleutherium martyres cum in-  
genti splendore, & mox venerabilem  
Probum carne solutum cum illis qui ad  
eum venerant, in cælum abiisse. Idem  
capite sequenti refert, sanctæ Gallæ an-  
cillæ Dei ægrotanti & morti proximæ  
apparuisse sanctum Perrum, eique li-  
gumicasse, dimissa illi fuisse omnia pec-  
cata, ut securè de mundo recederet.  
Idem sequenti capite refert, moriente  
Servulo paralytico, audita fuisse in cæ-  
lo canica Angelorum, & odorem miri-  
ficam effatum. Idem sequenti capite  
narrat de Romula ancilla Dei, ingen-  
tem numerum animarum sanctarum de  
cælo ad eam venisse cum inestimabili  
claritate luminis, & suavissima odoris  
fragrantia. In sequenti capite refert de  
amita sua Tharsilla, quod primum vide-  
rit apparentem sibi Felicem Pontificem  
afflicti suum, dicerem: *Veni, qui in ore  
relictus manijone recipio. dei de mox fe-  
bri correpta, & ad extrema deveniens,*

IESVM



**LIBER SECVNDVS. 235**

**I**ESVM ad se venientem viderit, & in cum intendens expiraverit. Tantam autem odoris fragrantiam in eo loco relictam fuisse, ut ipsa quoque suavitas ostenderet, illic auctorem suavitatis fuisse. Idem in sequenti capite scribit, Musæ puellæ B. Virginem Dei matrem cum virginum choro apparuisse, eamque morientem ad Regna calorum secum duxisse. Denique in sequenti capite scribit, morienti Stephano Angelos sanctos adfuisse.

Habemus igitur teste sancto Gregorio, viris ac mulieribus piis de hac vita migrantibus assistere solitos non solum Angelos, sed etiam Martyres jam defunctos, vel Apostolorum Principes, vel ipsam Reginam calorum, vel denique Christum ipsum, Regem æternæ gloriæ. Quanta autem hæc sit felicitas, quanta gloria, quanta cordis læritia iis qui bene vivere & feliciter mori didicerunt, si soli explicare possunt, quibus datum est hæc tam ingentia Dei beneficia experiri.

**CAP. XVI.**

*De infelici morte eorum, qui Artem bene moriendi discere neglexerunt.*

**D**E Iuda proditore Dominus ait: *Bo. Matt. num erat ei, si natus non fuisset homo 26. ille.*

ille. Nihil enim infelicius cogitari potest homine, qui à fine suo, ad quem creatus erat, culpa sua aberrat. Res enim ceteræ, siue animantia bruta, siue plantæ, siue res inanimæ, si finem suum non consequantur, nihil tamen molestiæ patiuntur, cum esse desinunt. homo vero si à fine suo aberrer, qui est vita beata & sempiterna, non desinit esse & vivere, sed vitam ducit omni morte deterio-rem, ut perpetuò quærat mortem, & numquam inueniat. Proinde omni- stulto stultior est, & omni insipiente insipientior, qui non contendit omnibus viribus ad felicitatem æternam pervenire; cum nemo possit ab æterna felicitate excidere, quin incidat in æternæ damnationis abyssum.

Ad hoc ipsum summi momenti negotium verè capiendum, operæpretium esse duxi verba illa Apostoli Pauli breviter considerare, quæ habentur in Epistola posteriore ad Corinthios: Id enim  
 2. Cor. 4. quod in presenti est momentaneum & leve tribulationis nostræ, supra modum in sublimitate æternæ gloriæ pondus operatur in nobis: non contemplantibus nobis quæ videntur, sed quæ non videntur. Quæ cum videntur, temporalia sunt; quæ non videntur, æterna. Hæc Apostolica & planè aurea verba homini spirituali apertissima sunt; & ex iis potissimum spiritualis homo discit facillimo negotio artem benè vendi

vedi & artem benè moriendi; sed homini carnali vel animali verba ista sunt meræ tenebræ, eæque cimmeriæ, ac si homini Latino vel Græco Hebraica vel Arabica essent.

Homo spiritualis ex his verbis colligit, tribulationes quamvis gravissimas pro Deo susceptas, esse levissimas & brevissimas, etiamsi per multos annos tolerandæ essent: quia omne quod finem habet, non potest esse diuturnum. Easdem verò tribulationes efficere apud Deum meritum tanti pretii, ut inde ematur immensus & sempiternus gloriæ & bonorum omnium thesaurus. Ex quo intelligunt homines sapientes, non esse timendas tribulationes, sed timenda esse peccata; neque esse magnificianda bona temporalia, sed æterna. Ex quo sequitur ut benè vivant in terris, ut feliciter regnent in cælo; & per hoc piè vivant, & feliciter moriantur.

Sed homines animales & spiritum non habentes, qui verbis dicunt se credere verbis Scripturæ divinæ, factis autem negant; ii prorsus invertunt verba Apostolica, & dicunt, si non voce, saltem corde, egestatem, ignominiam, injurias, tribulationes esse gravissimas, & omni animi provisione cavendas & propulsandas, etiamsi oporteat mentiri, fraudare, homicidia perpetrare, Deum offen-

offendere, & gehennam post obitum tolerare. Quis enim scit, si quiunt, an sit usquam gehenna? & quisquam vidit æternum gloriæ pondus? At ~~eg~~ <sup>est</sup> ~~etatem~~, ignominiam, injurias esse malas. experimur, certò scimus, manibus palpiamus. Hæc mundas & qui de mundo sunt, non quidem ore pronuntiant, sed operibus testantur. & ea causa est, cur magis pars hominum malè vivat, & infelicitissimè moriatur.

Ac ut exemplum unum vel alterum mortis infelicitissimæ hominis perditæ afferamus; extat apud sanctum Gregorium in libro quarto Dialogorum exemplum cujusdam Crisostomi, qui cum esset unus de illis, quos paulò antè descripsi, si, homo politicus, prudens, & ad res mundi, ut sanctus Gregorius loquitur, valè idoneus, superbus tamen & avarus. Hic ad extrema vitæ cum venisset, apertis oculis vidit terribilissimos spiritus coram se assistere, & vehementer imminere ut ad inferni claustra eum raperent. Cœpit tremere, pallefcere, sudare, & magnis vocibus inducias petere, clamans & dicens: *Inductus vel usque manè, inductus vel usque manè.* Sed cum hæc clamaret, in ipsis vocibus de habitaculo suæ carnis evulsus est. De quo mirum constat, quia pro nobis ista, non pro se viderit, ut ejus visio nobis proficiat. Ita nimirum accidere solet iis qui

con-

conversionem suam ad extremam vitæ horam differre volunt, & de illorum numero sunt, qui, ut idem sanctus Gregorius initio quarti libri docet, quæ non vident, non facile credunt; vel si credunt, non ita credunt ut eos ad vitam probè agendam inducant.

Alterum exemplum in eodem loco idem sanctus Gregorius narrat de Monacho quodam hypocrita, qui jejunare credebatur, cum interim secretè comederet & biberet. Hunc enim ad inferos damnatum fuisse scribit sanctus Gregorius, ipso confitente peccatum suum, nec tamen pœnitentiam agente. Voluit enim Deus, ut appareret hypocritis ejus, nec tamen gratiam pœnitentia illi concessit, ut alii discerent non differre confessionem & pœnitentiam usque ad finem.

Sed his dimissis, qui culpa sua artem bonè vivendi non didicerunt, & ided felicem de hac vita exitum non habuerunt: redeo ad verba sancti Apostoli Pauli, quæ graviora sunt mysteriis & saluberrimis documentis.

Primum igitur observare par est, quàm vehementer extenuet Apostolus merita sua, id est labores pro Christo susceptos; & extoliat gloriam Regni cælorum, quæ merces est meritum. *Quod, inquit, est momentaneum & levis tribulationis nostræ.* Hæc est meritum  
R suorum

fuorum extenuatio. Laboravit Apostolus totis viribus ad annos circiter quadraginta. Nam cum accessit, vocatus à Christo, ad obsequium, adolescens erat. Sic enim scribitur in Actis Apostolorum: *Deposuerunt vestimenta sua* (lapidatores sancti Stephani) *secus pedes adolescentis, qui vocabatur Saurus.* Vixit autem in obsequio Christi usque ad senectutem, ipso scribente de se ad Philemonem: *Cum sis, sicut Paulus, senex.* Itaque consumpsit Apostolus Paulus in obsequio Christi annos omnes iuventutis, & virilis ætatis, & partem senectutis; & tamen dicit, tribulationes suas, quæ perpetuæ illi fuerunt à conversione sua usque ad martyrium, fuisse momentaneas. Et verum dicit, si comparentur ad æternitatem sempiternæ felicitatis: tamen absolutè longo tempore duraverunt.

Adjungit brevitati levitatem, dicens: *Momentaneum & leve tribulationis nostræ.* Quàm autem fuerint crudeles & asperæ tribulationes, ipse indicat, cum ait in priorē Epistola ad Corinthios: *Vsq̃*  
 2. Cor. *in hanc horam & esurimus, & sitimus, &*  
 4. *nudi sumus, & colaphis cadimur, & instabiles sumus, & laboramus operantes manibus nostris: maledicimur, & benedicimus; persecutionem patimur, & sustinemus; blasphemamur, & obsecramus; tamquam purgamenta hujus mundi facti sumus, omnia per-*  
*ipse*

*ipse usque adhuc. Idem ipse in posteriore Epistola ad eosdem Corinthios hæc addit: In laboribus plurimis, in carceribus abundantius, in plagis supra modum, in mortibus frequenter. A Iudæis quinquies quadragenas, una minus, accepi: ter virgis cæsus sum, semel lapidatus sum, ter naufragium feci, nocte & die in profundo maris fui. In itineribus sæpe, periculus fluminum, periculus latronum, periculus ex genere, periculus ex gentibus, periculus in civitate, periculus in solitudine, periculus in mari, periculus in falsis fratribus: in labore, & arumna, in vigiliis multis, in fame & siti: in jejuniis multis, in frigore & nuditate. Hæ sunt tribulationes quas appellavit leves; quæ quamvis in se gravissimæ sint, tamen amor Christi & magnitudo præmii, non sine causâ fecit videri levissimas.*

Adjungit Apostolus magnitudinem præmii, dicens: *Supra modum in sublimitate æternæ gloriæ pondus operatur in nobis. Vbi more Scripturarum sanctarum, quæ se nostræ capacitati accommodare solent, describit Apostolus præmium laborum ad similitudinem magnitudinis rei corporalis. Res enim corporalis tunc magna esse dicitur, cum est sublimis, diuturna, amara, & profunda. De sublimitate felicitatis Beatorum dicit, *Supra modum in sublimitate; id est, præmium laborum nostrorum erit sublime supra modum, id est, celsissimum,**

sic ut nullus honor, nulla dignitas, nulla sublimitas cogitari possit major. De longitudine dicit, *eternum*, quod videlicet finem nullum habebit, ad cuius comparisonem omnis duratio brevissima & momentanea dici poterat. De latitudine & profunditate dicit, *gloria pondus*. Nomen *gloriae* significat beatitudinem similem fore splendori vel lumini quod ubique diffunditur, & omnia replet. Nomen *pondus* designat profunditatem rei solidae & plenae, quae non est superficialis & inanis, sed solidissima atque plenissima. Erit igitur beatitudo Sanctorum res quaedam supra omnem modum & mensuram sublimis, aeterna, solidissima, atque plenissima.

Quia verò ista non capiant homines animales, quales sunt cives mundi huius, addidit: *Non contemplantibus nobis quae videntur, sed quae non videntur. Quae enim videntur, temporalia sunt, quae non videntur, aeterna. Haec est rota & vera ratio, cur tam pauci discant artem bene & feliciter vivendi & moriendi: quia vel non cogitant, vel non serid cogitant ea quae non videntur, & aeterna sunt; sed toti sunt occupati in consideranda pulchritudine vel utilitate rerum corporalium & transeuntium quae videntur. Itaque hoc solum inter-*  
animales



animales spiritum non habentes; quòd illa non considerant nisi præsèntia, quia non habent mentem rationis capacem, qua sola considerari possunt res futuræ & sempiternæ: homines autem carnales & animales non cogitant neque considerant res futuras & sempiternas, quia visco concupiscentiæ carnalis capiti, non volunt mentem avertere à rebus præsèntibus, & convertere ad res futuras, quæ solæ sunt verè magnæ, pretiosæ, & sempiternæ. Atque hæc de prima consideratione sententiæ Paulinæ.

Altera consideratio non minùs utilis & salutaris, ad illos pertinet qui ad inferos descenderunt: illi enim, quibus pœna jam oculos mentis aperuit, quos in hoc sæculo culpa clauferat; illi, inquã, jam apertissimè intelligunt, bona mundi hujus, divitias, honores, delicias, Regna & Imperia fuisse pro ipsis momentanea & levia; & tamè propter illa amisisse se bona eminentissima & perpetuè duratura. Vnde perpetuè gement, & consolationè nullam invenient, quòd cum in terris essent, tam stulti fuerint, ut propter bona fragilia & peritura, & non tam bona quàm umbras bonorum, amiserint bona cælestia, supra modum in sublimitate eternū gloriæ pòdus habèria.

Audiamus voces eorum ex libro Sapientiæ: placuit enim Spiritui sancto

in libro Sapientiæ nobis referre voces  
 insipientium illorum, quæ illis quidem  
 inutiles sunt, nobis autem fructuosæ  
 542. 5. esse poterunt, si velimus. Ergo erravi-  
 mus, inquit, à via veritatis; & ju-  
 stitia lumen non luxit nobis, & sol intelli-  
 gentiæ non est ortus nobis. Lassati sumus in  
 via iniquitatis & perditionis, & ambulavi-  
 mus vias difficiles, viam autem Domini ig-  
 noravimus. Quid nobis prodest superbia? aut  
 divitiarum jactantia quid contulit nobis?  
 Transferunt omni illa tamquam umbra, &  
 tamquam nuntius percurrentis, & tamquam  
 navis, qua pertransit fluctuantem aquam,  
 cujus, cum præterierit, non est vestigium  
 invenire; aut tamquam avis qua transvo-  
 lat in aere, cujus nullum invenitur argu-  
 mentum itineris. hæc Sapiens. Ex quibus  
 non solum intelligimus, animales ho-  
 mines in inferno poenitentiam acturos,  
 quod propter bona exigua & tempora-  
 lia amiserint magna & æterna; sed et-  
 iam quod multum laboraverint usque  
 ad magnam defatigationem in bonis  
 perituris acquirendis vel conservandis.  
 Quod planè verissimum est, & sæpè ac-  
 cidit, ut contemptores temporalium bo-  
 norum vivant hilariores & latiores, quàm  
 ii qui divitiis & honoribus abundant.  
 Certè Apostolus Paulus, cujus verba  
 explicanda suscepimus, de se ipse dicit:

2 Cor. 7. Repletus sum consolatione, superabundo gau-  
 dio in omni tribulatione nostra. De sancto

Antonio

Antonio, qui temporalia bona omnia dimiserat, sanctus Athanasius in ejus Vita refert, eum nunquam vitium fuisse tristem. Quod idem de sanctis omnibus dici potest, quamvis pauperimis, & laborantibus perpetuò in oratione, & jejuniis, & carnis propriæ mortificatione. Itaque qui propter bona temporalia comparanda, vel conferenda, vel augenda non tinent amittere bona sempiterna; si non solum sempiterna bona penitus amittunt, sed magna ex parte propter ipsa temporalia, lætitiæ & consolationis internæ jacturam faciunt; & dum felicitatem terrenam quærunt, felicitatem terrenam & cælestem perdunt.

An non igitur æquum esset, ut nos qui adhuc in via sumus, exemplo eorum qui nos præcesserunt, sapere inciperemus? Certè, si dum iter facimus, admoneret nos aliquis, viam, quam ingressi sumus, non ducere ad locum ad quem peruenire desideramus, sed ad præcipitium, vel ad speluncam latronum; nemo nostrum esset, qui non cum gratiarum actione acciperet admonitionem, & dicto citius aliud iter arriperet. Quod si in corporali & temporalis periculo facimus; æquum profectò est, ut multò libentius & alacrius id faciamus in periculo spirituali simul & corporali, temporalis & sempiterno.

R. 4

Postremò

Postremò restat consideratio pro illis hominibus, qui uique adeò carnales & animales sunt, ut detrimentum æternæ vitæ & gloriæ cælestis exuperantis omnem sensum, non magnifaciant. Isti verò admonendi sunt, ut si non magnifaciunt gloriam cælestem, quam nunquam viderunt, saltem non despiciant ignem, & sulphur, & alias corporales pœnas quas noverunt, quæque in gehenna atrocissimæ inveniuntur. Verè enim *quod est in presenti momentaneum & leve voluptatis carnalis; supra modum in profunda gehenna æternum miseriæ pondus operatur in impiis.* Et quidem Dominus Christus in die novissima paucis verbis aperiet hoc ipsum, dicens:

*Matt. 25. Ite maledicti in i-nem æternum, qui praparat*

*ratus est diabolo & angelis ejus.*  
Sed beatus Ioannes in Apocalypsi copiosius explicavit, quali sint tormenta parata diabolo & angelis ejus, & hominibus ab ipso circumventis & seductis. De diabolo principe impiorum sic legimus in Apocalypsi: *Et diabolus, qui seducebat eos, missus est in stagnum ignis & sulphuris, ubi & bestia & ipsa prophetia cruciabuntur die ac nocte in sæcula sæculorum.* & capite sequenti de reliquis ad inferos damnatis dicitur:

*Apoc. 21. Timidis, & incredulis, & execratis, & homicidis, & fornicatoribus, & veneficis, & idololâtris, & omnibus mendacibus; pars illorum*

rum erit in stagni ardenti igne & sulphure;  
*quod est mors secunda.* Ex quibus verbis,  
 primum solum indiget explicatione, re-  
 liqua enim manifesta peccata sunt. Ti-  
 midos igitur vocat sanctus Ioannes  
 eos, qui non audent resistere tentato-  
 ri, sive diabolo sive homini; sed con-  
 tinuò dant manus, & consentiunt ten-  
 tatori. Quibus sanctus Iacobus ait. *Re-*  
*sistite diabolo. & fugiet à vobis.* Sunt au-  
 tem non pauci, sed ferè innumerabiles,  
 qui non didicerunt bellare bella Domi-  
 ni; sed absque ulla resistentia susci-  
 piunt vulnera diaboli, & moriuntur  
 morte prima, quæ est peccatum lethale:  
 & quia timidi sunt etiam in agenda pœ-  
 nitentia, cùm non audeant castigare &  
 in servitutem redigere corpus suum, id-  
 eò incidunt in mortem secundam, quæ  
 est gehenna. Itaque rectè posuit Ioan-  
 nes primo loco timidos, quia timiditas  
 infinitos homines ad inferos perducit.

Quid igitur hîc dicent homines car-  
 nales? Momentanea & levia esse bona  
 temporalia, experimento aliorum &  
 nostro omnes dilicimus: gravissima &  
 sine fine duratura esse tormenta gehen-  
 næ, Scriptura divina, in qua falsitas  
 esse non potest, apertè testatur. Ex qui-  
 bus sequitur, ut summa totius Artis be-  
 nè moriendi sit ea, quæ tribus sequen-  
 tibus propositionibus cõtinetur, sive quæ  
 sequenti ratiocinatione concluditur.

## CAP. XVII.

*Summa totius Artis bene moriendi.*

**M**omentanea & modica est tam consolatio quàm tribulatio vitæ præsentis. sempiterna & maxima est tam consolatio quàm tribulatio vitæ futuræ. Igitur stulti sunt, qui consolationem vel tribulationem vitæ futuræ contemnunt. Hujus argumentationis propositio prima nota est per experimentum; secunda notissima est per Scripturam spiritus sancti; tertia sequitur ex duabus præcedentibus. Si quis igitur velit Artem bene moriendi facere & cito perdiscere, non sit contentus lectione libri hujus aut aliorum similium; sed attentè consideret, non semel, sed sæpius; non animo discendi, sed intentione bene vivendi & feliciter moriendi, quantum distent à momentaneis sempiterna, & à gravissimis levissima. Et si in hac utilissima veritate solidissimè confirmari cupit, consideret exempla eorum qui fuerunt ante nos, sive sapientes, sive stulti illi fuerint, hoc est, sive bene vivendo feliciter mortui sint, sive malè vivendo perierint in æternum. Ac ut laborum quærendi exempla Lectoribus demam, adteram ego tria paria exemplorum, unum Regum, alterum

rum hominum privatorum, tertium Ecclesiasticorum; & omnia ex Divinis literis deprompta proponam.

Primum erit Saulis & Davidis. Saul primus Rex Hebræorum, cum esset homo privatus & pauper, usque adeò probus erat, ut Scriptura testante, non esset inter filios Israel melior illo. Crea<sup>9</sup>.  
 tus Rex, mutavit vitam & mores, ut jam non inveniretur illo deterior. Persecutus est Davidem innocentem usque ad mortem, non alia de causa, nisi quia suspicabatur, eum post se Regem futurum. Tandem cum regnavisset annis viginti, occisus in bello ad gehennam descendit. David fidelis & pius, post diuturnam persecutionem Saulis, Rex declaratus, Regnum annis quadraginta iusti timè gubernavit, in quibus multas tribulationes perpeffus, tandem in pace quievit.

Conferamus nunc utriusque consolationes & tribulationes, & videamus, uter artem benè vivendi & feliciter moriendi meliùs didicerit. Saul dum vixit, voluptatem imperandi, quæ maxima esse solet, non liquidam nec solidam habuit, propter odium quo Davidem persequabatur. Itaque viginti annis regnandi dulcedinem non sine felle invidentiæ degustavit. Annis illis evolutis fugit ab eo omnis vitæ jucunditas, & successit pura & sempiterna calamitas

calamitas; & nunc usque, ad annos circiter bis mille & septuaginta, vivit pars ejus nobilior, & est animus, in doloribus maximis, & quod miserabilius est, sine fine ullo duraturus. David contra vixit annis septuaginta, quadraginta regnavit. Et quamvis tribulationes non exiguas nec paucas gustaverit, tamen consolationes etiam maximas & frequentissimas expertus est ex revelationibus divinis, quas in Psalmis suis dulcissimis expressit; & post obitum non ad poenas, sed ad refrigerium; in sinum Abrahæ cum sanctis Patribus concessit: & post Christi Domini resurrectionem cum ipso Christo ad regna caelorum sempiterna conscendit:

Indicet nunc Lector, an non sit infelicitissimus exitus de corpore hominum iniquorum, quamvis Regum vel Imperatorum; & felicissimus exitus justorum, etiam si Regum vel Imperatorum. Saul, ut dixi, annis viginti regnavit; post obitum annorum duobus millibus & eo amplius in igne gehennæ absque ullo refrigerio mansit. Quæ comparatio est annorum viginti cum duobus millibus annorum? Quis optaret viginti annos summx & liquidissimæ voluptatis, si certò sciret, ob eam voluptatem in ardentissima fornace manurum se ad annos bis mille & amplius? Et esse ullus homo tam vecors, qui tormentum

mentum  
vellet a  
le, sed  
viginti  
poteret  
mentum  
duratur  
rum?  
temitas  
ullo res  
ta cor  
nitentia  
siderati  
poterit  
tanea  
maxim  
turn is i  
secutis  
vea. n te  
Paralissi  
Alteru  
& Laza  
Dives E  
tas est c  
duelac  
querue  
mendac  
pulonis  
tione d  
tu, & m  
tara m  
est, atq  
tans el



LIBER SECVNDVS. 251

mentum omnium maximum subire vellet ad annos, non dicam bis mille, sed bis centum, ut postea ad annos viginti voluptate quantumvis maxima potiretur? Quid si nunc addamus, tormentum gehennæ non annos bis mille duraturum, sed finem nullum habiturum? Hæc certè sola tormentorum æternitas, sine ulla cessatione & sine ullo refrigerio duratura, ejusmodi est, ut cor ferreum & pectus æneum ad poenitentiam flectere possit. Eandem considerationem Lector per se adjungere poterit de tribulatione Davidis momentanea & levi, cum gloria & voluptate maxima & sempiterna, quam post obitum is ipse David in cælesti regno consecutus est, quamvis magis nos moveant tormenta gehennæ, quàm gaudia Paradisi.

Alterum exemplum erit Epulonis & Lazari, ex Evangelio sancti Lucæ. Dives Epulo ad modicum tempus lætatus est cum amicis suis, quippe qui *in Luc. 16* duebatur purpura & bysso, & epulabatur quotidie splendide: Lazarus econtrariò mendicis & æger jacebat ad fores Epulonis ulceribus plenus, & cupiebat saturari de micis quæ cadebant de mensa divitis, & nemo illi dabat. Sed paulò post mutata sunt omnia. Dives Epulo mortuus est, atque ad gehennam descendit: mortuus est etiam Lazarus, & ab Angelis in

in locum refrigerii & sinum Abraham delatus est. Et quidem Epulo post brevissimam consolationem in flamma ignis æterni cruciari cæpit, & nunc etiam cruciatur, & sine ullo refrigerio vel cessatione cruciabitur in sæcula sæculorum: Lazarus pius & patiens, post brevem tribulationem ad quietem in sinum Abraham concessit; deinde post Christi resurrectionem ad cælestia & felicissima regna migravit, ubi beatus sine fine erit. Certè quidem, si tempore illo nos quoque fuissetus in vivis, pauci aut nulli ex nobis similes Lazari, sed omnes aut plurimi ex nobis similes esse cupivissetus Epulonis: & nunc tamen omnes Lazarum felicissimum, & Epulonem miserrimum judicamus. Cur igitur nunc, cum nobis optio detur, non eligimus virtutem Lazari potius quàm vitia Epulonis? neque enim vituperandæ sunt divitiæ, cum Abraham, & David, & alii multi Sanctorum, divitissimi fuerint: sed damnanda est crapula, luxus, vanitas, inimisericordia, & alia vitia, quæ Epulonem ad gehennam perduxerunt. Neque in Lazaro solam pauperiem & ulcera consideramus, sed patientiam & pietatem extollimus. Illud autem est valdè mirandum, quòd cum ista omnia noverimus, & Epulonem stultissimum, & Lazarum sapientissimum judicemus;

tamen

## LIBER SECVNDVS. 253

tamen adhuc non pauci reperiuntur, qui vivendo Epulonem imitari non desinant, cum certissimi esse possint, similes illi se futuros esse in pœnis, cujus similitudinem in vitiis exprimere voluerunt.

Restat exemplum tertium Iudæ proditoris & sancti Matthiæ, qui Iudæ in Apostolatu successit. Iudas prorsus infelix in hoc mundo, & infelicitissimus in alijs; tribus annis Dominum Salvatorem secutus, ex furto sacrilego marsupium implere satagens, non contentus iis pecuniis quas ex communi eleemosyna sibi accipiebat; avaritiæ morbo stimulante ed pervenit, ut Dominum & Magistrum venderet. Sed paulò post à diabolo in desperationem adductus, pecunias restituit, & se ipse suspendio necavit, vitamque temporalem & sempiternam simul amisit. Itaque Dominus de Iuda horribilem illam sententiam protulit: *Bonum erat ei, si natus non fuisset*. Sanctus Matthias qui Iudæ successit, id est, in locum ejus electus, momentaneum laborem & dolorem, non sine affluentia cælestium deliciarum, sustinuit: nunc verd omni labore & dolore finito, cum Christo felix regnat in cælis, cui fidelissimè servivit in terris.

Hæc Iudæ cum Matthia collatio, ad Episcopos & Regulares pertinet. Fuit enim

enim Iudas Christi Apostolus, ac per  
 Ps. 102 hoc Episcopus designatus. Nam de Iu-  
 da & Matthia sanctus Petrus illa verba  
 Psalmi exposuit: *Episcopatum ejus acci-  
 piat alter.* Et idem Iudas inter viros re-  
 gulares numerabatur, cum de Aposto-  
 lis omnibus sanctus Petrus dixerit. *Ecce*  
 27. *nos reliquimus orni, & sancti sumus tei:*  
*quid ergo erit vobis?* Iudas ergo omnium  
 hominum infelicitissimus, ex altissimo  
 perfectionis statu cum cecidisset, id pa-  
 rum lucri quod male acquirerat, reiti-  
 tuendo amisit, & sibi ipse carnifex fa-  
 ctus, ad poenas sempiternas damnatus,  
 exemplo esse potest Ecclesiasticis & Re-  
 gularibus omnibus, ut videant quomo-  
 do ambulent, & quale periculum illis  
 immineat, nisi perfectioni status sui  
 sanctè vivendo respondeant. Nam Saul  
 & Epulo de felicitate tēporali ad ærum-  
 nam sempiternam moriendo venerunt:  
 Iudas verò temporalem felicitatem nul-  
 lam habuit, sed umbrā solā, sive spem  
 felicitatis; & tamen ad sempiternum  
 exitium, & quidem horribilius quā  
 Saulis & Epulonis exitium fuerit, se-  
 metipsum occidendo, descendit. Sed  
 etiamsi Iudas ditescendo divitias om-  
 nium mortalium superasset, & postea  
 tamen ad æternam pauperem & sup-  
 plicia gehennæ sine fine duratura venis-  
 set, ut reipta jam venit: quid illi divi-  
 tiarum cumulus profuisset?

Maneat

LIBER SECVNDVS. 255

Maneat ergo stabilis & vera ratio-  
cinatio, quam initio Capitis posuimus,  
& quam nunc verbis Apostolicis repe-  
timus :

QVOD IN PRÆSENTI EST <sup>2. Co. 4</sup>  
MOMENTANEVM ET LEVE  
TRIBVLATIONIS NO-  
STRÆ, SVpra MODVM  
IN SVBLIMITATE ÆTE-  
NVM GLORIÆ PONDVS  
OPERATVR IN NOBIS :  
NON CONTEMPLANTIBVS  
NOBIS QVÆ VIDENTVR,  
SED QVÆ NON VIDEN-  
TVR: QVÆ ENIM VIDEN-  
TVR, TEMPORALIA SVNT;  
QVÆ NON VIDENTVR,  
ÆTERNA SVNT.

S

INDEX

INDEX CAPITVM  
LIBRI PRIM.

CAPVT I.

DE primo praecepto Artis benè moriendi,  
quod est, ut qui cupit benè mori, benè  
vivat. Pag. 1

CAP. II.

De secundo praecepto Artis benè moriendi,  
quod est mori mundo. 4

CAP. III.

De tertio praecepto Artis benè moriendi,  
quod est de tribus virtutibus Theologicis.  
II

CAP. IV.

De quarto praecepto Artis benè moriendi,  
quod continet tria documenta Euangeli-  
ca. 19

CAP. V.

De quinto praecepto Artis benè moriendi, in  
quo detegitur error divitum hujus mun-  
di. 29

CAP. VI.

De praecepto sexto Artis benè moriendi, quo  
explicantur tres vi tutes morales. 35

CAP. VII.

De septimo praecepto Artis benè moriendi,  
quod est de Oratione. 42

CAP. VIII.

De octavo praecepto Artis benè moriendi,  
quod est de Ieiunio. 53

CAP.

## INDEX CAPITVM.

### CAP. IX.

De nono praecepto Artis bene moriendi, quod  
est de Eleemosyna. 64

### CAP. X.

De decimo praecepto Artis bene moriendi,  
quod est de Sacramento Baptismi. 76

### CAP. XI.

De praecepto undecimo Artis bene moriendi,  
quod est de Confirmatione. 84

### CAP. XII.

De duodecimo praecepto Artis bene morien-  
di, quod est de Eucharistia. 89

### CAP. XIII.

De praecepto decimotertio Artis bene mo-  
riendi, quod est de Penitentia. 96

### CAP. XIV.

De praecepto decimoquarto Artis bene mo-  
riendi, quod est de Sacramento Ordinis.  
104

### CAP. XV.

De quintodecimo praecepto Artis bene mo-  
riendi, quod est de Matrimonio. 111

### CAP. XVI.

De sextodecimo praecepto Artis bene mo-  
riendi, quod est de Sacramento Vnctionis  
extrema. 120

## LIBRI SECVNDI.

### CAP. I.

DE primo praecepto Artis bene moriendi  
vicina jam morte, quod est de medi-  
tatione mortis. 143

S 2

CAP.

## INDEX CAPITV M.

### CAP. II.

De secundo praecepto Artis bene moriendi  
vicina jam morte, quod est de Iudicio  
extremo. 150

### CAP. III.

De tertio praecepto Artis bene moriendi vi-  
cina jam morte, quod est de Gehenna.  
160

### CAP. IV.

De quarto praecepto Artis bene moriendi  
vicina jam morte, quod est de Gloria  
Beatorum. 166

### CAP. V.

De quinto praecepto Artis bene moriendi  
vicina jam morte, quod est de Testi-  
mento cendendo. 174

### CAP. VI.

De sexto praecepto Artis bene moriendi vi-  
cina jam morte, quod est de Confessione  
torum. 178

### CAP. VII.

De septimo praecepto Artis bene moriendi  
vicina jam morte, quod est de Sacro-  
sancto viatico. 183

### CAP. VIII.

De praecepto octavo Artis bene moriendi vi-  
cina jam morte, quod est de Vnctione  
extrema. 195

### CAP. IX.

De nono praecepto Artis bene moriendi, vi-  
cina jam morte, quod est de prima tenta-  
tione diaboli id est, de Haresi. 199

CAP.



INDEX CAPITV.M. 7

CAP. X.

De decimo praecepto Artis bene moriendi vicina jam morte, quod est de secunda tentatione, id est, de Desperatione. 204

CAP. XI.

De undecimo praecepto Artis bene moriendi vicina jam morte, quod est de tertia tentatione, id est, Odio Dei. 209

CAP. XII.

De duodecimo praecepto Artis bene moriendi vicina jam morte, quod est de remedio primo adversus tentationes diaboli. 215

CAP. XIII.

De praecepto tertiodecimo Artis bene moriendi vicina jam morte, quod est de secundo remedio adversus tentationes diaboli. 220

CAP. XIV.

De praecepto quartodecimo Artis bene moriendi vicina jam morte, quod est de iis, qui non ex consueto morbo, sed ex alia causa moriuntur. 225

CAP. XV.

De felici morte eorum, qui Artem bene moriendi didicerunt, 230


CAP. XVI.

De infelici morte eorum, qui Artem bene moriendi discere neglexerunt. 235

CAP. XVII.


Summa totius Artis bene moriendi. 248

FINIS.























15 J. L. D. L.

Exaudi quodcumque  
Pater quodcumque  
Filius quodcumque  
Spiritus quodcumque

